




## E-BOOK



বাথরুমের দরজা খোলা। লোকটা অনেকক্ষণ ধরে বাথরুমে। বিশ্রী রুমের একটা আওয়াজ আসছে। গঁরল-গঁল-গঁরল। একজন মানুষ এমন কুৎসিত শব্দে গাংলি করে কিভাবে? সুন্দর শোভন কিছুই কি মানুষটার নেই?

সোমা হাই তুলল। মাত্র নটা বাজে। এর মধ্যে হাই ওঠার কথা না। কিছু এই মানুষটি আশেপাশে থাকলে তার হাই ওঠে। লোকটি অবশ্য বুঝতে পারে না। হাই ওঠার সঙ্গে যে অবহেলার একটা ব্যাপার আছে, তা বোধ হয় সে জানেও না। জানলেও তার হয়ত কিছু যায় আসে না।

ঃ সোমা।

লোকটার গলার স্বর অবশ্য মিষ্টি। না, মিষ্টি বলাটা ঠিক হচ্ছে না। পুরুষদের গলা মিষ্টি হয় না। ধাতব একটা ঝংকার শুধু থাকে। এই লোকের তা আছে। শুনে ভালো লাগে। কথা শুনেলে জবাব দিতে ইচ্ছে করে।

ঃ এই সোমা।

ঃ আসছি।

ঃ একটু লবণ দাও।

ঃ লবণ দিয়ে কি করবে?

ঃ দাঁত ঘষব। শালা দাঁতে পেইন উঠেছে।

সোমা লবণ আনতে গেল। তার কানে ঝনঝন করে বাজছে—দাঁত ঘষব। শালা দাঁতে পেইন উঠেছে। লোকটা কি ইচ্ছে করলে শালা শব্দটা বাদ দিতে পারত না? বোধহয় না। এইসব শব্দ তার রক্তে মিশে আছে। এই ঘরে একটা সাদা রঙের বিড়াল আসে। বিড়ালটার একটা ক্রাখ নষ্ট। তাই সে বিড়ালটাকে ডাকে কানা-শালী। বিড়ালটাকে শালী না ডাকলে কি চলতো না?

সোমা ঝকঝকে একটা পিরিচের ঠিক মাঝখানে খানিকটা লবণ নিল। কিছু ছড়িয়ে গিয়েছিল — সাবধানে সে একত্র করল। অসুন্দর কোন কিছুই তার ভাল লাগে না। যদিও তাকে বাস করতে হয় অসুন্দরের মধ্যে।

লোকটা তার হাত থেকে পিঁচি নিল। লবণ কত সুন্দর করে সাজানো সেদিকে সে লক্ষ্যও করছে না। আঙুলে লবণ নিয়ে বিকট ভঙ্গিতে দাঁত ঘষছে। মাঝে মাঝে থু-থু করে থুথু ফেলছে। সোমা বাথরুমের দরজার পাশে দাঁড়িয়ে আছে। তার দাঁড়িয়ে না থাকলেও চলতো, তবুও সে দাঁড়িয়ে আছে। কেন আছে লোকটা কি তা জানে? মনে হয় জানে না।

ঃ সোমা।

ঃ বল।

ঃ শালার রক্ত পড়ছে। মাটি নষ্ট হয়ে গেছে। নিমের ডাল জোগাড় করতে হবে। টুথপেস্ট ফুতপেস্ট দাঁতের বারটা বাজিয়ে দেয়।

কিছু বলবে না বলবে না করেও সোমা বলল, নিমের ডাল কোথায় পাবে?

ঃ আছে সবই আছে। ঢাকা শহরে সব আছে। শালার ইন্টারেস্টিং একটা শহর। ভেরী ইন্টারেস্টিং।

ঃ ভাত বাড়ব?

ঃ বাড়। মিনু হারামজাদী কোথায়?

ঃ ঘুমচ্ছে।

নয়টা বাজতেই ঘুম- হারামজাদী পেয়েছে কি? মাসে সস্তর টাকা দেই ওর মুখ দেখার জন্য? কানে ধরে তোল। এগারটার আগে ঘুমাতে দেখলে থান্ড দিয়ে হারামজাদীর দাঁত ফেলে দেব।

ঃ ওর জ্বর। আমি ভাত বাড়ছি- অসুবিধাতো কিছু নেই।

ঃ অসুবিধা থাকুক আর না থাকুক, নটার সময় ঘুমাতে কেন? ফাজিলের ফাজিল।

সোমা রান্না ঘরে চলে গেল। খাবার গরম করল। কেটলিতে চায়ের পানি চড়িয়ে দিল। খাওয়া দাওয়ার পর লোকটা এক কাপ চা খায়। আদা দিয়ে কড়া এককাপ চা। এতে নাকি পিষ্ট পরিষ্কার হয়। আজ খাওয়ার আয়োজন ভাল না। ছোট মাছের তরকারী, আলু ভাজা এবং ডাল। মুগের ডাল। লোকটার খুব প্রিয় জিনিস। হুস হুস শব্দ করে ডাল খাবে। চোখ চকচক করতে থাকবে। খাবার সময় বেশ কয়েকবার বলবে— ভাল হয়েছে। গুড কুকিং। এক নম্বরী ডাল।

তারা খেতে বসতে বসতে দশটা বেজে গেল। বারান্দায় টেবিল। দুজনে বসেছে মুখোমুখি। লোকটা প্লেটে ডাল নিতে নিতে বলল, মুগের ডাল না-কি?

সোমা জবাব দিল না। লোকটা হাসি হাসি মুখে তাকিয়ে আছে।

ঃ ডালের গন্ধটা ফাইন। মনে হচ্ছে গুড কুকিং হয়েছে। ডাল ভেজে নিয়েছিলে?

ঃ হ্যাঁ।

ঃ গুড। ভেরী গুড। মুগের ডালের আসল রহস্য ভাজার মধ্যে। অল্প ভাজাও যাবে না, আবার বেশীও ভাজা যাবে না। ডিফিকাল্ট। খুব ডিফিকাল্ট।

সাদা বিড়ালটা চলে এসেছে। লোকটার পায়ের কাছে ঘুরঘুর করছে। খামচি দিয়ে দৃষ্টি আকর্ষণ করার চেষ্টা করছে। খেতে না দেয়া পর্যন্ত এরকম করতেই থাকবে। মাঝে মাঝে কামড়ও দেবে।

ঃ সোমা।

ঃ বল।

কানাশালীর আবার পেট হয়েছে—দেখছ? শালী ফুঁটি করে বেড়াচ্ছে। প্রতি তিন মাসে একবার করে পেট। অবস্থাটা চিন্তা কর। শালী মনে হচ্ছে বিরাট প্রেমিকা।

সোমা মুখ নীচু করে খেয়ে যাচ্ছে। কথাগুলো শুনতে ইচ্ছা করছে না। কিছু উপায় নেই। শুনতেই হবে। অসুন্দর কোন দৃশ্য দেখতে না চাইলে আমরা চোখ বন্ধ করতে পারি। কান বন্ধ করার কোন উপায় নেই।

ঃ সোমা

ঃ বল।

ঃ শালীর লাইগেশন করিয়ে দিলে কেমন হয়? ফুঁটি করে বেড়াবে। পেট হবে না। ফাইন ব্যবস্থা। বিড়ালেরও লাইগেশন হয়। তুমি জান?

ঃ জানি না।

ঃ হয়। খোঁজ নিয়েছি। বদরুল সায়েবের এক শালা পশু হাসপাতালের কম্পাউন্ডার। তার কাছে শুনলাম। শালীকে পশু হাসপাতালে নিয়ে যাবো। কষ্টটা দেখ না, তিন মাস পরপর— ডালটা ভাল হয়েছে। গুড কুকিং।

সোমা জবাব দিল না। জবাব দেবার কিছু নেই।

লোকটা গম্ভীর গলায় বলল, বিড়াল জানানোয় ভাল। ফুঁটিফাটা যা করে মানুষের আড়ালে করে, আর কুকুরের অবস্থাটা দেখ—

সোমা ভাবল লোকটা কঠিন কিছু বলবে। শেষ মুহূর্তে নিজেকে সামলে নিল। থাক আজ আর বলে কি হবে? কোন দরকার নেই। সোমা উঠে পড়ল। লোকটা বিস্মিত হয়ে বলল, খাওয়া হয়ে গেল?

ঃ হ্যাঁ।

ঃ একটা বাটিতে করে শালীকে খানিকটা দুধ খেতে দাও। এখন শালীর ভাল মন্দ খাওয়া দরকার। ডালটা ভাল হয়েছে—সোমা। গুড কুকিং।

সোমা বাটিতে করে বেশ খানিকটা দুধ বিড়ালটাকে এনে দিল। বিড়ালটা জিভ ভিজিয়ে ভিজিয়ে দুধ খাচ্ছে আবার ফিরে যাচ্ছে লোকটার পায়ের কাছে। কতজ্ঞতা জানিয়ে আবার ফিরে আসছে বাটির কাছে। সোমার কাছে একবারও আসছে না। বিড়ালরাও অনেক কিছু বুঝতে পারে।

ঃ সোমা।

ঃ বল।

ঃ শালীকে এখন থেকে রোজ খানিকটা দুধ দেবে। এই সময় খাওয়াটা ভাল দরকার। তিন মাস পরপর পেট হয়ে যাচ্ছে। কি অবস্থা দেখ।

লোকটা শব্দ করে ঢেকুর তুলল। বাটিতে সামান্য যা ডাল ছিল চুমুক দিয়ে খেয়ে ফেলল। গোঁফে হলুদ রঙের ছোপ। সোমা একবার ভাবল, বলবে গোঁফে ডাল লেগেছে। শেষ পর্যন্ত আর বলল না।

ঃ চা দাও সোমা, খাওয়া হয়ে গেছে। আজকের মত একসেলেন্ট ডাল অনেকদিন খাওয়া হয়নি। মাছের একটা মাথা যদি দিতে পারতে তাহলে দেখতে কি জিনিস হত।

সোমা চা খেতে এসে দেখে লোকটা মেঝেতে উবু হয়ে বসে আছে। বিড়ালের দুধ খাওয়া দেখছে। এখনো হাত ধোয়া হয়নি। ডাল শুকিয়ে হলুদ দাগ পড়েছে।

ঃ চা নাও।

ঃ শালীর দুধ খাওয়ার কায়দাটা দেখেছ? কেমন ঘুরে ঘুরে খায়। অভ্যুত কাণ্ড।

সোমা দাড়িয়ে রইল। সে বিড়ালের দুধ খাওয়া দেখছে না। লোকটাকে দেখছে। কিছুক্ষণের মধ্যেই যাকে সে অত্যন্ত কঠিন কিছু কথা বলবে। কঠিন কথাগুলো শুনে সে কি করবে কে জানে, চায়ের কাপ ছুড়ে ফেলবে? চিৎকার চেষ্টামেটি করবে? গায়ের উপরঝাপিয়ে পড়বে? কিছুই বলা যাচ্ছে না। বিশেষ বিশেষ পরিস্থিতিতে একটা মানুষ কেমন আচরণ করে তা বলা খুবই কঠিন।

ঃ চা ঠাণ্ডা হয়ে যাচ্ছে।

ঃ শালী কেমন ঘুরে ঘুরে দুধ খায় দেখেছ? ইন্টারেস্টিং। ভেরী ইন্টারেস্টিং।

সোমা সহজ স্বাভাবিক স্বরে বলল, হাত মুখ ধুয়ে তুমি বসার ঘরে একটু আসবে? তোমার সঙ্গে খুব জরুরী কিছু কথা আছে।

লোকটা কিছুক্ষণ অবাক হয়ে সোমার মুখের দিকে তাকিয়ে রইল। সে কি কিছু আঁচ করতে পারছে? মনে হয় না। আঁচ করতে পারলে থম থমে গলায় বলত — কি জরুরী কথা? সে কিছুই না বলে বাথরুমে হাত মুখ ধুতে ঢুকল। বাথরুম থেকেই চৌচৌয়ে বলল, চা খাব না। একটা পান দাও। সোমাদের বসার ঘরটা ছোট। এই ছোট ঘরের একটা অংশে মিনু গুয়ে আছে। বার বার এ পাশ ও পাশ করাচ্ছে। জ্বর বেড়েছে

বোধহয়। অন্য সময় হলে সোমা মেয়েটার জ্বর দেখতো। ঘুম ভাঙ্গিয়ে কিছু খাওয়ানোর চেষ্টা করতো। আজ তা করল না। জরুরী কথাগুলো শেষ হোক। তারপর যদি সুযোগ হয় তখন দেখা যাবে।

বসার ঘরে চারটা বেতের চেয়ার। মাঝখানে গোল টেবিলে ধবধবে সাদা টেবিল ক্লথ। টেবিল ক্লথের ঠিক মাঝখানে লাল রঙা পিরিচে-পান। সাদা, লাল এবং সবুজরঙ কি সুন্দর লাগছে।

লোকটা সোমার সামনের চেয়ারে বসল। তার চোখ লালচে। রাতের বেলা তার চোখ লালচে হয়ে থাকে। ভোরবেলা আবার সাদা হয়ে যায়। বাঁ-চোখ অবশ্যি সাদা হয় না। লালচে আভা খানিকটা থেকেই যায়। ছোট বেলায় নাকি বাঁ চোখে চোট খেয়েছিল।

ঃ পান দাও।

লোকটা পান নিতে নিতে কঠিন চোখে তিন চার বার তাকাল। আজ তার চোখ অন্যদিনের চেয়েও লাল মনে হচ্ছে। না- কি এটা সোমার ঘনের ভুল?

ঃ সোমা।

ঃ বল।

ঃ তোমার কোন জরুরী কথা বলার দরকার নেই। জরুরী কথা আমি জানি। বিজু এসেছিল— ও সব কথা বলল।

ঃ কখন এসেছিল?

ঃ দুপুরের দিকে রহমতের চায়ের টলে।

রহমতে চায়ের টলে লোকটা রোজ একবার যায়। দুপুরের দিকেই যায়। ঐ স্টলে তার শেয়ার আছে কিন্তু বিজুরতো তা জানার কথা না। জানল কি করে?

সোমা পান খায় না। তখন একটা মুখে দিল। জর্দা দেয়া পান। পানের কফটা পিকে মুখ ভরে যাচ্ছে। মাথা কিম কিম করছে। জর্দার রসে মুখ ভর্তি হয়ে আসছে। ফেলার উপায় নেই। ফেলতে হলে উঠে যেতে হবে। এখন ওঠা সম্ভব না।

ঃ বিজু যা করছে বলার না। চেষ্টামেটি হৈ-চৈ। আমি বললাম-ভদ্রলোকের ছেলে চেষ্টাচ্ছ কেন? এতে তার রাগ আরো বেড়ে গেল। লোক জনের সামনে ইতর, ছোটলোক, জেলের ঘু ঘু এইসব বলেছে।

সোমা বিব্রত স্বরে বলল, বিজুর মাথা সব সময় গরম। ওকে কেউ তোমার কাছে যেতে বলেনি। নিজে নিজেই গিয়েছে।

ঃ গিয়েই ভাল করেছে। না গেলে জানতাম যে তুমি আজ ডিভোর্স পেয়ে বসে আছ? বিজুর কারণে জানলাম।

: তুমি তো জানতে যে আমি ডিভোর্স চেয়ে চিঠি দিয়েছি। জানতে না?  
 : হ্যাঁ জানতাম। ব্যাপারগুলি এত তাড়াতাড়ি হয় জানতাম না। একবার কেটে  
 যেতে হল না, কিছু না — হঠাৎ গুনি ডিভোর্স।  
 : এইসব কেইস কোর্টে যায় না।  
 : তাইতো দেখছি। ব্যাপারটা এত সহজ আমি জানতাম না।  
 : জানলে কি করত?  
 : করতাম আর কি? করার কি আছে?  
 : বিজু কি খুব হৈ-চৈ করেছিল?  
 : করেছিল মানে? দেখার মত একটা দৃশ্য। লাফালাফি, ঝাপাঝাপি। বলে  
 কি — তুই জেলের ঘুঘু, চামারের চামার। জেল যখন খেটেছি জেলের ঘুঘু তো  
 বলবেই। তুই তোকোরি কেন?  
 : ওর মাথা গরম।  
 : মাথা আমারও গরম। আমার কি মাথা ঠাণ্ডা? মাথা ঠাণ্ডা হলে চার বছর  
 জেল খেটে আসি? ঠাণ্ডা মাথায় কটা লোক জেলের ভাত খায়?  
 : তোমার মাথা অনেক ঠাণ্ডা।  
 : সমাজে চলতে ফিরতে হয় এই জন্যে ঠাণ্ডা রাখি। আসলে ঠাণ্ডা না। তুমি  
 এত সব কামেলা না করে আমাকে গুছিয়ে বললেই হত।  
 : বললেই তুমি আমাকে চলে যেতে দিতো?  
 : যে থাকতে না চায় তাকে ধরে রাখা যায়? আমার কি জেলখানা আছে যে  
 তোমাকে জেলখানার আটকে রাখব?  
 : সোমা খানিকক্ষণ ইতস্তত করে বলল, কাগজপত্র দেখতে চাও?  
 : কাগজ দেখে কি হবে?  
 : কিছু হবে না, তবু যদি দেখতে চাও।  
 : দূর দূর।  
 : লোকটা হাই তুললো। কি আশ্চর্য! এই অবস্থায় কেউ হাই তুলতে পারে?  
 সত্যি সত্যি কি লোকটার ঘুম আসছে? না— কি সে ভান করছে। না, ভান নিশ্চয়ই  
 করছে না। লোকটা ভান করতে পারে না। আচ্ছা এই লোক কি নির্বোধ? কারণ  
 একমাত্র নির্বোধরাই ভান করতে পারে না। সাদা বিড়ালটা এসে লোকটার পায়ে গা  
 ঘষছে। আঙ্গুল কামড়ে ধরছে। বড় কামেলা করছে। মাঝে মাঝে বিড়ালটা খুব বিরক্ত  
 করে—তখন লাথি খায়। আজও নিশ্চয়ই লাথি খাবে। কিংবা কে জানে হয়ত লাথি খাবে  
 না। আজকের রাতটা আর অন্য দশটা রাতের মত নয়। লোকটি আবার হাই তুললো  
 চেয়ার ছেড়ে উঠে দাঁড়াল। লাথির ভয়েই হয়ত বিড়ালটা ছুটে পালিয়ে গেল।

: সোমা।  
 : বল।  
 : কাল কখন যাবে?  
 : দশটা এগারটার দিকে।  
 : ও আচ্ছা। আমি আটটার সময় চলে যাব। নারায়ণগঞ্জ যেতে হবে। ঘুম  
 ভাঙলে হয়। শালার ঘুম ভাঙে না।  
 : আমি সাতটার সময় ডেকে দেব।  
 : নাশতা টাশতার হাঙ্গামা করার দরকার নেই। চা খেয়ে চলে যাব। যাও  
 ঘুমুতে যাও।  
 : লোকটা সহজ স্বাভাবিক ভঙ্গিতে শোবার ঘরে চলে গেল। এত বড় একটা  
 ঘটনা ঘটে গেছে কিন্তু তার কোন ছাপ তার আচার আচরণে নেই। যেন আজকের  
 রাতটা অন্য আর দশটা রাতের মতই। যেন সোমার সঙ্গে সামান্য কিছু কথা কাটাকাটি  
 হয়েছে এবং মিটমিটও হয়ে গেছে। শোবার ঘর থেকে সিগারেটের গন্ধ আসছে। লোকটা  
 দিনের শেষ সিগারেটটা ধরিয়েছে। খুক খুক করে কাশছে। সোমা সামনে থাকলে নির্ঘাত  
 বলত—শালার সিগারেট। ধরাও যায় না ছাড়াও যায় না। সিগারেট শেষ করে সে একটা  
 কাঁচা রসুন খাবে। পুরোটা খেতে পারবে না। খানিকটা খেয়েই মুখ বিকৃত করবে। বিড়  
 বিড় করে রসুনকে খানিকক্ষণ গালাগালি করবে।  
 : সোমা চায়ের কাপ নিয়ে রান্না ঘরে চলে গেল। সব ধুয়ে রেখে যাবে। যয়লা  
 অপরিচ্ছন্ন কিছু যেন না থাকে। রান্নাঘরটার জন্যে মায়া লাগছে। কেন লাগছে কে জানে।  
 : সোমা।  
 : সোমা শোয়ার ঘরে ঢুকল। লোকটা পা তুলে বুড়ো মানুষের মত চেয়ারে বসে  
 আছে। সিগারেট ফেলে দিয়েছে। পূবাটা খেতে পারেনি। কখনো পারে না।  
 : সোমা।  
 : বল।  
 : অনেক দূখ কষ্ট তোমাকে দিয়েছি, কিছু মনে রেখ না। মনের মধ্যে রাগ  
 রাখা ঠিক না। স্বাস্থ্যের খুব ক্ষতি হয়।  
 : তোমার উপর আমার কোন রাগ নেই।  
 : আমারো নেই।  
 : সোমা খানিকক্ষণ ইতস্তত করে বলল, আমি চলে যাব ভেবে তোমার কি  
 খারাপ লাগছে?  
 : না। তেল আর পানি কোনদিন মিশে না এটা ঠিক না—মিশে, তবে খুব কাঁকা  
 ঝঁকি করতে হয়। আমার কাঁকা কাঁকি করতে ভাল লাগে না।

সোমা তাকিয়ে রইল। লোকটা মাঝে মাঝে মজার কথা বলে। ফিলসফারের মত কথা। সব মানুষের মধ্যেই বোধহয় একজন ফিলসফার থাকে। লোকটা চেয়ার থেকে নেমে মশারির ভিতর ঢুকে পড়ল। নীচু গলায় বলল, ঘুমে চোখ বন্ধ হয়ে আসছে। সারাদিন অনেক ধকল গিয়েছে। বিজুর মাথাটা এরকম গরম হল কেন বল তো? বিপদে পড়বে তো। দিনকাল খারাপ।

: তুমি আজ রসুন খেলে না?

: বাদ দাও - শরীরটা ভাল না। রসুন খেতে গেলে বমি হয়ে যাবে। বাতিটা নিবিয়ে দিয়ে যাও।

সোমা বাতি নিবিয়ে দিল। ঘর পুরোপুরি অনুকার হল না। পাশের ঘর থেকে আলো আসছে। বারান্দায় বাতি জ্বলছে। সোমা বলল, টাকা পয়সা সব স্টীলের আলমিরায় আছে। চাবি টেবিলের ড্রয়ারে।

লোকটা কোন উত্তর দিল না। হয়ত ঘুমিয়ে পড়েছে। সোমা বারান্দার বাতি নিবিয়ে দিল। অনেক দিন আর এই বারান্দায় আসা হবে না। আটটা ফুলের টব বারান্দায় সাজানো, দুটোতে আছে বকম-ভিলিয়া। টবে না-কি বকম-ভিলিয়া হয় না তবু সে পরীক্ষা করার জন্য লাগিয়েছে। দুটো গাছ বড় হয়েছে, এখনো পাতা ছাড়েনি। কি রঙের পাতা ছাড়বে কে জানে। কাল এই টব দুটো সঙ্গে নিয়ে যাবে? না থাক। এ বাড়ীর কিছুই সে নেবে না। এসেছিল খালি হাতে, ফিরেও যাবে খালি হাতে।

সোমা বসার ঘরে ঢুকল। বিড়ালটা আবার ফিরে এসেছে। লোকটা যে চেয়ারে বসেছিল বিড়ালটাও ঠিক সেই চেয়ারে বসেছে। এক চোখে তাকিয়ে আছে সোমার দিকে। সোমা বিড়ালের সামনের চেয়ারে বসল। সে সারা রাত জাগবে। নিশি ঘাপনের জন্য একজন সঙ্গী দরকার। পাশের ঘর থেকে লোকটার নিঃশ্বাসের ভারী শব্দ আসছে। চারিদিকে শুনসান নীরবতা। সোমা জেগে আছে। বিড়ালটাও জেগে আছে। এক চোখে আগ্রহ নিয়ে দেখছে সোমাকে। এই বাড়ী ছেড়ে কাল ভোরে সে চলে যাবে। আর কোন দিন ফিরে আসবে না অথচ এ জন্য তার তেমন খারাপ লাগছে না। একটু খারাপ লাগা উচিত ছিল। কেন লাগছে না কে জানে?



টিপ টিপ করে বৃষ্টি পড়ছে। আকাশ মেঘে ঢাকা। মেঘের রঙ ক্রমেই কাল হচ্ছে। মনে হচ্ছে সারাদিনই বৃষ্টি হবে। পর্দা ঢাকা রিকশা তবু সোমা অনেকখানি ভিজে গেছে। খুব বিরক্ত লাগছে। ভেজা শাড়ী গায়ে লেটে থাকবে আর সে নামবে রিকশা থেকে?

রাস্তা ভাল না - খানাবন্দ। একেবারে এমন ঝাঁকুনি খাচ্ছে মনে হচ্ছে সোমা উল্টে পড়ে যাবে। সে কড়া গলায় বলল, আস্তে চালান না ভাই। মেয়েরা আস্তে চালাতে বললে - রিকশাওয়ালা সাধারণত খুব দ্রুত চালাতে শুরু করে। এখানেও ভাই হল - রিকশা চলল ঝড়ের গতিতে। প্রতিমুহূর্তেই মনে হচ্ছে সবকিছু নিয়ে রিকশা উল্টে পড়বে। দ্বিতীয়বার রিকশাওয়ালাকে আস্তে চালানোর অনুরোধ করতে ইচ্ছা হচ্ছে না। হোক একটা একসিডেন্ট। সোমার ভাগ্যে একসিডেন্ট যোগ আছে। ওর পঁচিশ বছরের জীবনে তিনবার সে রিকশা নিয়ে উল্টে পড়েছে। আশ্চর্যের ব্যাপার কোনবারই তার নিজের কিছু হয়নি। গায়ে সামান্য আঁচড়ও লাগেনি। অথচ রিকশাওয়ালা প্রতিবারই জখম হয়েছে। একবার তো একজন একেবারে মর মর। হাসপাতালে ছিল অনেক দিন। সোমা দুবার দেখতে গিয়েছে। রিকশাওয়ালার শরী খাটের কাছে বসে থাকত। সোমাকে দেখলেই বাঘিনীর মত তাকাত, যেন সমস্ত দোষ সোমার।

: আফা কোন বাড়ী?

: পরের গলিটা দিয়ে ঢুকেন। সাবধানে যাবেন রাস্তা ভাঙ্গা।

: ভাঙ্গা রাস্তায় সাবধানে গাড়ি চালাইলে একসিডেন্ট বেশী হয় আফা।

: বেশ তাহলে অসাবধান হয়েই চালান।

ঝিকাতলার এই বাড়ির অধিক সোমাদের। সোমার দাদা গ্রামের সমস্ত জমিজমা বিক্রি করে ঢাকা শহরে দুতলা বাড়ী করেছিলেন। তার মৃত্যুর পর দুই ছেলে বাড়ি পেয়ে গেল। দুজনেই মোটামুটিভাবে অপদার্থ। সোমার বাবা সাইফুদ্দিন সাহেব এল এম এফ ডাক্তার। দীর্ঘ দিনেও তাঁর কোন পসার হল না। সারাদিন ডিসপেনসারীতে বসে থাকেন, একটা রুগী আসে না। এক ডিসপেনসারীর মালিক তো একদিন বলেই বসলো, আপনি ভাই অপয়া মানুষ। অন্য কোথাও গিয়ে বসেন।

ডাক্তারের কাছে রুগী না এলে ওষুধপত্র বিক্রি হয় না। বুঝলেন না? সোমার বড় চাচা ছদ্মরুদ্দিন সাহেবও একই পদের মানুষ। তাঁর কাজ হচ্ছে টুটকা ফাটকা ব্যবসা করা এবং বড় বড় কথা বলা। গা জ্বলে যাবার মত কথা। তাঁর কথা যেই শুনে তারই গা জ্বলে যায় — তিনি বিমলানন্দ উপভোগ করেন।

বাড়ির একতলা পেল সোমারা, দোতলা পেলেন ছদ্মরুদ্দিন সাহেব। ছদ্মরুদ্দিন সাহেবের ধারণা তিনি ক্যাপিটেলের অভাবে বড় কিছু করতে পারছেন না। একটা বড় রকমের ক্যাপিটাল পেলেই ভেলকি দেখিয়ে দেবেন। ভেলকি দেখাবার আশাতে তিনি তাঁর নিজের অংশ বিক্রি করে দিলেন। ছোট ভাইকে বললেন, এক মাসের মামলা, এক মাসের মধ্যে দুতলা কিনে নেব। টাকা কিছু বেশী দিতে হবে। উপায় কি। এই এক মাস তোর সঙ্গে থাকব। তবে মাগনা থাকব মনে করিস না। পুরো রেন্ট পাবি। হ্যা-হ্যা-হ্যা। নিজের ভাই বলে যে বাড়তি সুযোগ নেব, আমি এই রকম মানুষই না। এক মাসের জন্য এসেছিলেন এখন দশ বছর হয়েছে। এক তলার অর্ধেকটা ছদ্মরুদ্দিন সাহেবের দখলে। এখনো তিনি টুটকা ফাটকা ব্যবসা করেন। এবং সারাক্ষণই আক্ষেপ করেন যে, ক্যাপিটেলের অভাবে কিছু করতে পারছেন না। বছর দুই ধরে ছোট ভাইয়ের সঙ্গে তার মুখ দেখাদেখি বনু — শুধু ছোট ভাই নয়, ছোট ভাইয়ের পরিবারের কারোর সঙ্গেই তিনি কথা বলেন না। কয়েকদিন আগে প্রথম নাতনির জন্ম হল — এ বাড়ির কাউকে বলা হয়নি।

সোমা রিকশা থেকে নেমেই তার বড় চাচার মুখোমুখি হয়ে গেল। ছদ্মরুদ্দিন সাহেব ছাতা মাথায় দিয়ে বাড়ির সামনের কড়ই গাছটার নীচে দাঁড়িয়ে ছিলেন। তাঁর সামনে দড়ি হাতে একটা শুকনো ধরনের লোক। লোকটার সঙ্গে নীচু গলপ কি সব কথাবার্তা হচ্ছে। সোমা সূটকেস হাতে এগিয়ে গেল। বড় চাচার সামনে দাঁড়িয়ে হাসি মুখে বলল, কেমন আছেন চাচা?

: ভাল আছি। তুই কোথেকে?

সোমা তার জবাব না দিয়ে চাচার পা ছুঁয়ে সালাম করল। ছদ্মরুদ্দিন প্রসন্ন গলায় বললেন, বাড়িতে আসলেই সালাম করত হবে না-কি? যা যা ভেতরে যা।

: আপনি এই বৃষ্টির মধ্যে কি করছেন?

: গাছ কাটছি। আট হাজার টাকায় এই গাছ বেচলাম।

: গাছের দাম এত?

: মানুষের জন্মে গাছের দাম বেশীরে মা। এমনও গাছ আছে যার দাম লাখ টাকা। না? টাকা দামের মানুষ কটা আছে বল দেখি? হাতে গোনা যায়। যা ভেতরে যা।

সোমা দরজায় কড়া নাড়ল। ভেতর থেকে উম্মী তীক্ষ্ণ গলায় বলল, কে? যেন ধমক দিচ্ছে। সতেরো আঠারো বছরের কোন মেয়ে এরকম ধমকের গলায় কথা বলে নাকি? সোমা নরম গলায় বলল, উম্মী দরজা খোল। আমি।

উম্মী দরজা খুলল, খুশী খুশী গলায় বলল, আপা তুমি চলে এসেছ। বাক্স আর বিজু ভাইয়া এই কিছুক্ষণ আগে তোমাকে আনতে গেল। বিজু ভাইয়া জামার জন্য একটা জীপ জোগাড় করেছে।

: আমি বুঝি জীপ ছাড়া চলাফেরা করি না?

: জিনিসপত্র থাকবে সঙ্গে এই বানো।

: জিনিসপত্র থাকবে কেন? জিনিসপত্র আমি পাব কোথায়? জিপ যাবে জানলে অবশিষ্ট ফুলের টব দুটো নিয়ে আসতাম। মা কইরে?

: রান্নাঘরে নাশতা বানচ্ছে। এখনো কারো নাশতা হয়নি। তুমি এলে একসঙ্গে হবে

: একটা শুকনো গামছা দে তো গোছল করব। ঘরে গায়ে-মাথা সাবান আছে?

: জানি না। থাকলে বাথরুমে আছে। তবে খুব সম্ভব নেই। এ বাড়ির নিয়ম হল যখন যে জিনিস চাইবে সে জিনিস থাকবে না।

সোমার মা এককালে খুব রূপবতী ছিলেন। তার কিছুটা এখনো অবশিষ্ট আছে। এককালে শান্ত এবং মৃদুভাষী ছিলেন, এখন তার কিছুই নেই। অল্পতেই রেগে যান। রেগে গেলে অনর্গল কথা বলেন। কথা বলার এক পর্যায়ে কাজের ছেলোটো মার খায়। সহজ মরে না, হিংস্র ধরনের মার। এক কালের শান্ত, মৃদুভাষী এবং রূপবতী একজন মহিলা যে এতটা হিংস্র হতে পারেন তা না দেখলে বিশ্বাস করা কঠিন।

হিংস্রতার পর্ব কিছুক্ষণ আগে শেষ হয়েছে। খুন্তির হাতল দিয়ে মনের সুখে কাজের ছেলোটিকে পিটিয়ে এখন তিনি খানিকটা ত্রাস্ত। কাজের ছেলোটির বয়স নয়-দশ। নাম মুরাদ। তার কথা বোধ তেমন তীব্র নয় বলে মনে হচ্ছে। খুন্তির হাতার দাগ তার সারা গায়ে কালো হয়ে ফুলে উঠেছে। কানের পাশ দিয়ে রক্ত পড়ছে। সে মোটামুটি নির্বিকার ভঙ্গিতেই রুটি বেলছে। মাঝে মাঝে ফুঁপিয়ে উঠছে। জাহানারা খুন্তি উঠিয়ে বলছেন, স্ববরদার — শব্দ করলে মেরে ফেলব।

উম্মী রান্নাঘরে ঢুকে হাসিমুখে বলল, বড় আপা একা একা চলে এসেছে।

জাহানারা বিরস গলায় বললেন, কান্নাকাটি করছে নাকি?

: না।

: এখানে আসতে বল।

ঃ গোসল করছে।  
 ঃ এসেই গোসল, বালতির পানি সব শেষ না করে তো বেরুবে না। বলে দে,  
 পানি যেন সাবধানে খরচ করে।  
 ঃ থাক মা কিছুই বলার দরকার নেই। মুরাদকে মেরেছ নাকি ?  
 জাহানারা কিছু বললেন না।  
 ঃ ইশ কি অবস্থা করেছ। কান দিয়ে রক্ত পড়ছে তো মা।  
 জাহানারা তিক্ত গলায় বললেন, যা তুই কোলে নিয়ে আদর কর।  
 উর্মী আর কিছু বলল না। রান্নাঘর থেকে বেরিয়ে এল। বাথরুমের দরজা  
 এসে দাঁড়ালো। নরম গলায় ডাকল, আপা।  
 ঃ কি রে?  
 ঃ সাবান পেয়েছ?  
 ঃ হু।  
 ঃ পানি কিছু সাবধানে খরচ করতে হবে। পানির খুব টানাটানি।  
 ঃ আগে বললি না কেন? শেষ করে ফেলেছি তো।  
 ঃ শেষ করলে করেছ।  
 সোমা মাখায় তোয়ালে জড়িয়ে বের হয়ে এল। রাতের অখুমের ক্লান্তি মুছে  
 গেছে। তার সারা মুখে একটা স্নিগ্ধ ভাব।  
 উর্মী হাসি মুখে বলল, তুমি আর একটু ফর্সা হলে খুব সুন্দর লাগতো।  
 ঃ এখন অসুন্দর লাগে?  
 ঃ না, এখনো সুন্দর।  
 ঃ বিজুরা এখনো ফেরেনি?  
 ঃ না - যত দেরীতে ফেরে ততই ভাল।  
 ঃ কেন?  
 ঃ ফিরলেই প্রচণ্ড হৈ চৈ শুরু হবে। বড় চাচা কাউকে কিছু না বলে চার  
 হাজার টাকায় গাছ বিক্রি করে দিয়েছেন।  
 ঃ চার হাজার? আমাকে তো বললেন, আট হাজার।  
 ঃ একেক জনের কাছে একেক কথা বলছেন। কোনটা সত্যি কে জানে। গাছ  
 কাটার লোকও চলে এসেছে। বিজু ভাইয়া বলেছে গাছে হাত দিলে খুনাখুনি হয়ে  
 যাবে।  
 ঃ বিদ্রী ব্যাপার দেখি।  
 ঃ কি যে বিদ্রী কল্পনা করতে পারবে না। রোজ ঝগড়া। জঘন্য সব  
 গালাগালি। বড়চাচা ঐ দিন বলে গেল গুণ্ডা দিয়ে বিজু ভাইয়ার চোখ উপড়ে নেবে।

ঃ সে কি?  
 ঃ চল আপা রান্না ঘরে চল। রান্নাঘরে গেলেও তোমার খারাপ লাগবে। মা যা  
 মারা মেরেছেন। খবরদার, আবার ঐ নিয়ে কথা বলতে যেও না। কিছু বললেই মা ....  
 উর্মী কথা শেষ করল না। কারণ জাহানারা এক কাপ চা হাতে ঘরে  
 ঢুকেছেন। সোমা নীচু হয়ে সালাম করল। জাহানারা বললেন, সালাম কেন আবার?  
 নে চা নে। নাশতা খেয়ে এসেছিস?  
 ঃ না।  
 ঃ বিজুরা আসুক। এক সঙ্গে নাশতা দেব। তোর জিনিসপত্র কোথায়?  
 ঃ ঐ স্যুটকেস। জিনিসপত্র আর কিছু নেই।  
 ঃ আনতে দেয়নি?  
 ঃ নিজেই আনিনি।  
 ঃ ব্যবহারী জিনিসগুলি তো আনতে পারতি। আবার তো টাকা খরচ করে  
 কিনতে হবে। হাতের বালাগুলি কোথায়?  
 ঃ রেখে এসেছি।  
 ঃ রেখে এলি কেন?  
 ঃ আমার আনতে ইচ্ছা করল না।  
 জিপের শব্দ শোনা গেল। উর্মী চলে গেল দরজা খুলে দেবার জন্য। জাহানারা  
 মেয়েকে হাত বাড়িয়ে নিজের দিকে আকর্ষণ করলেন। এই মেয়েটি তাঁর বড়  
 আদরের। জাহানারার চোখ ভিজ়ে উঠতে শুরু করেছে।  
 সোমা মৃদু স্বরে বলল, চা গায়ে পড়ে গেছে মা। হাত আলগা কর। জাহানারা  
 হাত আলগা করলেন না। সোমা ভেবে রেখেছিল, এ বাড়িতে এসে সে কিছুতেই  
 কাঁদবে না। কঠিন পাথর হয়ে থাকবে। এই প্রতিজ্ঞা সে রাখতে পারল না। মাকে  
 জড়িয়ে ধরে শিশুর মতো কাঁদতে লাগল। বিজু ভেতরে একনজর উঁকি দিয়ে আবার  
 বাইরে চলে গেল।  
 সাইফুদ্দিন সাহেব ভেতরে ঢুকলেন। কি বলবেন, এটা ঠিকঠাক করতে  
 করতে তাঁর অনেক সময় গেল। তাৎক্ষণিকভাবে তাঁর কিছু মনে আসে না। বিশেষ  
 বিশেষ ঘটনায় তিনি কি বলবেন তা আগে থেকেই ঠিকঠাক করা থাকে। বেশীর ভাগ  
 ক্ষেত্রেই ঘটনা বদলে যায়। ঠিক করে রাখা কথাগুলি বলা হয়ে ওঠে না। আজকের  
 দিনের জন্য যেসব কথা ঠিক করে রেখেছেন সেগুলি হচ্ছে, সব কিছু যে ভালয়  
 ভালয় শেষ হয়েছে এটা অত্যন্ত আনন্দের ব্যাপার। আরো খারাপ হতে পারত। সেটা  
 হয়নি। এখন পুরানো কথা সব ভুলে গিয়ে একটা ফেস স্টার্ট নিতে হবে। লাইফের  
 রিয়েলিটি স্বীকার করতে পারা হচ্ছে বিরাট গুণ।

ঠিক করে রাখা কথা একটাও বলা গেল না। হাউ মাউ করে যে মেয়ে কাঁদছে তাকে কিছুই বলা যায় না। সাইফুদ্দিন সাহেব উম্মীর দিকে তাকিয়ে বিব্রত গলায় বললেন, নাশতার কি হয়েছে দেখতো মা।

এবাড়ির ভিতরের বারান্দায় লম্বা একটা ছয় চেয়ারের টেবিল আছে। কোন চেয়ারে কে বসবে তা নির্দিষ্ট করা। সাইফুদ্দিন সাহেব এবং বিজু বসে মুখোমুখি। দুজন দু'প্রান্তে। বাকি চারটা চেয়ারের একটিতে উম্মী, অন্যটিতে জাহানারা। তারা বসে কোনাকুনিভাবে।

আজ দীর্ঘদিন পর নিয়ম ভঙ্গ হল। সোমা ভুল করে তার বাবার চেয়ারে বসে পড়েছে। সাইফুদ্দিন সাহেব অশ্রুতি বোধ করছেন। কিন্তু কিছু বলতে পারছেন না। নিজের চেয়ারে না বসলে তিনি ভাল মত খেতে পারেন না। হাত রাখার জায়গাটা অপরিচিত লাগে। নির্দিষ্ট যে কাঠের উপর ডান পা রাখেন সেই কাঠ না থাকায় পা-টাকে অপ্রয়োজনীয় মনে হয়। তিনি আজ বসেছেন উম্মীর চেয়ারে। কাজেই সব এলোমেলো হয়ে গেছে। দীর্ঘদিন পর বাবা এবং ছেলে বসল পাশাপাশি। দুজনের চেহারার মিল খুবই বেশী। বিজু বুড়ো হলে কেমন দেখতে হবে তা সাইফুদ্দিন সাহেবের দিকে তাকালেই বোঝা যায়। সোমা লক্ষ্য করল দুজনেই রহস্যময় ভঙ্গিতে হাসছে। যেন তাদের মধ্যে গোপন কোন রহস্যের ব্যাপার আছে। বাইরে কড়ই গাছ কাটা হচ্ছে। করাত চালানোর শব্দ আসছে। পিতাপুত্র কড়িকে গাছকাটা নিয়ে চিন্তিত বলে মনে হচ্ছে না। উম্মী বলল, ভাইয়া গাছ তো কাটা শুরু করেছে।

বিজু হাসি মুখে বলল, কাটুক।

প্রায় সঙ্গে সঙ্গে সাইফুদ্দিন সাহেবও বললেন, কাটুক।

জাহানারা থমথমে গলায় বললেন, দিনে দুপুরে ডাকাতি করবে কিছু বলবে না?

বিজু চায়ে চিনি মেশাতে মেশাতে বলল, না।

সাইফুদ্দিন গভীর গলায় বললেন, আমরা কিছুই বলব না। কথা শেষ করেই তিনি বিজুর দিকে তাকিয়ে হেসে ফেললেন। বিজু হাসল না। গভীর গলায় বলল, গাছ কাটার পর খেলা জমবে। আপেক্ষা কর আগে গাছটা কাটা হোক।

উম্মী বলল, মারামারি করবে?

বিজু বলল, না। কিছুই করব না। রসে বসে শুধু মজা দেখব। গাছ কাটা শেষ হবার পরপরই একটা মজার ব্যাপার হবে। মজার ব্যাপারটা কি বলে দেব বাবা?

বলে দে।

বিজু মজার ব্যাপার ব্যাখ্যা করল সোমার দিকে তাকিয়ে। ব্যাপারটা কি

হয়েছে আপা শোন, বিগ ম্যাসো করল কি....

বিগ ম্যাসো কে?

বিগ ম্যাসো হচ্ছে আমাদের সম্মানিত বড় চাচা - মুখটা ফজলি আমার মত তো তাই তার নাম বিগ ম্যাসো। যাই হোক, বিগ ম্যাসো কি করল শোন - অত্যন্ত গোপনে গাছ বিক্রির ব্যাপারটা এক লোকের সঙ্গে ফাইন্যাল করে ফেলল। চার হাজার টাকা। আসল দাম খুব কম হলেও আট হাজার। যাই হোক, আমি ঐ লোকের সাথে দেখা করলাম। তাকে একটা খুব খারাপ কথা বললাম, সেটা তোমাদের না শুনলেও চলবে। সঙ্গে তিন জন মস্তান নিয়ে গেলাম। গাছওয়ালার নাম কুদ্দুহ। ভয়ে সে তখন প্যান্ট ভিজিয়ে দেয় স্টেইজে আছে। আমি বললাম, কুদ্দুহ মিয়া, গাছ কিনতে যাচ্ছ খুবই ভাল কথা। তবে গাছ আমার। টাকাটা তুমি আমাকে দেবে এবং এখন দেবে, তারপর গাছ কেটে নিয়ে যাবে। যার সঙ্গে তোমার কথা হয়েছে তাকে বলবে গাছের টাকা দেয়া হয়ে গেছে। আমি তোমাকে পাকা রশিদ দেবো। তবে ঐ পার্টি যেন গাছ কাটা শেষ না হওয়া পর্যন্ত কিছু জানতে না পারে। ব্যাস, কাজি খতম। রশিদ দিয়ে টাকা নিয়ে এসেছি। বিগ ম্যাসোর অবস্থা কি হয় এটা দেখার জন্য সারাদিন ঘরে বসে থাকব। হা-হা-হা। বিজু দুলে দুলে হাসতে লাগল।

বিজুকে এখন কেমন যেন অচেনা লাগছে। তার চেহারায় যে মায়া মায়া ভাবটা ছিল তা নেই। চোখ পিট পিট করে ধূর্ত মানুষের মত তাকাচ্ছে। বিজুর ভাল নাম বিজয়। মোলই ডিসেম্বর জন্ম বলেই এই নাম।

আদরে আদরে বিজয় হয়ে গেছে বিজু। এই বিজু ছটা লেটার নিয়ে মেট্রিক পাস করে চারিদিকে বিস্ময়ের সৃষ্টি করল। সেই বিস্ময় দীর্ঘস্থায়ী হল না। ইন্টারমিডিয়েটে সেকেণ্ড ডিভিশন পেয়ে গেল। ইউনিভারসিটিতে অনেক চেষ্টা করেও ভর্তি হওয়া গেল না। ভর্তি হল জগন্নাথ কলেজে। সায়েন্স ছেড়ে দিয়ে নিল ইতিহাসে অনার্স। বর্তমানে সে সেকেণ্ড ইয়ারে উঠেছে। কলেজ সংসদের সে সাহিত্য ও সংস্কৃতি বিভাগের সম্পাদক। কোথায় যেন গানও শিখে। দু'একটা ফাংশনে গণসংগীত গেয়েছে। সাইফুদ্দিন সাহেব পুত্রের এইসব প্রতিভাভেদে মোটামুটি মুগ্ধ। ইদানিং তার মনে হচ্ছে পড়াশোনার দিকটা তেমন গুরুত্বপূর্ণ না। পড়াশোনার সঙ্গে সঙ্গে অন্য সাইডও থাকতে হবে। অন্য সাইড যদি ভাল হয় তাহলে পড়াশোনার একটু ভাউন হলেও ক্ষতি নেই। খার্ড ডিভিশন পাওয়া একজন ভাল ক্রিকেট খেলোয়াড় চাকরি পেয়ে যায়। আর ফাস্ট ডিভিশনওয়ালারা রাস্তায় রাস্তায় ঘোরে।

টেবিল এখন ফাঁকা। উম্মী চলে গেছে কলেজে। বিজু কলেজে যায়নি। অন্য কি একটা কাজে গেছে, আধ ঘন্টার মধ্যে না-কি এসে পড়বে। জাহানারা আবার রান্না ঘরে ঢুকেছেন। শুধু সোমা তার বাবার সঙ্গে বসে আছে। সাইফুদ্দিন সাহেব

বুঝতে পারছেন না - সোমা সম্পর্কে ভেবে রাখা কথাগুলি এখন বলবেন, কি বলবেন না। বললে এখনই বলা উচিত।

ঃ সোমা।

ঃ জি।

ঃ ও কি কোন কামেলা করেছিল নাকি?

ঃ না।

ঃ বুঝতে পেরেছে কামেলা করে লাভ হবে না। নয়ত এত সহজে ছাড়ত না।

ঃ হতে পারে।

ঃ বিজু অবশ্য সব রকম প্রিকশন নিয়ে রেখেছিল।

ঃ বিজু খুব কাজের ছেলে হয়েছে।

ঃ খুবই একটি। অনেক লোক জনের সঙ্গে চেনা জানা। অনেক কবি সাহিত্যিকেও চেনে। ঐ দিন বাসায় দাওয়াত করে ঔপন্যাসিক শওকত আলীকে নিয়ে এসেছিল। বিশিষ্ট ভদ্রলোক।

ঃ পড়াশুনা কেমন করছে?

ঃ করছে। পড়াশুনাও করছে। দুটো সাইডই ঠিক আছে। এখন তুই যখন আছিস নিজেই দেখবি।

ঃ তুমি আজ বেরবে না?

ঃ না। বের হবার দরকার ছিল অবশ্য। থাক ব্যাপারটা দেখেই যাই।

ঃ কোন ব্যাপার?

ঃ গাছ কাটার পর কি হয় এটা আর কি।

সোমা শীতল গলায় বলল, এরকম একটা ছেলেমানুষির মধ্যে তুমি আছ কেন বাবা? তুমি তো আর ছেলে মানুষ নও।

সাইফুদ্দিন কি বলবেন ভেবে পেলেন না। ঠিক সময়ে ঠিক কথাটা তার কিছুতেই মনে আসে না। তিনি মিনমিনে গলায় বললেন, তোর মাকে এক কাপ চা দিতে বলতো। সোমা চায়ের কথা বলার জন্য উঠে গেল। জাহানারা বললেন, তুই গুয়ে থাক। রেস্ট নে।

ঃ রেস্ট নেবার কি আছে মা? আমি তো আর হাসপাতাল থেকে ফিরছি না। রোগশোকও হয়নি।

ঃ চা খাবি আরেক কাপ?

ঃ খাব। কাজের ছেলেটা কোথায় মা?

ঃ বাজারে গেছে।

ঃ ঐ টুকু ছেলে আবার বাজার করে না-কি?

ঃ বাজার করে, চুরি করে, সবই করে।

ঃ মা।

ঃ কি?

ঃ এই রকম করে আর মারধোর করো না।

জাহানারা চা ঢালতে ঢালতে বললেন, আর মারব না।

সোমা বাবাকে চা দিয়ে আবার রান্না ঘরে ফিরে এল। জাহানারা চুপচাপ বসে আছেন। যদিও এই মুহূর্তে রান্নাঘরে তার কোন কাজ নেই। সোমা বলল, সবকিছু কেন জানি অন্য রকম লাগছে।

ঃ যতই দিন যাবে ততই দেখবি আরো অন্য রকম লাগবে।

ঃ তুমি এখন রান্নাঘরে বসে আছ কেন?

ঃ যাব কোথায়? রান্নাঘর ছাড়া আমার যাবার জায়গা আছে?

হৃদরুদ্দিন সাহেব গাছ কাটার তদারক করছেন। বৃষ্টি থেমে গেছে। তবু তাঁর মাথায় ছাতি ধরা আছে। সাত ফুটের এক একটা টুকরো করা হচ্ছে। তিনি নিজেই গজ ফিতা দিয়ে মাপে দেখলেন। বিকেলে মিস্ট্রীদের চা এবং মুড়ি খাওয়ালেন।

সন্ধ্যার ঠিক আগে আগে কুদ্দুস তাঁকে বলল যে, গাছের টাকা দেয়া হয়ে গেছে। রেভিনিউ স্ট্যাম্প দেয়া পাকা রশিদও কুদ্দুস তাকে দেখাল। শুকনো গলায় বলল, বিশ্বাস না হলে বিজু ভাইকে ডেকে জিজ্ঞেস করেন। উনি ঘরেই আছেন।

হৃদরুদ্দিন সাহেব ক্লান্ত গলায় বললেন, বিশ্বাস না হবার কিছু নেই। বিশ্বাস হচ্ছে। ঠিক আছে তুমি যাও।

অত্যন্ত আশ্চর্যের ব্যাপার হৃদরুদ্দিন সাহেব এই নিয়ে কোন উচ্চবাচ্য করলেন না।



লোকটার নাম কামাল।

কামালউদ্দিন।

বয়স সাঁইত্রিশ। তবে কানের কাছে সব চুল পেকে যাওয়ায় বয়স খানিকটা বেশী দেখায়। ঠিক রোগা তাকে বলা যাবে না তবে কেন জানি রোগা দেখায়। মুখটা গোলগাল। ভালমানুষী ভাব অনেক কষ্ট করে আনে। নিজের ঘরে যা তাকে করতে হয় না। আজ অবশ্যি কামালের চেহারা ভালমানুষী ভাবটা নেই। সকালে দাড়ি কামানো হয়নি। খোঁচা খোঁচা কাঁচা পাকা দাড়ি বের হয়ে পড়েছে। চোখটাও ফন্তুগা দিচ্ছে। কিছুক্ষণ পর পর পানি পড়ছে। রুমালটাও সঙ্গে আনা হয়নি। তাকে সার্টের হাতায় চোখ মুছতে হচ্ছে। খুবই বিরক্তির ব্যাপার।

কামালউদ্দিন যে কাজে নারায়ণগঞ্জে গিয়েছিল কাজটা পাওয়া গেছে। তবে ঝামেলা আছে। ত্যাঁদর পার্টি। পানিতে না নেমে মাছ ধরতে চায়। কামাল বড়ই বিরক্ত হচ্ছে। তবে এই বিরক্তি সে প্রকাশ করছে না। তার সামনে বসে আছে সুলতান সাহেব। চেহারা ভালো মানুষের মতো। কথাবার্তার ভঙ্গিও বড় মধুর। কথা শুনে মনে হয় শান্তিনিকেতন থেকে কথা শিখে এসেছে। অথচ বাড়ি হচ্ছে কুমিল্লায়। বিরটি ফকর লোক।

কামাল বলল, কথাবার্তা যা বলার দরকার তাতো বলেই ফেললাম এখন তাহলে উঠি ভাইসাব? অনুমতি যদি দেন।

ঃ আরে বসুন না। আরেকটু বসুন। লাছি খান। লাছি আনতে গেছে। লাছি খেলে তো আমার হবে না আমার তো আরো কাজকর্ম আছে।

ঃ এখানেও কাজকর্মইতো করছেন— তাই না।

ঃ করছি আর কোথায়। কথাবার্তা বলছি। এত কথা আমার ভালো লাগে না। দরে বনলে কাজ করবেন না বনলে না।

সুলতান সাহেব বললেন— সামান্য কাজ এত টাকা চাচ্ছেন।

কামাল শান্ত গলায় বলল, কাজটা সামান্য না। এটা আমিও জানি, আপনিও জানেন। দলিল তৈরী করে দিব। সেই দলিল হবে আসল দলিলের বাবা। কোর্টে গেলে আমার দলিল টিকবে। আসলটা টিকবে না। এই জন্যে টাকা খরচ করবেন না? পঞ্চাশ লাখ টাকার সম্পত্তি পাবেন আর এক লাখ টাকা খরচ করবেন না?

সুলতান সাহেব বললেন, আপনাকে ত্রিশ দিতে পারি তবে জিনিস দেখার পরে, তার আগে না। দেখেন আপনি রাজি আছেন কি— না।

কামাল গম্ভীর হয়ে রইল। লাছি চলে এসেছে। সে বিনা বাক্য ব্যয়ে একটানে লাছি শেষ করে রুমাল দিয়ে মুখ মুছে বলল, উঠি তাহলে ভাইসাব স্লামালিকুম।

ঃ উঠি মানে? হ্যাঁ—না কিছু বলেন।

ঃ আমি ভাইসাব এক কথার মানুষ। এক লাখ চেয়েছি এক লাখ দেবেন। পুরানো স্ট্যাম্প জোগার করে নিব, কলম দিয়ে লেখলেই দলিল হয় না। রেকর্ড রুমের রেকর্ড ঠিক করা লাগে। খাজনার রশিদ লাগে। মিউটেশনের কাগজপত্র লাগে। আমার কাজকর্ম আপনি জানেন না, তাই মাছের দর শুরু করেছেন। নকল দলিল এক হাজার টাকা দিলে করা যায় কিন্তু এই জিনিস কোর্টে গেলে জজ সাহেব এই দলিলে নাকের সর্দি ঝাড়বে, বুঝলেন?

কামাল উঠে পড়ল। এটা হচ্ছে ত্যাঁদর পার্টি। এখানে লাভ হবে না। খালি খেলাবে। গোসল করতে চায় অথচ চুল ভিজাতে চায় না। হারামজাদা।

সুলতান নড়ে চড়ে বসলেন। মধুর স্বরে ডাকলেন, কামাল সাহেব।

ঃ কি বলেন।

ঃ সামনের সপ্তাহে কি আরেকবার আসতে পারেন?

ঃ কেন?

ঃ না মানে আরো ঠাণ্ডা মাথায় একটু ভেবে দেখতাম।

ঃ গরম যা পড়েছে তার মধ্যে তো মাথা আর ঠাণ্ডা রাখা যাবে না। যত চিন্তা করবেন মাথা তত গরম হবে।

সুলতান সাহেব বললেন, প্রীজ আপনি সামনের সপ্তাহে একবার আসুন। আমার বড় শ্যালকও থাকবে। সে হচ্ছে একজন লইয়ার। আইনের ব্যাপারগুলি ভালো বুঝবে। আপনি আসুন। আমি আসা—যাওয়ার খরচ দিয়ে দিচ্ছি।

সুলতান সাহেব মানিব্যাগ খুলে পঞ্চাশ টাকার একটা নোট বের করলেন। কামাল মনে মনে বলল — শুয়োরের বাচ্চা — আসা যাওয়ার খরচ পঞ্চাশ টাকা? মুখে বলল, এই পঞ্চাশ টাকা আপনি রেখেই দেন ভাইসাব। পঞ্চাশ, একশ আমি নেই না। ডেইলি পঞ্চাশ টাকা আমি ভিক্ষাই দিই। পাপ কাজ করি তো দান-খয়রাত করতে হয়। উঠলাম ভাই, স্লামালিকুম।

দাঁড়ান, দাঁড়ান, একটু দাঁড়ান। এত ব্যস্ত হয়ে পড়লেন কেন?

সুলতান সাহেব ভেতরে চলে গেলেন এবং কিছুক্ষণের মধ্যে পাঁচশ টাকার একটা নোট নিয়ে এসে অমায়িক গলায় বললেন — এই নেন আপনার খরচ। সামনের সপ্তাহে আসেন, দেখি একটা এগ্রিমেন্টে যাওয়া যায় কি না। এইসব কথা কি লাখ

কথার কমে হয়?

: হবার হলে এক কথাতেই হয়— না হলে লাখ কথাতেও হয়না। আমি আসব সামনের সপ্তাহে। সন্ধ্যা নাগাদ আসব। বুধবার সন্ধ্যা।

: আচ্ছা।

: কামাল ঘর থেকে মোটামুটি খুশী হয়েই বের হল। তাঁদের পার্টির কাছ থেকে পাঁচশ টাকা বের করা গেছে—এই যথেষ্ট। এই পার্টির ত্রিসীমানায় সে আর আসবে না। আসার দরকারও নেই। এই পার্টির কাছ থেকে আর কিছু পাওয়া যাবে না। ঢাকার বাসে উঠে সে পাঁচশ টাকার নোটটা চোখের সামনে মেলল। ছেঁড়া নোট। স্কচ টেপ দিয়ে মেরামত করা। মনে মনে বলল— হারামজাদা। দুনিয়া শুদ্ধ লোক ঠকাতে চাস। ব্যাটা ফকিরের পোলা।

ফকিরের পোলা— হচ্ছে কামালের একটা প্রিয় গালি। তবে এই গালি সে সব সময় মনে মনে দেয়। মনে মনে গালি দিতে পারার সুযোগ থাকায় সে আনন্দ বোধ করে। তার ধারণা মনে মনে গালাগালি দেবার সুযোগ না থাকলে বিরাট সমস্যা হতো। গাল দিলেই রাগ বাষ্প হয়ে যায়। কামাল আবার বলল, হারামজাদা ফকিরের পোলা।

কামালের কাজকর্ম খুব পরিষ্কার। সে কখনো বেশী ঝামেলায় যায় না। নকল দলিলের কথাবার্তা পাকা করে। বেশ কিছু দলিলের নমুনা দেখায় তারপর সটকে পড়ে। দিন পনেরো পর যখন পার্টি মোটামুটি নিশ্চিত যে, সে সটকে পড়েছে তখন হঠাৎ উদয় হয়। মুখ চোখ কালো করে বলে—বিরাট সমস্যা ভাই সাব। পুলিশ ধরে নিয়ে গিয়েছিল। তিনদিন ছিলাম হাজতে। জামিনে ছাড়া পেয়েছি। পার্টি এইকথা ঠিক বিশ্বাস করে না। সে বাঁ-হাতের কনুইয়ের ওপর একটা কালো দাগ দেখিয়ে বলে, এই দেখেন ভাই অবস্থা। মারের নমুনা দেখেন।

হাতের এই দাগটা কালামের জন্ম দাগ। তবে মারের কারণে কালো হয়ে যাওয়া দাগ হিসাবে একে অনায়াসে চালিয়ে দেয়া যায়। কামাল গম্ভীর ভেনে-কার কি কাজ করছি এটা জানার জন্যে পুলিশ হেভী চাপ দিল। আপনাদের কথা অবশ্য কিছু বলি নাই।

পার্টি এই কথায় একটু সচকিত হয়। নাড় চড়ে বসে। তখন কামাল বলে, আপনাদের জানাশোনার মধ্যে পুলিশের বড় কেউ আছে? বিরাট বিপদে পড়েছি ভাইসাব।

এই পর্যায়ে কামালের চোখে পানি এসে যায়, চোখে পানি আনার ক্ষমতা কামালের অসাধারণ। অতি অল্পসময়ে সে তা পারে। তার জন্য যা করতে হয় তা হচ্ছে চোখের পলক না ফলে এক দৃষ্টিতে তাকিয়ে থাকা। এতেই কাজ হয়। চোখে পানি আসে। তার চোখে একটা সমস্যা আছে। ছোট বেলায় চোট খেয়েছিল। এর

জন্য হয়ত চোখে পানি আসে খুব তাড়াতাড়ি।

মানুষ সব কিছুকেই অবিশ্বাস করে। চোখের পানিকে করে না। ভাবিস করে না। যদি করত তা হলে কামালের মতো মানুষদের খুব অসুবিধা হত।

দলিল তৈরী কামালের মূল ব্যবসা নয়। তার মূল ব্যবসা জমি বেচা কেনা। একদল লোক বিদেশে চাকরি করতে যাওয়ায় এই ব্যবসা খুব রমরমা হয়েছে। কিছু মানুষের হাত কীচা টাকা পয়সা এসেছে যাদের হাতে কোন কালেই কোন পয়সাকড়ি ছিলনা। হঠাৎ পাওয়া ধন তারা কি করবে বুঝতে পারে না— তখন জমির টোপ ফেলতে হয়। এগুলাত হয় খুব সাবধানে। এইসব ধনীরা সাধারণত খুব সন্দেহপ্রায়ন হয়। কোনো কিছুই তারা বিশ্বাস করে না। সব কিছুতেই অবিশ্বাস। পাকা দলিল দেখেও বলে—দলিলটা তো নকল। তাদের ঘায়েল করতে হয় তাদের নিজেদের অস্ত্রে। যেমন গতমাসে কামাল একটা কেইস করল— পার্টির বাসা নুরজাহান রোডে। ছোট ভাই কাজ করেছে বিদেশে। টাকাপয়সা ভালই পাঠাচ্ছে। খোজ খবর আগে থেকে ভালোমত নিয়ে কামাল উপস্থিত হল—হাতে ব্রীফকেইস। চোখে চশমা।

বড় ভাই দরজা খুলে খুবই সন্দেহজনকভাবে তাকাতে লাগল। কামাল বলল, ভাই আমার নাম কামাল। শুনলাম জমি কিনতে চান, সেই জন্য আসলাম।

বড় ভাই মুখ লম্বা করে দিয়ে বলল, কার কাছে শুনলেন?

: সেটা দিয়ে তো ভাই আপনার দরকার নাই। কিনবেন কি কিনবেন না সেটা দিয়ে হচ্ছে কথা। যদি বলেন,—না, তাহলে বিরক্ত করব না। চলে যাব। যদি বলেন হ্যাঁ, তাহলে বসব। কথা হবে।

সন্দেহপ্রবণ লোকেরা সোজাসুজি কথায় সাধারণতঃ একটু ঘাবড়ে যায়। কারণ এরা সারা জীবনেও সোজাসুজি কথা বলে না।

বড় ভাই বললেন— জমি কোথায়?

: সারা ঢাকা শহর জুড়ে আমার জমি নাই। এক জায়গাতেই আছে। তিন বিঘা জমি আছে। জায়গাটা হচ্ছে সাতার। জায়গার নাম নয়নপুর।

: এতদূর জমি কিনব না।

: ঠিক আছে। না কিনলে কি আর করা, নেন ভাই একটা সিগারেট নেন। কামাল সস্তা ধরনের একটা সিগারেট বের করল। সন্দেহপ্রবণ লোকদের দামী সিগারেট দেয়া যায় না। দামী সিগারেট দিলেই ভাবে—কোন একটা মতলবে এসেছে।

বড় ভাই সিগারেট নেন। নেনেন জানা কথা। বিনা পয়সার কোনো জিনিস

এরা ছাড়ে না। কামাল নিজের মনেই বলে - সবাই জমি কিনতে চায় ঢাকা শহরে। দূরে কেউ যাবে না। ঢাকা শহরে কি জমি আছে যে কিনবে? বিনা ঝামেলায় একটা প্লট কেউ বার করুক ঢাকা শহরে। যদি বার করতে পারে আমি কান কেটে ফেলে দিব। জমি কিনার পর মিউনিসিপাল কর্তে গলে দেখা যায় আরেক পার্টির কাছে জমি বিক্রি করা। এর পর বের হয় খার্ড পার্টি। এই খার্ড পার্টি জমি দখল করে বসে থাকে। মামলা ঠুকে দেয়। রাইট অব পজেশান। এইসব দেওয়ানী মামলার অবস্থা জানেন? দেওয়ানী মামলা হল আপনার কচ্ছপের কামড়। একবার ধরলে আর ছাড়ে না। পনেরো বছর, বিশ বছর, পঁচিশ বছর মামলা চলতে থাকে। আচ্ছা ভাই যাই। অনেক বিরক্ত করলাম।

ঃ বসেন একটু। রোদের মধ্যে এসেছেন। এক কাপ চা খান।

কামাল সঙ্গে সঙ্গে বলে - তা খাওয়া যায়। চা পৈলে বড় ভাল হয়। চা আসে। কামাল বলে, একটা ভালো সিগারেট খাবেন ভাই সাব? নিজের জন্যে কিছু ভালো সিগারেট আলাদা রাখি। কোনো শালাকে দেই না। নিন একটা খান।

বড় ভাই সিগারেট ধরান। এর মধ্যে লোকটার প্রতি তাঁর সন্দেহ খানিকটা কমে এসেছে। তিনি মনে করতে শুরু করেছেন - লোকটা ভালো, এক কথার মানুষ। কামাল বলে - এক সময় ধানমণ্ডির জমি কেউ কিনতে চাইতো না। চোখ আসামানে তুলে বলতো, সর্বনাশ এত দূরে জমি কিনে কি করব? জঙ্গলা জায়গা। আর আজ সেই জঙ্গলা জায়গার অবস্থা দেখেন।

ঃ ঠিক বলেছেন।

ঃ সাতারেও লোকজন এখন জমি কিনতে চায় না। বলে- জঙ্গলা জমি। আমি হাসি। আর মনে মনে বলি - ব্যাটা দশটা বছর যাক তার পর তোর মুখখান একবার এসে দেখে যাব।

বড় ভাই বলেন, সাতারের জমি কি আপনার?

ঃ পাগল হয়েছেন? আমি জমি পাব কোথায়? আমি একজন পথের ফকির। জমি আমার বড় মামার। আমাকে বলেছে বিক্রি করে দিতে। আমার হয়েছে মাথার ঘায়ে কুস্তা পাগল অবস্থা। ঐ জমি বিক্রি হবে না। বেহুদা পরিশ্রম।

ঃ বিক্রি হবে না কেন?

ঃ তিন বিঘা জমি পুরোটা একজনের কাছে বেচতে চায়। কার দরকার পড়েছে এক সঙ্গে এতটা জমি কেনার? ভাই উঠি দেবী হয়ে গেছে। চা-টা ভাল বানিয়েছেন।

ঃ আরে বসেন না। আরেক কাপ চা খান। অসুবিধা কি? খান আরেক কাপ চা।

কামাল বসে। আরাম করেই বসে। পার্টি টোপ গিলে ফেলেছে। এখন শুধু সুতা ছাড়তে হবে। সুতা ছাড়তে তার বড় ভাল লাগে। সুতা ছেড়ে মাছ সবসময় ঘরে তোলা যায় না। সুতা ছিড়ে যায়। তবে এই মাছ সে তুলেছিল। অবিশ্বাসী লোক যখন কাউকে বিশ্বাস করে তখন পুরোপুরিই করে। এই লোক করেছিল। ইচ্ছা করলে লোকটাকে সে পথের ফকির করতে পারত। তা সে করেনি। মায়া লাগল। বায়নার পঁচিশ হাজার টাকা নিয়েই ছেড়ে দিল। মনে মনে বলল - ব্যাটা ফকিরের পোলা, তোকে মাফ করে দিলাম।

বাসায় ফিরতে ফিরতে তিনটা বেজে গেল। দরজা খুলল মিনু। কামাল সার্ট খুলতে খুলতে অভ্যাসমত ডাকল - সোমা ও সোমা। ডাকার প্রায় সঙ্গে সঙ্গেই মনে পড়ল সোমা নেই। মিনু দরজা ধরে দাঁড়িয়ে আছে। কৌতূহলী চোখে তাকাচ্ছে। তার চোখে কৌতূহলের সঙ্গে খানিকটা ভয়ও মিশে আছে। মানুষটাকে সে বেশ ভয় করে। লোকটাকে তার পাগলা পাগলা মনে হয়।

ঃ জ্বর কমেছে নাকি রে মিনু?

ঃ হ।

ঃ রান্নাবান্না করেছিস কিছু?

ঃ হ।

ঃ আরে যন্ত্রণা, সব কথা এক অক্ষরে বলছিস কেন? চড় খাবি বুঝলি। ঠাস করে একটা চড় দিব। কি রেঁবেছিস?

ঃ ভাত।

ঃ ভাত ছাড়া আর কি?

ঃ আর কিছু না।

ঃ ফকিরের মাইয়া বলে কি? শুধু ভাত খাব কিভাবে?

ঃ আর কিছু রান্নাতে জানি না।

এর ওপরে কোন কথা চলে না। রাঁধতে না জানলে সে করবে কি? কামাল বলল, শুকনো মরিচ ভেজে ফেল। পেঁয়াজ আর শুকনো মরিচের ভর্তা বানিয়ে খাওয়া যাবে। মরিচের ভর্তা ঠিকমত বানাতে পারলে কোণ্ডা কালিয়ার মত টেস্ট হয়। ঘরে সরিষার তেল আছে তো? সরিষার তেল দিয়ে হেভী ডলা দিতে হবে।

বিড়ালটা পায়ের কাছে ঘুর ঘুর করছে। আড্ডা দিচ্ছে। কামাল নীচু হয়ে বিড়ালটাকে খানিকক্ষণ আদর করল। আদর খেয়ে সে একেবারে গলে যাচ্ছে। কি করবে বুঝতে পারছে না। লাফালাফি, ঝাপাঝপি। আদর সবাই বোঝে। শুধু মানুষ

বোঝে না। মানুষ হচ্ছে বিচিত্র চিড়িয়া। সে আদর সোহাগ বোঝে না। রাগটা বোঝে।  
ঘৃণা বোঝে। শালার মানুষ।

ঃ মিনু

ঃ জ্বি।

ঃ বেড়ালটারে দুধ দিয়েছিলি?

ঃ না।

ঃ না কিরে হারামজাদী—এমন চড় দেব।

ঃ দুধ কেমনে বানাইতে হয় জানি না।

কামাল রাগ সামলে নিল। যে দুধ বানাতেই জানে না তাকে দুধ না বানানোর জন্য চড় দেয়া যায় না। সোমা এই মেয়েটাকে দেখি কিছুই শেখায়নি। অকর্মার ধাড়ি করে রেখেছে।

ঃ ও মিনু।

ঃ জ্বি।

ঃ খাওয়া দাওয়ার পর দুধ বানানো শিখিয়ে দেব বুঝলি। খুব সোজা।  
বিড়ালটাকে রোজ দুধ দিবি। পেটে বাচ্চা আছে। এই সময় ভাল মন্দ খাওয়া দরকার।  
আর খবরদার লাখি ফাখি দিবি না। বাচ্চার ক্ষতি হবে। যা ভাত বাড়। শুকনো মরিচ  
ভাজ। পুড়িয়ে আবার কাল করে ফেলিস না। কাল যদি হয় এক খাবড়া খাবি।

সাবান গামছা নিয়ে কামাল বাথরুমে ঢুকে পড়ল। বাথরুমে ঢুকেই তার মনটা  
খারাপ হয়ে গেল। কি সুন্দর সাজানো বাথরুম। ঝকঝক করছে। এককণা ময়লা  
কোথাও নেই। অপরিষ্কার বাথরুম ছিল সোমার দুচোখের বিষ। সোমার মতে বাথরুম  
এমন হবে যেন ঢুকলেই মনের মধ্যে একটা পবিত্র ভাব হয়। এই মেয়ের কথাবার্তার  
কোন মা বাপ নেই। পরিষ্কার বাতিক। এত পরিষ্কার দিয়ে হয় কি? দুনিয়াটাই  
অপরিষ্কার। এর মধ্যে পরিষ্কার পরিষ্কার করে টেঁচালে কি হবে? কিছুই হবে না।  
আজ এই বাথরুম ঝকঝক করছে। সাতদিন পরে করবে না। তাতে কোন অসুবিধা  
হবে না। কোনকিছুই আটকে থাকে না। কামাল গায়ে পানি ঢালতে লাগল। ঠাণ্ডা  
পানি। গায়ে ঢালতে বড় আরাম লাগছে। ঘুম এসে যাচ্ছে। সে গুনগুন করে একটা  
সুর ভাজল। তার বেশ ভাল লাগছে।

কামাল সন্ধ্যা পর্যন্ত ঘুমুল। ঘুম ভাঙার পর ডাকল— সোমা, ও সোমা।  
একদিনে দ্বিতীয়বার ভুল। মেজাজ খারাপ হওয়ার মত অবস্থা। মেজাজ কিছুটা  
খারাপই হল। যে গেছে সে গেছে— এখন ডাকাডাকি করে হবেটা কি? কিছুই হবে না।  
মানিয়ে নিতে হয়। সব অবস্থায় সব পরিস্থিতিতে নিজেকে মানিয়ে নেয়াটাই হচ্ছে  
বড় কথা।

ঃ মিনু।

ঃ জ্বি।

ঃ চা বানা দেখি।

ঃ চা রানতে জানি না।

ঃ অতি উত্তম। হারামজাদী তুই জানিস কি? ফ্রান্স্ক নিয়ে যা মোড়ের দোকান  
থেকে চা নিয়ে আয়। বিড়ালকে দুধ দিয়েছিলি?

ঃ হ।

ঃ ওড। দুবেলা দুধ দিবি — সকালে একবার, রাতে একবার। যা চা নিয়ে  
আয়।

কামাল বিছানা ছেড়ে নামল। হাত মুখ ধুয়ে সিগারেট ধরাল। তার মনে হল  
সোমার অভাব সে হতটা বোধ করবে ভেবেছিল তারচে অল্প একটু বেশী বোধ  
করছে। এর কারণ সে ঠিক ধরতে পারছে না। তার হিসাবে ভুল খুব একটা হয়না।  
এখানে ভুল হল কেন?

মিনু ফ্রান্স্ক করে চা নিয়ে এসেছে। হোটেলের চা বিস্বাদ হলেও এর আলাদা  
একটা স্বাদ আছে। এই স্বাদে আবার অভ্যস্ত হয়ে যেতে হবে। সেটা মন্দ কি। স্বাধীন  
জীবনের আলাদা আনন্দ আছে। চা খেতে খেতে কামালের মনে হল শুধু স্বাধীন  
জীবন না, সব ধরনের জীবনেরই আলাদা আনন্দ আছে। যে তের মাস সে জেল খাটল  
সেই তের মাস সময়টাও তার খুব একটা খারাপ কাটেনি। জেলে তার সঙ্গীরা মানুষ  
হিসাবে খারাপ ছিল না। যথেষ্ট বুদ্ধিমান। শুধু বুদ্ধিমান না — রসিকও ছিল। এদের  
একজন বিনয় পোদ্দার। বার বছরের কয়েদ হয়েছিল। কি অসম্ভব রসিক মানুষ।  
তার আশেপাশে থাকাই একটা আনন্দের ব্যাপার। একবার জেলখানায় ইন্দ্রজিত  
ডায়েট হল ঈদ উপলক্ষে। পোলাও, গোস্ত আর একটা করে চপ। চপ মুখে দিয়েই  
সবাই থুথু করে ফেলে দিল। বাসী চপ। গরমে টক হয়ে গেছে। বিনয় পোদ্দার বলল,  
বাসী চপের গল্প শুনবে নাকি হে তোমরা। সবাই হৈঁহৈ করে উঠল — বলেন,  
বলেন।

একবার এক হোটеле গেছি। চপের অর্ডার দিয়েছি। চপ আসল। মুখে দিয়ে  
দেখি সর্বনাশ — বাসী মানে, পচে যাওয়া মাল। মেজাজ গেল গরম হয়ে। বেয়ারাকে  
বললাম, ডাক তোমার ম্যানেজারকে। এই পচা চপ খাওয়া আমার পক্ষে সম্ভব না।  
বেয়ারা মুখ কাচুমাচু করে বলল, আপনি নিজেই যে জিনিস খেতে রাজি না  
ম্যানেজারবাবু সেটা কি করে খাবেন বলুন।

আহ কি গল্প! আর কি গল্প বলার ভঙ্গি। কামাল বিমর্ষ বোধ করছে। সন্ধ্যা

সময়টা আসলেই খারাপ মন ভার ভার হয়ে থাকে। সন্ধ্যায় এই জন্যে ঘরে থাকতে নেই।

ঃ মিনু।

ঃ জ্বি।

ঃ আমি এখন বেরুব বুঝলি। ফিরতে রাত হবে। একা একা ভয় লাগবে?

ঃ হু।

ঃ তাহলে কি করা যায় বলতো?

ঃ আফা আসবে না?

ঃ না। ঐ সম্পর্ক শেষ। এখন তুই কি করবি চিন্তা করে দেখ। তোর খালার কাছে যাবি? তোর খালা থাকে না কলতাবাজার। যাবি সেখানে?

ঃ না।

ঃ যাবি না কেন?

ঃ খালা খাওন দেয় না।

ঃ এতো দেখি আরেক যন্ত্রণা। তোকে কোলে নিয়ে আমি ঘুরব নাকি?

মিনু হেসে ফেলল। সঙ্গে সঙ্গে হাসি লুকাবার জন্যে মুখ ঘুরিয়ে নিল। এই লোকের সামনে হাসতে বড় ভয় লাগে।

কামাল মিনু-সমস্যার কয়েকটা সমাধান বের করল — ঘরে তালা দিয়ে মিনুকে ঘরের বাইরে বসিয়ে রেখে চলে যাওয়া। দুই, মিনুকে চায়ের দোকানে রেখে যাওয়া। ফেরার পথে উঠিয়ে নেয়া। মিনুর হাতে কিছু টাকা- পয়সা দিয়ে তাকে তার কলতাবাজারে খালার কাছে পাঠিয়ে দেয়া। কোনো সমাধানই তার মনে ধরল না। মুখ অনুকার করে একের পর এক সিগারেট টেনে যেতে লাগল।



সোমার শোবার জায়গা ঠিক হয়েছে উম্মীর সঙ্গে। এই ঘরে দুটো খাট। একটায় ঘুমায় বিজু অন্যটায় উম্মী। ঘরে কোন ফ্যান নেই। গরমের সময় অসহ্য গুমোট। দক্ষিণের জানালা একটা। ঐ জানালা বিজুর খাটের পাশে। বাতাস যা লাগে বিজুর গায়ে লাগে। ঘরে এখন আছে সোমা এবং উম্মী। বিজু বারান্দায় টেবিল পেতে পড়ছে। তার পড়া সশব্দ। এত বড় ছেলে এমন শব্দ করে পড়ে কেন কে জানে। সোমার খুব বিরক্তি লাগছে। উম্মী বলল, তুমি আসায় খুব সুবিধা হয়েছে আপা। বিজু ভাইয়া আর এই ঘরে সিগারেট খাবে না। সিগারেট খেয়ে ঘর অনুকার করে রাখে।

ঃ তাই নাকি?

ঃ হু। সিগারেটের উপরই আছে। ঘুম ভাঙলেই হাতে সিগারেট। একবার তো মশারিতে আগুন ধরিয়ে দিয়েছিল।

সোমা কিছু বলল না।

উম্মী বলল, ঘুম পাচ্ছে আপা?

ঃ না।

ঃ কি রকম গরম পড়েছে দেখেছ? বৃষ্টিতেও গরম কমল না। আরেকবার গা ধুতে ইচ্ছা করছে। তুমি গা ধুবে আপা? পানি কিন্তু আছে।

ঃ না।

ঃ তুমি খাটের কোন দিকে শূবে?

ঃ এক দিকে শূলেই হল।

ঃ ঐ বাড়িতে কোন দিকে শূতে?

প্রশ্নটা করেই উম্মী লজ্জা পেয়ে গেল। তার মনে হল প্রশ্নটা অনুচিত হয়েছে। ঐ বাড়ি প্রসঙ্গে কোনো কথাই এখন বলা উচিত না। যদিও তার অনেক কিছু জানতে ইচ্ছা করছে। কেন এরকম হল? মানুষটা খারাপ এটা সে জানে। কতটুকু খারাপ? কেমন খারাপ? আপাকে কি জিজ্ঞেস করা যাবে? আজই জিজ্ঞেস করবে? না- কি আরো কিছুদিন পর?

সোমা বলল, বাবার রোজ্জগার পাতি এখন কেমনেরে উম্মী?

ঃ ভালো না। এল এম এফ ডাক্তারদের কাছে ঢাকা শহরে কেউ আসে? সব যায় স্পেশালিস্টদের কাছে। বাবা অবশ্যি রোজ ইয়াং ফামেসীতে বসে। ওরা মাসে

মাসে বাবাকে কিছু টাকা দেয়। রুগী কিছু হয়। সংসারতো চলছে।

সোমা সহজ গলায় বলল, খুব ভালো চলছে বলে তো মনে হয় না।

ঃ তা চলছে না। চলবে কোথেকে? প্রাকটিস নেই। তাছাড়া আমার মনে হয়, বাবা ডাক্তারীও ভালো জানে না। আমার একবার অসুখ হল— বাবা সমানে এন্টিবায়োটিক খাওয়াচ্ছে, শেষে দেখা গেল টাইফয়েড। এদিকে এন্টিবায়োটিক খেয়ে খেয়ে আমার চুল উঠে গেল।

ঃ চুল উঠলো কোথায়? মাথা ভর্তিতে চুল।

ঃ বাতি নিভিয়ে দেই আপা? বাতি নেভালে ঘর একটু ঠাণ্ডা হবে।

উম্মী বাতি নিভিয়ে দিল। ঘর অবশ্য পুরোপুরি অন্ধকার হল না। বিজুর পড়া শেষ হয়েছে। সে একনাগাড়ে বেশীক্ষণ পড়তে পারে না। ঘুম ধরে যায়। তখন পানির ঝাপটা দিতে হয়। একটা সিগারেট ধরিয়ে চা খেতে হয়। তার জন্যে ফ্রান্স্কে চা বানানো থাকে। বিজু ফ্রান্স্কে থেকে চা ঢেলে বাইরের বারান্দায় চলে গেল। একটা সিগারেট ধরিয়ে চা খাবে। সিগারেট ধরানোর প্রায় সঙ্গে সঙ্গেই সোমা এল বারান্দায়। বিজু সিগারেট নিয়ে খানিকক্ষণ ইতস্তত করল। ফেলে দেবে না রাখবে? শেষ পর্যন্ত রেখে দেয়াই ঠিক করল। এতটুকু একটা বাড়ি এর মধ্যে যদি তিনজনের সামনে সিগারেট খাওয়া বন্ধ রাখতে হয় তাহলে তো বিরাট যন্ত্রণা।

বিজু বলল, এখনো ঘুমাও নি, শুয়ে পড় আপা।

ঃ তুই কখন শুবি?

ঃ আমার দেরী আছে। দেড়টা দুটার আগে ঘুমাতে যাই না।

ঃ এতক্ষণ কি করিস? পড়াশোনা?

ঃ হু।

ঃ ভালই তো। আগের মত রেজাল্ট করতে পরলে তো খুবই আনন্দের ব্যাপার হবে।

ঃ ঐ সব হবে না। কিছু মনে থাকে না। যা পড়ি সব ভুলে যাই। আপা তুমি শুয়ে পড়। এক কাজ করো আমার বিছানায় শোও। দুজন একখাটে ঘুমতে পারবে না। আমি বারান্দায় পাটি পেতে শোব। একটু মশারী আছে, অসুবিধা হবে না।

ঃ রাতে বৃষ্টি টিটি হয় যদি?

ঃ কোন অসুবিধা নেই। দু-এক ফোঁটা বৃষ্টিতে বিজুর কিছু হয় না।

সোমা দাঁড়িয়েই রইলো। তার ঘুম পাচ্ছে কিন্তু ঐ অসহ্য গরমে ঘরের ভেতর শুতে ইচ্ছা হচ্ছে না। সে বারান্দায় চেয়ারে এসে বসল। মৃদু স্বরে ডাকল, বিজু।

ঃ কি আপা?

ঃ তুই কি ওর সঙ্গে ঝগড়া করেছিলি না—কি?

ঃ কার সাথে?

সোমা কিছুক্ষণ ইতস্তত করে বলল, তোর দুলাভাইয়ের কথা বলছি। ঝগড়া করেছিলি?

বিজু তিস্ত গলায় বলল, কি আশ্চর্য! দুলাভাই শব্দটা তুমি ব্যবহার করলে কেন? ঐ লোকের কথা যদি ওঠে এখন থেকে তুমি সোজাসুজি বলবে — কামাল। নো দুলাভাই বিজনেস।

ঃ তুই আমার কথার জবাব দিসনি। ঝগড়া করেছিলি?

ঃ হ্যাঁ। লোকজন ছিল নয়ত চড় দিয়ে শালার দাঁত খুলে ফেলতাম।

ঃ এই সব তুই কি বলছিস?

ঃ তুমিইবা উল্টা কথা বলছ কেন? ঐ শালাকে আমি কোলে নিয়ে চুমু খাব নাকি? সাপের যেভাবে খোলস ছাড়ায় ঐ ব্যাটার চামড়া আমি ঐভাবে খুলে নেব।

ঃ তোর এত রাগ কেন? তোর সঙ্গে তো কিছু হয়নি। রাগ যদি কারো হবার হয় সেটা হবে আমার।

ঃ তোমার হবে না। তোমার মধ্যে রাগ বলে কিছু নেই। থাকলে এত দিন লোকটার সঙ্গে থাকতে পারতে না।

সোমা বলল, তোর কাছে আমার অনুরোধ বুলি বিজু, রাস্তায় যদি কোনোদিন ওর সঙ্গে দেখা হয় তাহলে হৈ চৈ করবি না।

বিজু চুপ করে রইল। তার খুব রাগ লাগছে। এসব আপা কি বলছে? সোমা বলল, সবতো চুকে বুকেই গেছে আর হৈ চৈ কেন? ঠিক না?

ঃ আচ্ছা ঠিক আছে। যাও আর হৈ চৈ করব না। এখন ঘুমতে যাও। আমার বিছানায় ঘুমিও আপা। দু-একদিনের মধ্যে ফ্যানের ব্যবস্থা করব। তখন আরাম হবে।

সোমা আবার তার ঘরে ঢুকল। কিছু ভাল লাগছে না। অস্থির অস্থির লাগছে।

উম্মী বলল, আপা ঘুমবে না?

সোমা জবাব দিল না। তার খুব ইচ্ছা করছে প্রফেসর সাহেবের কথা জিজ্ঞেস করতে। উম্মী তাতে কিছু মনে করবে কিনা কে জানে মনে করার অবশ্যি কিছুই নেই। আর যদি মনে করে তাতেই বা কি।

ঃ আপা।

ঃ কি?

ঃ এ বাড়িতে এসে তোমার কি খারাপ লাগছে?

ঃ না।

ঃ আমার নিজের খুবই ভাল লাগছে। এ বাড়িতে আমার গল্প করার কেউ নেই। তোমার সঙ্গে গল্প করতে পারব।

ঃ দোতলায় যারা থাকেন তাঁদের সঙ্গে যোগাযোগ নেই?

ঃ না। বুড়োমত এক ভদ্রলোক থাকেন। আর তাঁর এক খালা না-কি কে যেন থাকেন। আমি ও বাড়িতে যাই না। চাচাদের বাসাতেও যাই না। আমার জীবন এই ঘরটার মধ্যে কেটে যাচ্ছে আপা।

সোমা চুপ করে রইল। পাশের ঘর থেকে চাপা অথচ রাগী গলা শোনা যাচ্ছে। সোমা বলল, এ রকম করে কথা বলছে কে রে?

ঃ বড় চাচা। মাঝে মাঝে চাচা এ রকম করে। মাথা গরম হয়ে যায় তখন এই সব শুরু করে।

ঃ তাই নাকি?

ঃ হ্যাঁ। আমার মনে হয় বড় চাচা পাগল টাগল হয়ে যাচ্ছে।

সোমা চুপ করে বড় চাচার কথাগুলি শুনতে চেষ্টা করল। তেমন কিছু বোঝা যায় না তবে - 'কেটে ফেলব' 'পুতে ফেলব' এই সব শব্দ কানে আসছে।



উম্মীর ঘরে নতুন ফ্যান লাগানো হচ্ছে। কড়ই গাছ বিক্রির টাকায় কেনা ফ্যান। বিজুর উৎসাহের সীমা নেই। যদিও নীল গেল্লী গায়ে একজন ইলেকট্রিশিয়ান আনা হয়েছে। তবু পুরো কাজটা করল বিজু। কানেকশন দিয়ে সুইচ টিপল। ফ্যান ঘুরল না। ইলেকট্রিশিয়ান টেস্টার দিয়ে দেখে বলল— লাইন তো ভাইজান ঠিক আছে।

উম্মী বলল, ফ্যান ঠিক আছে তো? দোকানে চালিয়ে দেখেছ?

বিজু বিরক্ত গলায় বলল, না চালিয়ে ফ্যান কিনব নাকি?

উম্মী বলল, লোক ঠকানো টাকায় কেনাতো তাই ঘুরছে না।

বিজু চোখ লাল করে বলল, লোক ঠকানো টাকা মানে? কিবলহিস তুই? গাছটা কার আমাদের না অন্যদের?

ঃ আচ্ছা বাবা যাও আমাদের! চিৎকার করছ কেন?

ঃ এমন চড় দেব না— জন্মের শিক্ষা হয়ে যাবে।

উম্মী বলল, চৈচামেচি না করে চড় দিয়ে ফেল। তাও ভাল।

বিজু সত্যি সত্যি চড় বসিয়ে দিল। উম্মী হতভম্ব হয়ে গেল। বিজু যে বাইরের একটা মানুষের সামনে চড় মারতে পারে তা তার কল্পনাতেও আসেনি। কেমন করে এটা সম্ভব হল? হচ্ছে কি এসব? নীল গেল্লী পরা ইলেকট্রিশিয়ান ব্যাপারটায় খুব মজা পাচ্ছে। দাঁত বের করে হাসছে। উম্মীর ইচ্ছা করছে বিজুর ওপর ঝাঁপিয়ে পড়তে। ছোটবেলায় এই জিনিসই করত। ছোটবেলায় যা করা যায় এখন তা করা সম্ভব না। সে নিঃশব্দে ঘর ছেড়ে বারান্দায় এসে দাঁড়াল।

বারান্দায় জাহানারা কেতলী থেকে কাপে চা ঢালছেন। তাঁর মুখ গম্ভীর। কাজের ছেলেটা সকালে বাজারের টাকা নিয়ে পালিয়েছে আর ফেরেনি। সস্তর টাকা নিয়ে ভেগে গেছে। অথচ তার বেতন পাওনা ছিল দেড়শ টাকার ওপরে।

জাহানারা বললেন, সোমা কোথায় গেছে তুই জানিস?

উম্মী জবাব দিল না। সে কান্না থামাবার প্রাণপণ চেষ্টা করছে। জাহানারা বললেন— কথা বলহিস না কেন? সোমা কোথায় গেছে জানিস?

ঃ না।

ঃ চা-টা বিজুকে দিয়ে আয়।

ঃ আমি পারব না মা।

জাহানারা কঠিন চোখে মেয়ের দিকে তাকিয়ে রইলেন। তাঁর ফর্সা গাল রাগে লাল হয়ে উঠতে শুরু করেছে। তিনি তীক্ষ্ণ গলায় বললেন— কি বললি?

ঃ কিছু বলিনি, দাও চা দাও দিয়ে আসছি।

উম্মী চায়ের কাপ বিজুর সামনে রেখে সহজ গলায় বলল, বিজু ভাইয়া চায়ে চিনি হয়েছে কি—না দেখ।

বিজু বলল, যা রহমানের জন্যে চা নিয়ে আয়— দ্যাখ তাকিয়ে প্রবলেম সলভড। ফ্যান ভন ভন করছে। হা—হা।

উম্মী তাকাল। নীল রঙা ফ্যান ঘুরছে। ঘরে প্রচুর বাতাস। অথচ তার নিজের নিঃশ্বাস বন্ধ হয়ে আসছে। সে রারান্দার দিকে রওনা হল— রহমানের জন্যে চা আনতে হবে। যে একটু আগে তাকে চড় খেতে দেখেছে। দেখে দাঁত বের করে হেসেছে।

উম্মী চা ঢালছে।

জাহানারা পাশের চেয়ারে ক্লান্ত ভঙ্গিতে বসে আছেন। তিনি বিরস মুখে বললেন— কার চা?

ঃ রহমানের।

ঃ রহমানটা কে?

ঃ ইলেকট্রিশিয়ান।

ঃ ইলেকট্রিশিয়ানকে আবার চা-বিসকিট খাওয়াতে হচ্ছে? সোমা কোথায় গেছে তুই জানিস না?

ঃ না জানি না।

ঃ কাউকে কিছু না বলে গেল কোথায়?

উম্মী চা নিয়ে চলে গেল। বিজু এসে বলল, ফ্যান কেমন ঘুরছে দেখে যাও মা। বন বন ফন ফন। ঘরে বাতাসের ফুড হয়ে যাচ্ছে। জাহানারা বললেন— সোমা কোথায় গেছে জানিস?

ঃ না।

ঃ কাউকে কিছু না বলে কোথায় গেল?

বিজু চিন্তিত গলায় বলল, কখন গেছে?

ঃ দুপুর থেকে তো দেখছি না।

ঃ মাই গড।

দুজনের মনেই যে চিন্তা এক সঙ্গে কাজ করল তা হচ্ছে আগের জায়গায় ফিরে যায়নি তো? কাউকে কিছু না বলে যাওয়ার অর্থ তো একটাই। বিজু বলল, একবার চট করে দেখে আসব প্রফেসরের বাসটায় আছে কি না?

ঃ সন্ধ্যা পর্যন্ত অপেক্ষা কর। সন্ধ্যার মধ্যে যদি না ফিরে তখন না হয়....

ঃ যদি দেখি ঐখানে আছে তখন কি করব?

জাহানারা কোন জবাব দিলেন না।

সোমা দূরে কোথাও যায়নি। গিয়েছে তার চাচার বাসায়। এক সময় বড় চাচা ছদরুদ্দিন তাকে খুব স্নেহ করতেন। ঈদে নিজের মেয়েদের জামার সঙ্গে বাড়তি একটি জামা কেনা হত সোমার জন্যে। এক রাতের কথা সোমার পরিষ্কার মনে আছে, সে তখন ক্লাস সেডেনে পড়ে। বড় চাচা থাকেন সোবাহানবাগে। রাত তিনটার দিকে হেঁটে হেঁটে সোবাহানবাগ থেকে এখানে এসে উপস্থিত। তিনি সোমাকে নিয়ে একটা দুঃস্থপু দেখেছেন। দুঃস্থপু দেখে মনটা অস্থির হয়েছে কাজেই খোঁজ নিতে এসেছেন।

সময়ের সঙ্গে সঙ্গে মানুষ বদলায়, সোমার ধারণা, বড় চাচা অনেকখানি বদলেছেন তবু কিছুটা টান এখনো নিশ্চয়ই অবশিষ্ট আছে। তা বোঝা যায়। কড়ই গাছ নিয়ে বিরাট একটা হৈ চৈ হত।

সোমা এ বাড়িতে উপস্থিত বলেই হয়নি। বড় চাচা চুপ করে গেছেন।

ছদরুদ্দিন সাহেব দুপুরে ঘুমের আয়োজন করছিলেন। সোমাকে ঢুকতে দেখে উঠে বসলেন। কোমল গলায় বললেন— আয় মা, আয়।

সোমা বলল, বাসা খালি কেন বড় চাচা? চাচী কোথায়?

ঃ ও তার ভাইয়ের বাড়িতে গেছে। ছোট মেয়েটাও গেছে। বাকি সব আছে—ঐ ঘরে, কি যেন করছে। আসবে। তুই এখানে বোস খানিকক্ষণ।

ঃ আপনি ঘুমুচ্ছেন ঘুমুন। আমি ওদের সঙ্গে গল্প করি।

ঃ ঘুম টুম কিছু না, শুয়ে থাকি। বিরাট যন্ত্রণার মধ্যে আছি। এর মধ্যে ঘুম হয় না।

ঃ কিসের যন্ত্রণা?

ঃ আসছিস যখন সবই শুনবি। সবচেয়ে বড় যন্ত্রণা কি শুনবি? সংসার অচল। একটা পয়সা রোজগার নাই। তোর চাচী যায়— ভাইদের কাছ থেকে চেয়েচিন্তে কিছু আনে, ঐ দিয়ে সংসার চলে।

সোমা তাকিয়ে রইল। ছদরুদ্দিন ক্লান্ত গলায় বললেন— মেয়েগুলি বড় হয়েছে— বিয়ে দেয়া দরকার। একটা সম্বন্ধ আসে না। হাড় জিড়জিড়ে শরীর। সম্বন্ধ আসবেই বা কেন? কোনো ছেলে চায় একটা ককোল বিয়ে করে বাড়িতে নিতে?

সোমা চুপ করে রইল। ছদরুদ্দিন বললেন— এমনিতে কংকাল কিছু তেজ

আবার ষোল আনার ওপর দুই আনা-আঠারো আনা। মান-অপমানের যন্ত্রণায় কাছে যাওয়া যায় না।

ঃ মান-অপমান থাকা কি খারাপ চাচা?

ঃ অবশ্যই খারাপ। ভিক্ষুকের আবার মান অপমান কি? ভিক্ষুক হচ্ছে ভিক্ষুক।

ঃ কি যে বলেন চাচা।

ঃ কি বলি মানে? আমার অবস্থা তুই জানিস? তোর চাচীরা টাকা পয়সা দেয়া বন্ধ করলে রাস্তায় ভিক্ষা করতে বের হবো। সত্যি বের হবো। তুই নিজের চোখে দেখবি।

ঃ চুপ করুন তো চাচা।

ছদ্মকদ্দিন খানিকক্ষণ চুপ করে রইলেন। তাঁর ভাবভঙ্গি সোমার ভালো লাগল না। কেমন যেন অপ্রকৃতিস্থ চাউনি। চোখ দুটা বড় বেশী জ্বল জ্বল করছে।

ছদ্মকদ্দিন বললেন - তোর খবর কিছু কিছু শুনলাম। তোর চাচী বলছিল। এইসব কি সত্যি?

ঃ কোন সব?

ঃ চলে এসেছিস না-কি?

ঃ হুঁ।

ঃ কেন?

ঃ সে অনেক কথা চাচা, বাদ দিন।

ঃ বাদ দেব কেন? বল সব কথা।

ঃ বলার মতো কিছু না।

ঃ মার খোর করত না-কি?

ঃ সে সব কিছু না। স্বভাব খুব খারাপ। আজ্ঞে-বাজে কাজ করে বেড়ায়। জেলে পর্যন্ত গেছে। কিছু কিছু তো নিশ্চয়ই জানেন।

ঃ আগে একটা বিয়েও না-কি করেছিল?

ঃ বাদ দিন চাচা।

ঃ এই রকম একটা লোকের সঙ্গে তোর বিয়ে হল কি করে?

ঃ এইসব নিয়ে কথা বলতে ভাল লাগছে না চাচা।

ঃ শয়তান শয়তান—চারদিকে শয়তান। মানুষের মুখোশপরা শয়তান। বুঝলি শয়তান...।

ঃ চাচা আমি এ ঘরে ফাই দেখি তিথি মিথিরা কি করছে।

ঃ কিছুই করছে না। তুই বোস এখানে—চা খাবি?

ঃ হ্যাঁ।

ঃ দেখি চায়ের ব্যবস্থা আছে কি না—দেখা যাবে চায়ের পাতা নাই, চিনি নাই, দুধ নাই। এই সংসারে আর থাকা যাবে না। সংসার আমার জন্য না। ও তিথি, তিথি... কানে শুনে না না-কি?

ঃ তিথি।

তিথি এসে দাঁড়াল। কিছু বলল না।

ঃ তোর সোমা আপাকে চা দে। খুট খাট শব্দ হচ্ছে কিসের?

ঃ ক্যারাম খেলছি।

ঃ এর মধ্যে ক্যারাম খেলাও চলাছে? বাহ ভাল - খুব ভাল। খেল, আরাম করে ক্যারাম খেল। সব গুটি গর্তে নিয়ে ফেলে দে।

তিথি মুখ কালো করে চলে গেল। সোমা ছাড়া পেল সন্ধ্যার আগে আগে। সারাক্ষণ তাকে বড় চাচার পাশে বসে থাকতে হল। বড় চাচা ক্রমাগত কথা বলে গেলেন যার বেশীর ভাগই হচ্ছে হা-হুতাশ।

ঃ বুঝলি সোমা, আমি এখন হয়েছি কীটস্য কীট, গরুর ঘাড়ে ঘা হুত দেখেছিস? এ ঘাড়ে এক রকম সাদা সাদা কৃমি হয়। আমি হচ্ছি এ কৃমি। তিথির হামারা কেউ আমার সঙ্গে কথা বলে না। এমনভাবে তাকিয়ে থাকে যেন আমি একজন খানসামা। একদিন কি হয়েছে শোন, তিথির বড় মাখার বাড়িতে গিয়েছি। গিয়ে দেখি বিরাট মজ্জব—রাজ্যের লোকজন এসেছে। তিথির মামা আমাকে কি বলল জানিস? বলল, দুলাভাই আপনি গাড়িটা নিয়ে যান ভাল দেখে কিছু দৈ মিস্তি নিয়ে আসুন। অবস্থা চিন্তা কর। আমি এখন হয়েছি বাসার চাকর। এদিকে এখন ভুলেও ফাই না। ভয়েই ফাই না। এখন যদি ফাই তাহলে বলবে—দুলাভাই আপনি এসেছেন ভাল হয়েছে এক বালতি পানি নিয়ে বাইরে যান তো ড্রাইভার গাড়ি ধুচ্ছে ওকে একটু সাহায্য করুন। বিচিত্র কিছু না—বলবেই। না বলে পারে না—ঐ গোষ্ঠিরে আমি চিনি...।

সোমা যখন উঠে এল তখন তার রীতিমত মাথা ধরে গেছে।

বাসায় পা দেয়া মাত্র সবাই একবার করে বলল—কোথায় ছিলে? বড় চাচার বাসায় ছিল শুনে জ্ঞানানুরা বললেন—ঐখানে যাওয়ার দরকার কি? সোমা বলল, তোমাদের সঙ্গে বগড়া চলছে—তোমরা যাচ্ছ না। ভাল কথা। আমি কেন ফাব না?

ঃ বানিয়ে বানিয়ে যখন একশ' কথা বলবে তখন বুঝবি।

ঃ বলুক।

ঃ কিছু তো জানিস না, তাই বলছিস বলুক। জানলে বলতি না।

ঃ আমার জ্ঞানার দরকার নেই মা।

ঃ তোর বড় চাচা এখন কি বলে বেড়াচ্ছে শুনবি?

ঃ থাক — বড় চাচা প্রসঙ্গ থাক।

রাতে খাবার সময় সোমা নিজেই আবার বড় চাচার প্রসঙ্গ তুলল। নীচু গলায় বাবার দিকে তাকিয়ে বলল, বড় চাচার অবস্থা যে কত খারাপ সেটা তুমি জান? সাইফুদ্দিন সাহেব বললেন, এইসব তোকে বলল? আর তুই বিশ্বাস করে চলে এলি?

ঃ বিশ্বাস করব না কেন?

বিজু বলল, উনার একটা কথাও তুমি বিশ্বাস করবে না। বিগ লায়ার। সপ্তাহে একদিন ঐ বাড়িতে পোলাও হয়। তুমি তো এইখানেই আছ প্রতি শুক্রবারে পোলাওয়ের গন্ধ পাবে। বড় চাচার ভাইরা বিরাট পরস্রা করছে। বোনের নামে ব্যাংকে টাকা পরস্রা জমা করে রেখেছে। মাসে মাসে যেন হাতে টাকা আসে এই জন্যে রেস্টুরেন্টের শেয়ার কিনে দিয়েছে।

ঃ তুই এত খবর পেলি কোথায়?

ঃ চোখ কান খেলা রাখি এই জন্যে সব জানি। কোন কথা যদি ভুল বলি গালে একটা চড় দিও। কিছু বলব না। দিবা বাড়ি দখল করে বসে আছে। মতলব খুব খারাপ। তবে আমি ছাড়ার লোক না। তিন মাসের মধ্যে সেট আউট করে দেব। যদি না করি তো আমার নাম বিজু না।

সোমা ভাত ছেড়ে উঠে পড়ল। বিজুর কথাবার্তা অসহ্য লাগছে। অল্প বয়সের একটা ছেলে কেমন ভুরু কঁচকে বুড়াদের মতো কথা বলছে! এসব কি?

বিজু বলল — মা, দেখলে আপা কেমন আমাদের ওপর রাগ করে উঠে গেল? না জেনে, না শুনে, শুধু শুধু রাগ করলে হয়? বড় চাচার সম্বন্ধে লেটেষ্ট ইনফরমেশন কি পেয়েছি শুনবে?

জাহানারা বললেন — থাক এইসব।

ঃ আহ শোন না মা। ডেরী ইন্টারেস্টিং। এতদিন আমরা জানতাম বড় চাচা তাঁর দোতলাটা বিক্রি করে দিয়েছেন। ব্যাপারটা সত্যি না। বিক্রির কথা বলে টাকা নিয়েছেন ঠিকই কিন্তু কাগজপত্রে সই করেননি, সবই মুখে মুখে।

সাইফুদ্দিন বললেন, বলিস কি তুই?

বিজু বলল, পাকা খবর বাবা। কোনো ভুল নাই। এখন বড় চাচা বলেছেন — বাড়ি তো বিক্রি হয় নাই। বাড়ি ভাড়া গ্রাউডাম্প নিয়েছি।

সাইফুদ্দিন হাওয়া বন্ধ করে ছেলের দিকে তাকিয়ে রইলেন। বিজু বলল, এখন বাবা অবস্থাটা দেখ, নিজের অংশ তাঁর নিজেরই আছে পুত্র আমাদের আর্থেকটা তাঁর দখলে।

জাহানারা বললেন, এই খবর পেলি কবে?

ঃ অনেক আগেই পেয়েছি। তোমাদের কিছু বলিনি কারণ সিঁড়র ছিলাম না। এখন সিঁড়র হয়েছে।

আজ রাতটা এমনিতে ঠাণ্ডা। তার ওপর মাথার উপর ফ্যান ঘুরছে। অসহ্য গরমে জেগে থাকার কথা নয় কিন্তু সোমা জেগে আছে। তার অনিদ্রা রোগ আজকের নয়, অনেক দিনের। বিয়ের পর পরই অসুখটা হল — সে জেগে আছে, পাশেই কামাল মরার মতো ঘুমুচ্ছে। মাঝে মাঝে ঘুমের মধ্যে বিড় বিড় করছে এবং কথা বলছে। খুব উত্তেজিত ভঙ্গির কথা। যেন ভয়াবহ কোনো স্বপ্ন দেখছে। প্রথমদিকে ভয় পেয়ে সোমা কামালের গায়ে ধাক্কা দিত।

ঃ এই এ রকম করছ কেন? কি হয়েছে এই।

কামাল সঙ্গে সঙ্গে জেগে যেত তবে কিছুই বলত না, চোখ বড় বড় করে তাকিয়ে থাকত। সোমা বলত, এ রকম করছিলে কেন? কি স্বপ্ন দেখছিলে?

ঃ মনে নাই।

ঃ পানি খাবে? পানি এনে দিব?

ঃ নাও।

সোমা পানি এনে দেখতো কামাল আবার ঘুমিয়ে পড়েছে। গভীর ঘুম। কিছুক্ষণের মধ্যেই আবার ঘুমের মধ্যে বিড় বিড় কথা। উত্তেজিত ভঙ্গি। হো হো শব্দ। ভয়ে সোমা কাঁট। লোকটা এ রকম কবে কেন? আবার ডেকে তুলবে? পানি খেতে বলবে? এই মানুষটাকে তার গোড়া থেকেই পছন্দ হয়নি। বিয়ের রাতই তার মনে হয়েছে এই মানুষটা অন্য রকম। আশেপাশে সে যাদের দেখে এ তাদের মতো নয়। আলাদা। কি রকম আলাদা? সোমা ঠিক বুঝতে পারেনি। গোড়াতে অবশি বোঝার চেষ্টাও করেনি। এই মানুষটাকে বোঝার জন্যে সারা জীবনই তো সামনে পড়ে আছে। এত ভাড়া কিসের?

অবশি বাসর রাতে লোকটির প্রতি সে যথেষ্ট কৃতজ্ঞতা বোধ করছিল। তাকে বিয়ে করবার জন্যে কৃতজ্ঞ। এই বাড়ি থেকে সরিয়ে নিয়ে বাবার জন্যে কৃতজ্ঞ। সোমার কৃতজ্ঞ হবার কারণ ছিল। এই বাড়িতে কিংবা এই পাড়ায় সে আর থাকতে পারছিল না। তার সারাক্ষণ ইচ্ছা করত ছুটে পালিয়ে যেতে। এমন কোথাও যেতে, যেখানে একটি মানুষও তাকে খুঁজে পারে না। কেউ আঙ্গুল দিয়ে তাকে দেখিয়ে বলবে না — ঐ দেখ সোমা যাচ্ছে। কোন সোমা বুঝতে পারছে তো?

ঐ ঐ — ঐ সোমা।

দেখতে তো বেশ শান্তিষ্ট বলে মনে হচ্ছে।

শাস্ত্র ? তা শাস্ত্র তো বটেই। হু-হু-হু। নিজে শাস্ত্র চারদিকে অশাস্ত্র।

আঠারো বছর বয়স পর্যন্ত সোমাকে সবাই শাস্ত্র মেয়ে, ভদ্র মেয়ে এবং খুবই লাজুক ধরনের মেয়ে বলেই জানতো। পাড়ার অতি বখা ছেলেও তাকে দেখে কোনোদিন শীস দেয়নি, বিচিত্র অঙ্গভঙ্গি করেনি। কিংবা করলেও সোমা শুনেনি। সোমা রাস্তায় বেরুত মাথা নীচু করে। এমনভাবে হাঁটতো মনে হতো আশেপাশে কেউ নেই, সে যেন একা জনশূন্য পাথে হেঁটে চলে যাচ্ছে।

একটা ক্ষুদ্র এবং প্রায় তুচ্ছ ঘটনায় সব বদলে গেল। সোমাদের বাড়ির তিনটা বাড়ির পর নারকেল গাছওয়ালা বাড়ির দোতলায় নতুন ভাড়াটে এল। এক প্রফেসর তাঁর সাত বছরের ফুটফুটে মেয়ে এবং অসুস্থ স্ত্রী। ভদ্রলোক প্রথম দিনেই সবার দৃষ্টি আকর্ষণ করলেন, কারণ ভদ্রলোকের সঙ্গে এল ট্রাক ভর্তি বই। এত বই কারোর থাকে? বাড়িটাকে কি সে লাইব্রেরী বানাবে? মানুষগুলো থাকবে কোথায়? ভদ্রলোকের স্ত্রী এলেন এম্বুলেন্সে করে। এও এক রহস্য। এম্বুলেন্স করে রুগীরা হাসপাতালে যায় এটাই জানা। এম্বুলেন্স করে ভাড়া বাড়িতে থাকতে আসে এটা কারোর জানা ছিলো না।

এক দুপুরে সোমা ভদ্রমহিলাকে দেখতে গেল।

মিষ্টি চেহারার একটা মেয়ে। প্যারালাইসিস হয়ে পড়ে আছে। সমস্ত শরীর শুকিয়ে কাঠি অথচ মুখটা ভরাট। চোখ জ্বল জ্বল করছে। তার নাম অরুণা। তার স্বামী তাকে ডাকে অরু নামে এবং ডাকে খুব মিষ্টি করে।

ভদ্র মহিলা সোমার সঙ্গে তেমন কোনো কথা বললেন না। কি নাম? কি পড়? বাসা কোথায়? এইসব জিজ্ঞেস করেই খুব সম্ভব ক্লান্ত হয়ে চোখ বন্ধ করে ফেললেন। ভদ্র মহিলার স্বামী অনেক কথা বললেন। তাঁর নাম আশরাফ হোসেন। ফিলসফির অধ্যাপক। ভদ্রলোকের গলার স্বর মোটা। কথা বলার সময় চারদিক গম গম করে তবে কথা বলার মাঝখানে মাঝখানে হঠাৎ করে তিনি থেমে যান এবং কেমন যেন বিষণ্ণ হয়ে পড়েন।

আশরাফ সাহেব বললেন— তোমার কি নাম খুকী?

সোমা লজ্জিত গলায় বলল, সোমা।

ঃ সুন্দর নামতো। বলতে লজ্জা পাচ্ছ কেন? সোমবারে জন্ম নিশ্চয়ই? সোমবারে জন্ম হলে বাবা মা-রা নাম রাখে সোমা। তোমার কি সোমবারে জন্ম?

ঃ হুঁ।

ঃ কি পড়?

ঃ আইএসসি।

ঃ বাহ আমি আরো কম ভেবেছিলাম। বাচ্চা মেয়েরা আজকাল উচু উচু ক্রাসে পড়ে।

সোমা কিছু বলল না। কেন জানি তার লজ্জা কিছুতেই কাটছে না।

ঃ তুমি কি গল্পের বই পড় সোমা?

ঃ অল্প অল্প পড়ি।

ঃ অল্প অল্প পড়বে কেন? অনেক বেশী বেশী পড়বে। বই যে মানুষের কাত ডাল বন্ধু এটা বই পড়ার অভ্যাস না হলে বুঝতে পারবে না। আমার কাছে অসংখ্য বই আছে। গল্প উপন্যাসই বেশী। এসো তোমাকে দেখাই।

বইয়ের সংখ্যা, আলমারীতে সাজিয়ে রাখার কাছাকাছি, ঘরের মাঝখানে পড়ার টেবিল সব দেখে সোমা মুগ্ধ হয়ে গেল। সে অবাক হয়ে বলল, সব বই আপনি পড়েছেন?

ঃ না অনেক বইই আছে পড়তে ভাল লাগেনি, দু'এক পাতা পড়ে রেখে দিয়েছি। এখন আগের মত পড়ার সময়ও পাই না। শুধু কিনে যাচ্ছি। তোমার যদি কোনো বই পড়তে ইচ্ছা করে এখন থেকে নিয়ে যাবে। টেবিলের ওপর যে লাল খাতটা দেখছ ওখানে নাম লিখবে। কি বই নিতে চাও তার নাম লিখবে। তারিখ দেবে। যেদিন ফেরত দেবে মনে করে ফেরত দেয়ার তারিখও লিখে রাখবে। কি— নেবে কোন বই?

সোমার বই নিতে ইচ্ছা করছিল না, তবু ভদ্রলোকের আগ্রহ দেখে মাথা নাড়ল।

ঃ নিজে পছন্দ করে নেবে, না আমি পছন্দ করে দেব?

ঃ আপনিই দিন।

ঃ তোমার বয়েসী মেয়েদের দরল্ল ভাল লাগবে, পড়তে পড়তে কাদবে এই রকম একটা বই তোমাকে দিচ্ছি তবে একটা জিনিস মনে রেখো সোমা, পাঠকের চোখ ভিজিয়ে দেয়া কিন্তু একটা বইয়ের উদ্দেশ্য হতে পারে না। যদি হয় তাহলে বুঝতে হবে বইটি নিম্নমানের।

সোমা বই নিয়ে চলে এল। বইটির নাম ‘‘শোন বরনারী’’ সুবোধ ঘোষের লেখা। একটা বই পড়েই সোমার বইয়ের নেশা ধরে গেল। বইটা সে তিনবার পড়ল এবং তিনবারই ফুঁপিয়ে কাদল। ঐ বাড়ির ভদ্রলোককে তার মনে হতে লাগল ডাক্তার হিমাদ্রী। হিমাদ্রীর মতই কেমন যেন বিষণ্ণ চেহারা ভদ্রলোকের। কথা বলতে বলতে হঠাৎ তিনি খেই হারিয়ে ফেলেন। এত ভাল লাগে দেখতে।

দুদিন পরপর সোমা বই আনতে যেত। বেশীর ভাগ সময়ই ভদ্রলোকের সঙ্গে দেখা হত না। সোমা বই নিয়ে খাতায় নাম লেখে চলে আসবার সময় খানিকক্ষণ

তার শরীর সঙ্গে কথা বলত। ভদ্র মহিলা তেমন কিছু বলতেন না তাকিয়ে থাকতেন, মাঝে মাঝে হয় ই করে জবাব দিতেন। কথা বেশীর ভাগই বলত সোমা।

ঃ আচ্ছ আপনার শরীর কেমন ?

ঃ ভাল।

ঃ আপনার গল্পের বই পড়তে ইচ্ছে করে না ?

ঃ এক সময় করত এখন করে না।

ঃ আপনার তো একটা হুইল চেয়ার আছে। বইল চেয়ারে বসে এদিক ওদিক গেলে নিশ্চয়ই আপনার ভাল লাগবে।

ঃ আমার ভাল লাগে না।

ঃ আপনার মেয়েটা এ বাড়িতে বেশী থাকে না— তাই না ?

ঃ ও তার মামার বাড়িতে থাকে। ওখানে ওর সমবেশী অনেক আছে।

ঃ আমি যে প্রায়ই এসে বই নিয়ে যাই আপনি বিরক্ত হন না তো ?

ঃ না।

ভদ্রলোকের সঙ্গে বেশীর ভাগ সময় দেখা হত ছুটির দিনে। দেখা হলে তিনি প্রথম যে কথাটা বলতেন তা হচ্ছে— তারপর সোমা, বইয়ের নেশা গরিয়ে দিয়েছি তাই না ?

ঃ হ্যাঁ দিয়েছেন।

ঃ আফিৎ—এর নেশার চেয়েও কড়া নেশা হচ্ছে বইয়ের নেশা। আফিৎ—এর নেশা থেকে মুক্তি পাওয়া যায় কিন্তু বইয়ের নেশা থেকে কোনো মুক্তি নেই।

ঃ মুক্তি থাকবে না কেন ? আপনি তো আর এখন পড়েন না। স্বপ্নমার শেষ মুক্তি ঘটেছে।

ঃ মোটেই না। এখনো কোনো বই হাতে নিলে শেষ না হতে পারে পান্ডি না। এই ভয়েই বই হাতে নেই না। হা-হা-হা। বস সোমা, তোমার সঙ্গে অনিচ্ছাকৃত গল্প করি।

সোমা বসে। ভদ্রলোক বক্তৃতা দিচ্ছেন অস্বস্তিতে বসেন— আচ্ছা দেখি তোমার বুদ্ধি কেমন ? বলতো বই পড়তে মানুষের ভালো লাগে কেন ?

সোমা জবাব দিতে পারে না। চিন্তিত ভাবে জবাব মাথা আসে না।

আচ্ছা আরে, সহজ করে বলছি— মনে শুনতে মানুষের ভালো লাগে কেন ? একটা সুন্দর ছবি দেখলে মানুষের ভালো লাগে কেন ?

ঃ জানি না।

জানি না কথাটা বলতে সোমার খুব লজ্জা করে। ভদ্রলোক তা বুঝতে পারেন।

ঃ এতে লজ্জিত হবার কিছু নেই। এখন থেকে চিন্তা করবে। চিন্তাটা শুরু করবে কোথায় জান ? শুরু করবে ভাললাগা ব্যাপারটা কি ? বিহুটা বেশ জটিল। তবে জানা দরকার। শুধু খাওয়া এবং ঘুমের মধ্যে আমাদেব জীবন না— এই জন্যই এসব জানা দরকার। ভাববে, মন লাগিয়ে ভাববে এক সময় দেখবে তোমার ভাবতেও ভালো লাগছে। এবং বুঝতে পারবে আমাদেবকে প্রকৃতি কত ঐশ্বর্য দিয়ে পাঠিয়েছেন।

সোমার অনিবার্য অসুখ এই সময় প্রথম হল। কিছুতেই ঘুম আসতে চাইত না। জেগে জেগে অস্থির সব কল্পনা করতে ভালোবাসতো। সেইসব কল্পনার একটি ছিল সোমার সবচেয়ে জিহ্ব। কল্পনাটা এ রকম— এক দুপুরে সোমা বই আনতে যাচ্ছে। দুপুরটা আর সব দুপুরের মত নষ্ট এন্ট যেন আনা বকম। মেঘলা দুপুর। এ বাড়ির কাছকাছ বেগুনি পোশাক করে বৃষ্টি শুরু হল। সোমা দৌড়ে বাড়িতে গিয়ে উল্টোই ঝড় শুরু হয়ে গেল।

এ বাড়িতে ভদ্রলোক ছিলেন— তিনি অবাচ হয়ে বললেন— কি ব্যাপার সোমা ঝড়-বৃষ্টির মধ্যে, ইস ভিজ়ে গেছ দেখি। হাও গামছা দিয়ে গা মোছ। সোমা বলেন— বাসায় কেউ নেই ?

ঃ না। অরুণা মেয়েকে নিয়ে তাইয়ের বাসায় গিয়েছে। কাজের মেয়েটাও সঙ্গে গেছে।

ঃ আপনি গেলেন না কেন ?

ঃ আমরা শরীরটা ভাল না— জ্বর।

ঃ বেশী জ্বর ?

ঃ বেশী বলেই তো মনে হচ্ছে।

ঃ কই দেখি ?

বলেই সোমা ভদ্রলোকের কপালে হাত রাখল। হাত রাখতেই তার শরীর কিম কিম করতে লাগল। মনে হল তার নিজেরই প্রচণ্ড জ্বর এসে যাচ্ছে। সোমা বলল, আমি নতুন একটা বই নিয়ে বাসায় চলে যাব। আপনি শুয়ে থাকুন।

ঃ পাগল। এই ঝড়-বৃষ্টির মধ্যে বাসায় যাবে কি ? তুমি বৎ একটা বই নিয়ে আসো। আমি শুতে থাকি তুমি পড়ে শোনাও।

সোমা তাই করল।

তিনি সারা শরীর চাদরে ঢেকে শুয়ে আছেন। বই পড়তে পরতে সোমার চোখে পানি এসে গেছে। তিনি এক দৃষ্টিতে তাকিয়ে আছেন সোমার দিকে। বাইরে ঝড়-বৃষ্টি। হাওয়ার তুমুল মাতামাতি। হঠাৎ.....

সোমার কল্পনা এই পর্যন্তই। বাকিটা সে আর ভাবতে পারে না। দুক

ধড়ফড় করে। এই কল্পনাটা সে যতবারই করে ততবারই ঠিক করে রাখে আর কোনোদিন সে ঐ বাড়িতে যাবে না। কোনোদিন না, মরে গেলেও না। দিনের বেলা মনে হয় আচ্ছা, আর একবার শুধু যাব। আর যাব না। শুধু একবার। বইটা শুধু দিয়ে চলে আসব। এই শেষবারের মত.....

জাহানারা একদিন বললেন— তোরা চেষ্টা কর। এমন ব্যাপার হয়েছে কেন? তোরা কি কোনো অসুখ-বিসুখ হয়েছে?

ঃ বুঝতে পারছি না।

ঃ তোরা বাবাকে দেখিয়ে শুধু-টুধু যা। তোরা দিকে তো তাকানো যাচ্ছে না।

সাইফুদ্দিন সাহেব মেয়েকে দেখে-টেখে বললেন, লিভারের কোনো সমস্যা। হজমে গণ্ডগোল হচ্ছে। একটা ডাইজেসটিভ এনজাইম দিচ্ছি। ওতেই কাজ হবে। আর শোন মা তুই রাতদিন মুখের ওপর বই নিয়ে পড়ে থাকবি না, একটু হাটা-হাটি করবি। এক্সারসাইজের দরকার আছে। খুব ভোরবেলা উঠে খানিকক্ষণ ফ্রিহেণ্ড এক্সারসাইজ করবি।

সেই সময় ঘটনাটা ঘটল।

খুবই আশ্চর্যের ব্যাপার ঐদিনের দুপুরটা ছিল সোমার কল্পনার দুপুরের মত—মেঘলা বাতাস ছিল মধুর। ঐ বাড়ির কাছাকাছি আসতেই ঝুপ-ঝুপ করে বৃষ্টি পড়তে লাগল। সোমা দাঁড়িয়ে দাঁড়িয়ে খানিকক্ষণ বৃষ্টিতে ভিজল। হোক— সব কিছু কল্পনার মতো হোক।

অতলোকই দরজা খুলে দিয়ে বিস্মিত হয়ে বললেন— এই বৃষ্টির মধ্যে? বাবা বইয়ের, তো দেখি ভাল নেশা ধরে গেছে।

সোমা কাঁপা কাঁপা গলায় বলল— বাসায় আর কেই নেই।

তিনি বললেন— থাকবে না কেন? সবাই আছে! এসো। আজ দেখি শাড়ি পরে এসেছ। ভেরী শুভ। শাড়ি হচ্ছে একটা এলিগেন্ট ড্রেস। এবং এই ড্রেসের সবচেয়ে বড় বিউটি কি জান?

ঃ হুঁ না।

ঃ পৃথিবীর অন্য অব ড্রেসের সমস্যা হচ্ছে একজনকে অন্যজনের গায়ে লাগে না। দরজা দিয়ে বানাতো হয়। শাড়িতে এই সমস্যা নেই। কি ঠিক বলিনি?

ঃ হ্যাঁ ঠিক।

ঃ তুমি আজ এতো গম্ভীর হয়ে আছ কেন বলতো? কি হয়েছে?

ঃ কিছু হয়নি।

ঃ ছুর-ছুরি না তো?

ঃ হুঁ না।

ঃ সাবধান থাকবে। এখন খুব অসুখ বিসুখ হচ্ছে। এসো আজ আমি নিজেরই তোমাকে পছন্দ করে বই দেব। এসো।

তারো লাইব্রেরী ঘরে ঢুকল।

ঘরটা এমনিতেই অন্ধকার অন্ধকার। আজ আকাশ মেঘলা থাকায় আরো যেন বেশী অন্ধকার লাগছে। সোমার কেমন যেন লাগছে। বুক শুকিয়ে কাঠ, অসন্তর তৃষ্ণাবোধ হচ্ছে। খুব ইচ্ছে করছে মানুষটার কাছাকাছি গিয়ে দাঁড়াতে।

ঃ কি ব্যাপার সোমা এত ঘামছ কেন? তুমি-বসতো এই চেয়ারটার আমার মনে হচ্ছে তোমার শরীর ভাল না। দাঁড়াও ক্যানটা ছেড়ে দিচ্ছি।

সোমা কাতর গলায় বলল, আমি বাসায় যাব।

তিনি বিস্মিত হয়ে তাকালেন। আর ঠিক তখনই পাশের ঘর থেকে অরুণা তীব্র ও তীক্ষ্ণ গলায় চৈটিয়ে উঠল— তোমরা ঐ ঘরে কি করছ? তোমরা ঐ ঘরে কি করছো? তোমরা দুজন ঐ ঘরে কি করছ?

অতলোক হতভম্ব হয়ে তাকালেন সোমার দিকে। তারপরই শান্ত ভঙ্গিতে শত্রীর ঘরে ঢুকে ভারী গলায় বললেন— এরকম করছ কেন অরুণা? হিঃ এসব কি? আমার স্বভাব চরিত্র তুমি জান না?

অরুণা আকাশ ফাটিয়ে চৈটিয়ে লাগলেন— আমি দেখছি। আমি দেখছি। আমি জানি তোমরা কি করছ। আমি জানি। আমি জানি।

কাজের মেয়েটি ছুটে এল। একতলার ভদ্রমহিলা ছুটে এলেন। পাশের ঘরের জানালা খুলে গেল। বাড়ির সামনের গেটে দুজন পথচারী থমকে দাঁড়ালেন। হিন্দি-বিয়োগস্থ মানুষের মত অরুণা চৈটিয়েছেন— আমি জানি, আমি জানি।

সোমা ছুটে বের হয়ে গেল।

এ রকম ঘটনা এ পাড়ায় অনেকদিন ঘটেনি। সাইফুদ্দিন সাহেবের বাসার সামনে দেখতে দেখতে লোক জমে গেল— নিতান্ত অপরিচিত লোকজন দরজায় কড়া নোড়ে জিজ্ঞেস করতে লাগল, মেয়েটাকে ওরা কি করেছে বলেন দেখি ভাই। ঐ হারামজাদার আখরা চামড়া খুলে ফেলব।

প্রফেসর সাহেবের ঐ দোতারা বাড়ীর চারিদিকে ছেলেপুলে জমে গেল। টিল পড়তে লাগল— সেই সঙ্গে কুৎসিত গালাগাল—তলে তলে ফুটি রস বেশী হয়ে গেছে। আয় হারামজাদা রস বের করে দেই।

সন্ধ্যার পর শান্তি-শুভখা রক্ষার জন্যে পাড়ায় পুলিশ চলে এল। সাইফুদ্দিন সাহেব সেই রাতেই মেয়েকে খালার বাড়ি টাঙ্গাইলের বড় বাসালিয়ায় পাঠিয়ে দিলেন। খালার সেই গাটিল ঘেরা বাড়ি ছিল দুর্গের মত। সোমার মনে হল এই দুর্গ থেকে

কোনদিন সে বেরুতে পারবে না। দু মাস পর সাইফুদ্দিন সাহেব মেয়েকে ঢাকায় নিয়ে এলেন। সোমার দিকে তখন তাকানো যায় না। চোখ বসে গেছে। মাথার সামনের দিকের চুল খানিকটা উঠে গেছে। কথাবার্তাও কেমন অস্বাভাবিকভাবে বলে।

জাহানারা মেয়েকে দেখে কঁদে ফেললেন।

পাড়ার মেয়েরা জোজ দল বেঁধে আসে। নানান কথাবার্তার পর এক সময় বলে—কে মেয়ে এসেছে শুনলাম। মেয়েকে লুকিয়ে রেখেছেন কেন? লুকিয়ে রাখার দরকার কি?

তার নিজেদের মধ্যে চোখে চোখে কথা বলেন। সেই জোবের ভাষা জাহানারা পড়তে পারেন। তিনি আতঙ্কে শিউড়ে ওঠেন।

পাড়ার মেয়েরা নিজেদের মধ্যে প্রকাশ্যে আলোচনা করে—পেট নামিয়ে এসেছে দেখলেই বোকা যায়। কোন আনাড়িকে দিয়ে কাজ করিয়েছে কে জানে—দেখেন না মেয়ের কি অবস্থা? প্রায় মেরে ফেলতে বসেছিল।

একদিন সন্ধ্যায় সোমা কি জন্য যেন বাইরের বারান্দায় গিয়েছে দুটি ছেল তাকে দেখে শিশুদের কান্নার নকল করে ওয়া ওয়া করতে লাগল। সোমা মাকে গিয়ে বলল—মা, ওরা এমন করছে কেন? জাহানারা শুধু হয়ে তাকিয়ে রইলেন তার পরেরদিন আবার তাকে টাঙ্গাইল পাঠিয়ে দেয়া হল। জাহানারা তার বোনকে লিখলেন—আপা, তুমি যে ভাবেই পার আমার এই মেয়েটাকে একটা বিয়ে দিয়ে দাও। কানা, খোঁড়া, অনু যদি হোক তুমি এটা কর। আমি তোমার কাছে হাত জোড় করছি। আমার মন কেমন করছে। মনে হচ্ছে এই মেয়ের কোনদিন বিয়ে হবে না। আপা, তুমি আমাদের বাঁচাও।

শীঘ্র মাসে সোমার বিয়ে হয়ে গেল। বিয়ে টাঙ্গাইল হল, খুব তড়াহড়ার বিয়ে বলে কাউকে খবর দেয়া গেল না। বিয়েতে বাবা, মা কিংবা ভাই-বোনেরা কেউ আসতে পারল না।

বিয়েতে সোমা খুশিই হয়েছিল।

সবচে বেনী খুশী হয়েছিল বিয়ের রাতে কামালের ব্যবহারে। সে তার স্ত্রীকে বিয়ের রাতে কোন রকম বিরক্ত করেনি—হাই তুলে বলেছে, সকাল সকাল ঘুমিয়ে পড়। রাত থাকতে উঠতে হবে দিনে দিনে চিটাগাং পৌছাতে হবে। বিরাট ফরশা চিটাগাং-এ ফেলে এসেছি। বিয়েটা তিনদিন পরে করলে আরাম করা হেঁত। বলেই লোকটা শুয়ে পড়ল আর শোয়ার প্রায় সঙ্গে সঙ্গেই ঘুম। কিছুক্ষণের মধ্যে লোকটার নাক ডাকার শব্দ শোনা যেতে লাগল। কোন আদর না। কোন গম্ভ না।

ভালবাসার কোন কথা না। সোমা সারারাত খাটের এক মাথায় কাঠ হয়ে বসে রইল। তার সারাফল ভয় ভয় করছিল—এইরুপি লোকটা জেগে বলবে—এই এদিকে আসতো। লোকটার চোখে থাকবে অন্য ধরনের আদর।

সে রকম কিছুই হল না।

খুব ভোরে ফাঁট বাস ধরে তারা চলে এল ঢাকায়।

কামাল বলল, চল তোমাদের বাসায় যাই। চা-টা খেয়ে গোসল-টোসল করে চিটাগাংয়ের বাস ধরি।

সোমা বলল, আমি বাবার বাড়িতে যাব না।

লোকটা অবাক হয়ে বলল, যাবে না কেন?

ঃ ইচ্ছা করছে না।

ঃ ইচ্ছা না করলে দরকার নেই জোর জবরদস্তির কোন ব্যাপার না। জোর জবরদস্তি আমার কাছে নাই।

দুই কামরার একটা বাসায় তাদের বিবাহিত জীবন শুরু হল। দামপাড়ায় বাসা। বাসার কাছেই মসজিদ। মাইক বাড়িয়ে সারাদিন সেই মসজিদে গুজাজ হয়। লোকটা পাঁচ বের করে বলল—দিনরাত আল্লাহ খোদার নাম শুনবে। নামাজ রোজা ছাড়াই সোয়াব হবে বাসা পছন্দ?

সোমা পুরুষ পুরুষ মানুষের সেই ঘরের বিভ্রান্তি চূপচাপ বসে রইল। পছন্দ অপছন্দের কিছুই তার তখন নেই। পৃথিবীর সব কিছুই তার পছন্দ আবার সব কিছুই তার অপছন্দ।

ঃ চা বানাতে পার? শিখেছো এইসব?

সোমা তাকিয়ে রইল কি রকম অমার্জিত ভঙ্গিতে কথা বলছে লোকটা। এই কথাগুলি কি আরো সুন্দর করে বলা যায় না?

ঃ যাও চা বানাও, রান্নাঘরে ভিনিসপত্র আছে। চা খেয়ে হেঁতী গোসল দিব। তারপরে দিব ঘুম। শালা ঘুম করে বলে দেখবে ঘুম নাশবার ওয়ান। হ-হ-হ।

ঃ সোমা চা বানিয়ে আনল। লোকটা হাঁটুর ওপর মুক্তি তুলে খালি নায়ে বসে আছে। দৃশ্যটা যে কি পরিমাণ কুৎসিত সে বোধহয় জানেও না।

লোকটা বলল, তোমার জন্য চা আনলে না?

ঃ আমি চা খাই না।

ঃ না খেলে কি আর করা? না খেলে নাই বস আমার সামনে দু একটা কথা বলি।

সোমা বলল।

লোকটা চুক চুক করে চায় চুমুক দিতে দিতে বলল, তোমার কিছু সমস্যা

আছে, আমি জানি। এ-ও জানি সমস্যাটা ভাল না। সমস্যা আছে বলেই আমার মত ছেলের সাথে তোমার বিয়ে হল। আমি কচি কোকা না। আত্মহত্যালা আমাকে কিছু বুদ্ধি দিয়ে পাঠিয়েছেন। এই জিনিস অনেককে তিনি দেন না। যাই হোক এখন আমি কি বলছি মন দিয়ে শোন। তোমার কি সমস্যা আছে আমি জানতে চাইনা। হয়ে গেছে লেশ হয়ে গেছে। শু কচি দিয়ে দাঁটলে গনু ছড়ায়। গনুর আঘার দরকার নাই। তোমার যেমন কিছু সমস্যা আছে আমারও আছে। আগে একটা বিয়ে করেছিলাম। বিয়ে টিকে নাই। এই কথা তোমার আত্মীয়-স্বজনের বলি নাই। আগ বাড়িয়ে সব কথা বলার দরকার কি? তুমি যদি জানতে চাও বলব। জানতে না চাইলে বলব না। তারপর বর.....

সোমা তার কথা শেষ করতে দিল না। কথার মাঝখানেই স্পষ্ট করে বলল, আমার কোন সমস্যা নেই।

লোকটা বিস্মিত কান্ট বলল, কি বললে তুমি?

ঃ আমার কোন সমস্যা নেই।

ঃ না থাকলে তো ভাল। কাছে আস।

সোমা কব্জের মুহুর্তে হতভুত করে কাছে এসিয়ে এল।

ঃ বস।

সোমা বসল।

লোকটা হাতের সিগারেট দূরে ছুঁড়ে ফেলে খুবই সহজ ভঙ্গিতে সোমার বুকে হাত রাখল। সোমা কাঁঠ হয়ে গেল। লোকটা বলল, যাও বনু করে দাও।

সোমা তাকিয়ে রইল। তার মুখ দেখে মনে হচ্ছে, সে কিছুই বিশ্বাস করতে পারছে না।

ঃ যাও জানালাগুলি বনু কর। লজ্জার কিছু নাই।

সোমা উঠে গিয়ে জানালা বনু করল। তার অসম্ভব কষ্ট হচ্ছে। এই মানুষটার সঙ্গে তার বাকি জীবন কটাতে হবে? কেন? সে এমন কি অপরাধ করেছে?

সোমাদের ঢাকা পৌছানোর সাত দিনের দিন সাইফুদ্দিন সাহেব মেয়েকে দেখতে এলেন। মেয়ের ছোট্ট এবং গোছানো সংসার দেখে তিনি মুগ্ধ হলেন। জামাইয়ের জন্যে দামী একটা ঘড়ি এবং পাঁচ হাজার টাকা নিয়ে এসেছিলেন। ঘড়ি এবং টাকা দিয়ে জামাইকে ইনিচ্ছে বিনিময়ে অনেক কথাই বললেন। যার তেমন কোন অর্থ নেই। কামাল নত মস্তকে সব গুলল এবং প্রতিবারই বলল, অবশ্যই। যা বলেছেন সবই খাটি কথা। একটাও ফেলে দেবার কথা না।

জামাইয়ের ব্যবহারে তিনি মুগ্ধ হলেন। তার কাছে মনে হল ছেলের বয়স একটু বেশী হলেও সে অতি নম্র, অতি ভদ্র।

ঢাকায় ফিরে আসার আগে সোমাকে জিজ্ঞেস করলেন, জামাই কি করে সেটাতে বুঝলাম না? ছেলে করে কি?

সোমা ব্যাকুল হয়ে কাঁদতে লাগল।

সাইফুদ্দিন সাহেব হতভম্ব হয়ে গেলেন। ব্যাপারটা কি?

কামাল তার শিশুরকে ট্রেনে তুলে দিতে এসেছিল। সাইফুদ্দিন সাহেব ট্রেন ছাড়ার আগ মুহুর্তে জিজ্ঞেস করলেন, বাবা তুমি কি কর ঠিক বুঝলাম না। ব্যবসা?

কামাল দাঁত বের করে হাসল। জবাব দিল না।

সাইফুদ্দিন সাহেব গভীর দৃষ্টিস্তা নিয়ে ঢাকায় ফিরলেন। লম্বা চিঠি লিখলেন মেয়েকে। কোন উত্তর পেলেন না। আবার লিখলেন, আরো উত্তর নেই। তিনি আবার চিঠিগাহ গেলেন, সোমারা এই বাড়ীতে নেই। কোথায় গেছে কেউ বলতে পারে না।

বাড়িওয়ালা বলল, এই লোক আপনার কে হয়? বিরাট ফড়ির লোক। তাকে বাড়ি ভাড়া দিয়ে বিরাট মন্ডশায় পড়েছি। দু দিন পরে পরে পুলিশ এসে খোঁজ করে। বাড়িটার বদনাম হয়ে গেছে।

সাইফুদ্দিন সাহেব মাটিতে বসে পড়লেন। পরের তিন মাস তিনি মেয়ে জামাইয়ের কোন খোঁজ বের করতে পারলেন না। তিন মাস পর খুলনা থেকে মেয়ের চিঠি পেলেন —

বাবা,

আমি ভাল আছি। আমাকে নিয়ে তোমরা দৃষ্টিস্তা করবে না। ইতি, তোমাদের সোমা।

পুনশ্চ : মাকে সালাম দিও। বিজু এবং উম্মীকে আদর।



কামালের চোখের অবস্থা খুব খারাপ হয়েছে। আগে মাঝে মাঝে পানি পড়ত, এখন ক্রমাগত পড়ে। রোদে বের হলে যন্ত্রণা হয়। চিনি চিনি ব্যথা হয়। ঘন কালো রঙের চশমা একটা সে কিনেছে। সেই চশমা চোখে দিলে দিনে দুপুরে ঢাকা শহর অনুভব হয়ে যায়। কাজকে চেনা যায় না। এও এক যন্ত্রণা।

ঢাকা শহরে প্রতিটি লোকের মুখের দিকে তাকিয়ে পথ হাঁটতে হয়। চিনি চিনি পথ চলা। এখন সেটা সম্ভব হচ্ছে না। পথ চলাতে হচ্ছে অনুর মত। তার মত মানুষের জন্য এটা খুবই বিপদজনক।

একদিন দুপুরে গুলিস্থানের মোড়ে তাকে পেছন থেকে কে ফেন ডাকল, কে কামাল সাহেব না?

এইসব ক্ষেত্রে কামাল কখনো মাথা ঘুড়িয়ে পেছন দিকে তাকায় না। হ্রত সত্তে পড়তে চেষ্টা করে। সেদিনও তাই করল। প্রায় লাফ দিয়ে চলন্ত একটা বেবীটেক্সীতে উঠে পড়ল। বেবীটেক্সীওয়ালার তার দিকে ফিরতেই বলল, তাজাতাড়ি যাও। পিজি। পেটে ব্যথা উঠেছে। মরে যাচ্ছি।

বেবীটেক্সীওয়ালার ঝড়ের গতিতে বেবীটেক্সী পিজিতে নিয়ে এল। কামাল ডাড়া মিটিয়ে শিশুপার্কের দিকে হাঁটা ধরল। বেবীটেক্সীওয়ালার তাকিয়ে রইল হতভম্ব হয়ে। পেটে ব্যথার রুগী শিশু পার্কে যায় কেন?

ঢাকা শহরে কামালের চেনা লোকের সংখ্যা বেড়ে যাচ্ছে। এটা তার জন্য খুবই খারাপ। বছর চারেকের জন্য এই শহর ছেড়ে অন্য কোথাও চলে যাওয়া দরকার। মুশকিল হচ্ছে যেতে ইচ্ছা করছে না। আলস্য এসে গেছে। বেশীর ভাগ সময় এখন সে ঘরেই থাকে। খবরের কাগজ পড়ে। ঘুমায়। কিছু জমা টাকা আছে। এইগুলি শেষ না হওয়া পর্যন্ত সে এইভাবেই থাকবে। কামেলার হেঁটে ইচ্ছা করে না। রোজ সন্ধ্যােলা সোমার জন্য তার কেন জানি খুব খারাপ লাগে। মনে হয়, মেয়েটা বড় ভাল ছিল। আমার সঙ্গে থেকে খুব কষ্ট কত গেল।



সোমার কেমন যেন শীত শীত লাগছে। বাইরে বৃষ্টি হচ্ছে বোম্বহয়। ফ্যানের শৌ শৌ শব্দে কিছুই শোনা যাচ্ছে না। বিজু ফ্যানটা ভাল কেনেনি। এত শব্দ হবার তো কথা না।

সোমা উঠে বসল।

পাশের বাটে উঠা। কেমন এলোমেলো ভঙ্গিতে শুয়ে আছে। উম্মীর জীবনটা কেমন হবে কে জানে। এই ব্যাপারটা আগেভাগে জানা থাকলে ভাল হত। নিজেকে প্রস্তুত করে রাখা যেত। পৃথিবী বড় রহস্যময় জায়গা। সব রহস্যে ঢাকা। আগে থেকে কিছুই জানা যায় না।

স্যাণ্ডেল খুঁজে পাওয়া যাচ্ছে না। সোমা খালি পায়ের দরজা খুলে বাইরে এসে দাঁড়াল। বৃষ্টি পড়ছে তিকই। বিজু শুয়েছে বারান্দায়। বাটির হাঁট লাগছে গায়ে। তবু ঘুম ভাঙছেনা। সে এসে বিজুকে বিপদে ফেলে দিয়েছে। নিজের ঘর ছেড়ে বেচারাকে ঘুমুতে হচ্ছে বারান্দায়।

সোমা ডাকল, এই বিজু।

বিজু সঙ্গে সঙ্গে জবাব দিল, কি আপা?

ঃ জেগেছিলি নাকি?

ঃ হু।

ঃ বৃষ্টিতে ভিজছি। তো ভেতরে গিয়ে ঘুমো। আমি উম্মীর সঙ্গে শোব।

ঃ দু'এক ফোঁটা পানিতে আমার কিছু হয় না আপা।

বলতে বলতে বিজু মশারীর ভেতর থেকে বের হয়ে এল। হাত বাড়িয়ে বালিশের নীচ থেকে সিগারেটের প্যাকেট, দেশলাই বের করল। সোমা তাকিয়ে আছে। কত ছোট দেখেছে তাকে। ঘরময় হামাগুড়ি দিত। একটু পর পর বলত — ইউ। এই ছেলে কতক লোকের ভঙ্গিতে মুহুর্তে সিগারেটের প্যাকেট বের করে। কান্দা করে ধুয়া ছাড়ে।

ঃ আপা।

ঃ কি।

: এ বাড়িতে রাতে তোমার ভাল ঘুম হচ্ছে না তাই না ?  
 : হবে না কেন, হয়।  
 : একটু পর পর বিছানা থেকে উঠ। পানি খাও। বারান্দায় ইটখানাটি কর।  
 আবার গিয়ে শোও।  
 : তুই এত সব দেবিস কখন? জেগে থাকিস ?  
 : হ।  
 : তোরও ঘুম হয় না ?  
 : হয়। তবে কম হয়। আমি বিছানায় শুয়ে শুয়ে নানান চিন্তা করি।  
 : কি চিন্তা ভাবনা ?  
 : কত কিভাবে বড়লোক হওয়া যায়।  
 : এখন মাথায় এই চিন্তা ?  
 : হ।  
 : এখনি। এবং দেববে আমি হয়ে ছাড়ব। পুত্র পুত্র লাইফ অসহ্য। বি এ পাশ  
 করে পড়াশোনা শটপ করে দেব। তারপর...  
 : তারপর কি ?  
 : এখন বলব না। আছে অনেক পরিকল্পনা। প্রথম পরিকল্পনা হচ্ছে—বড়  
 চাচার ডিচ্ছেন। কি রকম কার্যনা করে এটা করি সেটাই শুধু দেখে।  
 : ছিঃ বিজু ছিঃ।  
 বিজু কোন উত্তর করল না। নিজের মনে হাসল। সোমা বারান্দায় রাখা  
 চেয়ারে বসল। বৃষ্টি দেখতে তার ভাল লাগছে।  
 : চা খাবে নাকি আপা ? ফ্রাফ্রে চা আছে। খেতে পার। দেব।  
 : দে।  
 বিজু উঠে চা ঢালল। আপার জন্যে এবং তার নিজের জন্যে।  
 : আপা।  
 : বল।  
 : এইখানে তুমি অনেক কষ্ট করছ। আর তোমাকে কষ্ট করতে দেব না।  
 তোমার কামেলাটা যখন হয় তখন আমি ছোট্ট ছিলুম। আমার বয়স একটু বেশী হলে  
 ঘটনা অন্য রকম হত।  
 : তুই বিবর্তে দায়িত্ববান হয়েচিস মনে হয়।  
 : হ্যাঁ হয়ছি। তেঁাদের ভাল লাগত না লাগত দায়িত্ববান কিন্তু হয়েছি।  
 বিজু চুপ করে গেল। সে বৃষ্টি দেখছে। বড় বড় ফোঁটায় বৃষ্টি পড়ছে। একটা  
 ব্যাঙ লাফিয়ে বারান্দায় উঠেছে। এখন ঢুকতে চাচ্ছে। বিজু তা দেখেও চুপ করে

আছে। সোমা মৃদু গলায় বলল, বিজু।

: বল।  
 : এই প্রফেসর সাহেব কি এখন আছেন? মানে এই যে  
 : জানি কার কথা বলছ। হ্যাঁ আছেন।  
 : এই বাড়ীতেই ?  
 : হ।  
 : কেমন আছেন তুই কিছু জানিস ?  
 : ভালই আছেন। খারাপ থাকতেন কেন। তবে বেচারার বউ মারা গেছে।  
 : কবে ?  
 : তা শ্রী দুই বছর। মারা যাবার আগে ভদ্রমহিলার পুরোপুরি মাথা ধরাপ  
 হয়ে গেল। গলায় মাইক লাগিয়ে রাতদিন টেঁচাত। কানে আকুল দিতে হয় এমন সব  
 গালাগালি। দিল্লী অবস্থা।  
 সোমার খুব ইচ্ছে করছে জিজ্ঞেস করতে—ভদ্রলোক কি আবার বিয়ে  
 করেছেন ?  
 : জিজ্ঞেস করতে লজ্জা লাগছে। বিজু কি মনে করবে কে জানে।  
 : ভদ্রলোক কি আবার বিয়ে করেছেন ?  
 : বিজু কঠিন স্বরে বলল, না।  
 ব্যাঙটা এখনো লাফালাফি করছে। বিজু তার চায়ের কাপের গরম চা ব্যাঙটার  
 উপর ঢেলে দিল।



দোতারা বাড়িটা আগের মতই আছে।

নারিকেল গাছ দুটি বড় হয়েছে। আগে যেখানে ফুলের বাগান ছিল যেখানে চিনির ছাদ দেয়া গ্যারাজ। বাড়ির পাঁচিল ভেঙে আরো উঁচু করা হয়েছে। এ ছাড়া সব আগের মত।

সোমা গোট দিয়ে ঢুকে একটু ইতস্তত করতে লাগল। সরাসরি সিঁড়ি বেয়ে দোতারাঘ ডুটে যওয়া কি ঠিক হবে? শোভন হবে? একতলায় কাউকে দেখা যাচ্ছে না। দেখা গেলে জিজ্ঞাস করা যেত প্রফেসর সাহেব কি আছেন? একতলার বাসিন্দাদের জানার কথা না প্রফেসর আছেন কি নেই, তবু জিজ্ঞাস করা।

সোমা সিঁড়ি বেয়ে উঠতে লাগল। একবার শুধু মনে হল, কেন সে যাচ্ছে? মনের ভেতরের সেই প্রশ্ন তাকে কাবু করেই ফেলত যদি না দোতারাঘ সিঁড়ি দিয়ে কাজের মেয়েটি না নামত। খালি বালতি হাতে সে নামছে। সোমাকে দেখে বল, কারে চান আফা?

ঃ প্রফেসর সাহেব কি আছেন?

ঃ ছিঁ আছেন। একটু আগে দেখছি।

কাজের মেয়েটি তাকিয়ে আছে। তার চোখের সামনে থেকে নেমে চলে যাওয়া যায় না। সোমা দরজার কলিং বেলে হাত রাখল।

দরজা খুলল।

সোমা শুকনো গলায় বলল, আপনি আমাকে চিনতে পারছেন?

ভদ্রলোক ভারী গলায় বললেন — এসো সোমা। এসো।

সোমার পা যেন মোকতে আটকে গেছে। সে নড়তে পারছে না। ভদ্রলোক চশমার ভেতর দিয়ে পূর্ণ দৃষ্টিতে তাকিয়ে আছেন। বয়স তার মধ্যে তেমন ছাপ ফেলতে পারেনি। শরীর একটু ভারী হয়েছে। কানের কাছের কিছু চুল রূপালী হয়ে গেছে। এতে তাকে আরো যেন সুন্দর দেখাচ্ছে।

ঃ দাঁড়িয়ে আছে কেন সোমা? এসো ভেতরে এসো।

ঃ আমি ভেবেছিলাম আপনি আমাকে চিনতে পারবেন না।

ঃ কেন চিনতে পারব না বলতো? তুমিতো বদলাও নি। আগের মতই আছে তোমার বস্ত্র বাড়নি। এখনো খুকির মতই লাগছে। বস, এখানে বস।

ঃ আজ যাই অন্য একদিন আসব।

সোমা বসতে বসতে বলল, বাসায় কেউ নেই?

ঃ কাজের একটা ছেলে এসেছে। কি যেন আনতে গেছে। এসে পড়বে। ও এলেই তোমাকে চা দেব।

ঃ আপনার ঘোরে কোথায়?

ঃ একে মেয়েদের ক্যাজেট কলেজে দিয়েছি। হুম্মনসিংহ। জান বোবহুত:

ঃ হ্যা জানি।

ঃ একটু বস, আমি সিগারেট নিয়ে আসি। আগে সিগারেট খেতাম না। এখন হয়েছে চেনই স্মোকার।

তিনি সিগারেট আনতে অনেক দেরী করলেন। সোমা একা একা বসে রইল। আশ্চর্য। এই বাড়ির বারান্দায় একা একা বসে থাকতে তার খারাপ লাগছে না।

ঃ সোমা।

ঃ ছিঁ।

ঃ তোমার কথা প্রায়ই ভাবতাম। তুমি আমার শরীর উপর কোনো রাগ রাখ না। ওর মাথার ঠিক ছিল না।

ঃ আমি জানি।

ঃ দিনের পর দিন বিজ্ঞানায় শুয়ে শুয়ে এই অবস্থা হল। ঐ দিন তোমার জন্যে যে কি খারাপ লেগেছে.....

ঃ ঐসব বাদ দিন।

ঃ বাদ দিতে পারলে তো ভালই হতো। কিছুই বাদ দেয়া যায় না। সব থাকে।

সোমা ছোট্ট একটা নিঃশ্বাস ফেলল।

তিনি বললেন, তোমার খবর আমি সবই রেখেছি। অবশ্যি কখনো কোনো রকম যোগাযোগের চেষ্টা করিনি। ইচ্ছা করেই করিনি। এমনতেই যথেষ্ট সমস্যা হয়েছে। আমি আর তা বাড়তে চাইনি।

সোমা কথা ঘুরাবার জন্য বলল, আপনার লাইব্রেরী আগের মতই আছে?

ঃ আছে। বই অনেক বেড়েছে। আগে বই পড়ার সুযোগ হত না। এখন সুযোগ পাই। প্রচুর পড়ি। ঠিক তুমি আগের মত আসবে। এসে বই নিয়ে যাবে। এসো আমার সঙ্গে বই নিয়ে দেখি।

ঃ আজ থাক। আরেক দিন এসে নেব। আজ বই নিতে ইচ্ছে করছে না।

ঃ ইচ্ছে করছে না কেন?

ঃ আমার বই পড়ার অভ্যাস নষ্ট হয়ে গেছে। এখন আর বই পড়তে ভাল লাগে না।

তিনি সোমার সঙ্গে সঙ্গে একতলায় নেমে এলেন। সোমা বলল, আপনাকে আসতে হবে না, আপনি কেন কষ্ট করছেন।

তিনি হাসিমুখে বললেন, একটু কষ্ট না হয় তোমার জন্য করলাম। তুমি তো আমার জন্য অনেক কষ্ট করেছে। করনি?

রাস্তায় নেমেই সোমা লক্ষ্য করল বিজু রস্তার ওপাশে দাঁড়িয়ে আছে। সোমার চোখে চোখ পড়ার সঙ্গে সঙ্গে বিজু চোখ নামিয়ে উল্টো দিকে হাঁটা শুরু করল। বিজুর হাতে সিগারেট। সে আধ-খাওয়া সিগারেট দূরে ছুড়ে ফেলল। তার মুখ গম্ভীর। থু থু করে সে কয়েকবার থুথু ফেলল।



খাটের নীচে মিউ মিউ শব্দ হচ্ছে। রাস্তে কামালের ঘুম সচরাচর ভাঙে না। আজ মিউ মিউ শুনে ঘুম ভাঙল। বিড়াল নির্যাত বাচ্চা দিয়ে দিয়েছে। শালী তাহলে খালস হয়েছে। কামাল খাট থেকে নেমে বাতি জ্বালল— উচু স্বরে ডাকল, মিনু ও মিনু। কেউ সাড়া দিল না। কারন মিনু বাড়িতে নেই। আজ সন্ধ্যায় তাকে কামাল নিজেই তার খালার বাড়ীতে রেখে এসেছে।

ঃ ও মিনু।

কামাল খাটের নীচে উকি দিল। অনুকারে কিছু দেখা যাচ্ছে না। দেয়াললাই কাঠি জ্বালাতেই বিড়ালের জ্বলজ্বলে চোখ নজরে এল।

ঃ ঐ বেটি এবার কটা?

বিড়াল বিরক্ত স্বরে মিউ করল। রাত দুপুরে এই জ্বালাতন আর সহ্য হচ্ছে কামাল বলল, সর না একটু দৈমি। দৈমি বাচ্চাগুলোকে।

বিড়াল কি মানুষের কথা বুঝতে পারে? সে সত্যি সত্যি সরে দাঁড়াল। ইদুরের মত চারটা খুঁশে খুঁশে বাচ্চা। চারটাই ধবধবে সাদা চোখ ফোটেনি।

কামাল ওয়াদ্দের ওপর থেকে টর্চ লাইট নিয়ে এসে ধরল। কি সুন্দরই না লাগছে বাচ্চাগুলিকে। এখনো চোখ ফোটেনি। একজন গড়িয়ে অন্যজনের গায়ে পড়ে যাচ্ছে। মা বিড়ালটা তখন বিরক্ত মুখে মিউ করছে।

কামাল আবার ডাকল, সোমা ও সোমা। তখন মনে পড়ল সোমা নেই। মনটা একটু খারাপ হল। আনন্দের জিনিস একা একা ভোগ করা যায় না। কাউকে পাশে লাগে। কামাল পিরিচে দুধ ঢেলে এগিয়ে দিল। দরাজ গলায় বলল, ঠা বেটি বেশী করে খা। বিড়ালটা যেন নিতান্ত অনিচ্ছায় পিরিচের দুধে জিভ ভেজাল। মানুষটা এত করে বলছে না খেলে ভাল দেখায় না এ রকম একটা ভাব।

কামাল বারান্দায় এসে দাঁড়াল। রাত বেশী বাকী নেই। আবার চুমুতে যাবার মানে হয় না। ভোরে উঠে মাশিকগঞ্জ যেতে হবে। একটা পাটি পাওয়া গেছে। খোঁজ এনেছে মোশতাক আলি। মোশতাক আলি লোকটা বদের হাড্ডি, অন্য কোন মতলব আছে কিনা বোঝা যাচ্ছে না। মতলব থাকা বিচিত্র নয়। মাশিকগঞ্জে যাওয়াটা ঠিক হবে কিনা কে জানে। কামাল বারান্দায় চেয়ারে এসে বসল। তার সামনেই ফুলের টবে

টবে বগনভিলিয়া। লাল লাল পাড়া ছেঁড়েছে। রাতে অবশ্যি কেমন কালচে দেখায় কিছু দিনে অপূর্ব লালো। টব দুটো সোমাকে পাঠিয়ে দেয়া দরকার। দুটো কেন সবগুলোই পাঠিয়ে দিলে হয়। বেচারীর শাখের জিনিস। একটা ঠেলাগাড়ি ডেকে ঠিকানা দিয়ে দিলেই হয়। ঘরতো এমনতেই খালি করতে হবে। একা মানুষ এরকম বাড়ি নিয়ে থাকার কোন মানে হয় না। সব বিক্রি টিক্রি করে একটা হোটেল গিছে উঠলেই হয়। এতে কাজ-কর্মের সুবিধা। চট করে হোটেল বদল করা যায়। বাড়ি তো আর চট করে বদল করা যায় না। চিঠিপত্রের জন্য সে অবশ্যি জি পি ও পোস্টবক্স ব্যবহার করে। পোস্টপিসের এই ব্যবস্থাটা ভাল।

কামাল নিজেই চা বানিয়ে আনল। বানাতে বানাতে চা কেমন ঠাণ্ডা হয়ে গেছে। মেয়েরা চা বানালে এত দীর্ঘ সময় গরম থাকে কি করে কে জানে।

ঠাণ্ডা চায়ে চুমুক দিতে দিতে কামাল ভাবতে লাগলো মানিকগঞ্জে যাওয়াটা ঠিক হবে কি ঠিক হবে না। মানিকগঞ্জ না গেলে অনেকগুলি কাজ শেষ করা যায়। আত্মীয়-স্বজনদের খোঁজ অনেকদিন নেওয়া হয় না খোঁজ নেওয়া দরকার। ঢাকায় তার আত্মীয় আছে তিনজন। তার বড় বোন, ভাবী এবং ছোট মামা। আরেক বোন আছে বগুড়ায়। এদের সবাইকেই সে মাসে মাসে নিয়মিত টাকা দেয়। কামালের টাকাটা তাদের খুবই দরকার। ছোট মামা তাদের দুই ভাই এবং দুই বোনকে নানান দুঃখকষ্ট সত্ত্বেও নিজের কাছে রেখেছেন। বোনদের বিয়ে দিয়েছেন। এখন বিপাকে পড়েছেন। ছেলেপুলে সব কটা অপদার্থ হয়েছে। ছোট মামাকে টাকা না দিয়ে সাহায্য করলে বিয়ট অধর্ম হবে। আর বড় ভাবী, কামাল টাকা না পাঠালে না খেয়ে থাকবেন। চারটা বাচ্চা নিয়ে বিধবা হয়েছেন, এখন আছে তার বোনের বাসায়। বোন এবং বোনের জামাই যে তাদের বের করে দিচ্ছে না তার কারণ কামালের পাঠানো টাকা। কামাল ভাল করেই জানে যেদিন সে টাকা পাঠানো বন্ধ করে দিবে সেদিনই তাদের বাড়ি থেকে বের করে দিবে। সোজা হিসাব। বোন দুজনের মধ্যে বগুড়ায় যে আছে তার অবস্থা ভাল। তবু তাকে মাঝে মাঝে টাকা পাঠাতে হয়। বগুড়ার বোন হচ্ছে সবচে ছোট। বড় ভাইয়ের একটা দায়িত্ব থেকেই যায়। তাছাড়া সবাই যখন, সেই বেচারী একা বাদ যাবে কেন?

শেষ পর্যন্ত মানিকগঞ্জ যাবার পরিকল্পনা সে বাদ দিল। খবরের কাগজের কাজটা সেরে ফেলা যাক। শুধু শুধু দেরী হচ্ছে।

দুটি দিনকে সে বিজ্ঞাপন দিল। সব জিনিসের দাম বাড়ছে সামান্য কয়েকটা শব্দের বিজ্ঞাপনে সাতশ আঠার টাকা বের হয়ে গেল। বিজ্ঞাপনটা এরকম।

## জমি বিক্রয়

ঢাকার অনূরে ১১কাঠার একটি গুট জরুরী ভিত্তিতে বিক্রয় হইবে। উচু জমি। এই মুহূর্তে বাড়ি করা যাইবে, তবে জমিতে ব্যাংক সংক্রান্ত লেনের জটিলতা আছে। যোগাযোগ করুন।

সালামত শেখ, জিপিও বক্স নং- ৬১৩

বিজ্ঞাপনের মূল আকর্ষণ হচ্ছে সামান্য জটিলতা। সামান্য জটিলতার লোভে লোকজন যোগাযোগ করবে। এদের মাকখন থেকে একজনের মাথায় কাঠাল ভাঙা হবে। দেশটা ভর্তি বুদ্ধিমান গাধায়। কাঠাল ভাঙা হবে ওদেরই কারোর মাথায়।

আত্মীয়-স্বজনের বাড়ি যাওয়ার পরিকল্পনা কামাল বাতিল করে দিল। ইচ্ছা করছেন। আত্মীয়-স্বজনদের সঙ্গে সম্পর্ক কম থাকাই ভাল। সম্পর্ক কম থাকলেই টান থাকবে। সব সময় গায়ের সঙ্গে গা লাগিয়ে রাখলে টান থাকে না। এটা হচ্ছে জগতের নিয়ম। ছোট মামার কাছে অবশ্যি তার যেতে ইচ্ছা করা ছাড়াই হবে নানান কারণেই যাওয়াটা ঠিক হবে না। বয়স বাড়ায় ছোট মামার প্যাচাল পাড়া স্বভাব হয়েছে। সব জিনিস নিয়ে প্যাচাল পারবে। সোমা চলে গেল কেন এই এসব উঠলে প্যাচাল পাড়তে পাড়তে মাথা ধরিয়ে দিবে।

ঃ চলে গেল কেন? তুই কি করেছিলে?

ঃ আগের বউটাওতো চলে গেল।

ঃ বাচ্চা-কাচ্চা থাকলেতো এরকম হত না।

ঃ তোর বাচ্চা হয়না কেন? অসুবিধাটা কি? একজন ডাক্তার দেখা। পীর ফকিরের কাছে যা।

একলক্ষ কথা বলবে। কথা আর উপদেশ। নিজের ছেলেকে উপদেশ দিয়ে কিছু করতে পারল না আর সে হল গিয়ে ভাগ্নে। বুড়ো হয়ে গেলে সত্যি সত্যি ভীমরতি হয়। খালি উপদেশ দিতে ইচ্ছে করে। মামাকে এইবার বলতে হবে — মামা, উপদেশ খাতায় লিখে আমাকে দিয়ে দিও। অবসর সময়ে পড়ব। মুখে প্রত্যেক বার বল — কষ্ট হয়।

কামাল দুপুরে দুটা খবরের কাগজ কিনে হোটেল খেতে গেল। খবরের কাগজে মাঝে মাঝে বেশ ইণ্টারেস্টিং কেইস পাওয়া যায়। আজকের কাগজে তেমন কিছু ছিল না, তবে একজন বিজ্ঞাপন দিয়েছে, সেকেন্ডহ্যান্ড মিউজিক সেন্টার কিংবা ক্যাসেট ডেক কিনতে চায়। টেলিফোন নাম্বার দেয়া আছে — এই ব্যাটাকে একটু খেলিয়ে দেখা যেতে পারে।

কামাল বিকালে টেলিফোন করল।

ঃ ভাই আপনার বিজ্ঞাপনটা দেখলাম। ক্যাসেট ডেক

একটা আমার কাছে আছে।

ওপাশ থেকে আগ্রহের সুর শোনা গেল।

ঃ কোন কম্পানী? ন্যাশনাল ছাড়া কিনব না।

ঃ কোন কোম্পানী সেটাতো ভাই বলতে পারব না। প্যাকেট খোলা হয়নি।  
ব্রাণ্ড নিউ জিনিস।

ঃ তাহলে তো হবে না, আমি চাচ্ছিলাম সেকেন্ডহ্যান্ড যাতে কি-না কম  
দামে, — ত্রিশ চল্লিশ হাজার টাকা দেহাতো সম্ভব না। তাহলে তো দোকান থেকেই  
কিনতাম। পত্রিকায় বিজ্ঞাপন দিব কেন?

ঃ সেকেন্ড হ্যান্ডের কমে পাবেন — চোরাইমাল।

ঃ চোরাইমাল মানে?

ঃ স্মাগলড করা জিনিস।

ঃ ও আই সি।

ঃ দশ হাজারে দিয়ে দিতে পারি, জিনিসটা নিয়ে বিপদে পড়ে গেছি। আমার  
টাকার দরকার।

ঃ কোন কোম্পানীর?

ঃ বললাম তো ভাই আমি জানি না।

ঃ আমি কি এসে দেখতে পারি?

ঃ আপনার আসার দরকার নাই। আমি বাসায় এসে আপনাকে দেখিয়ে নিয়ে  
যাব।

ঃ তাহলে তো খুবই ভাল হয়। এখন আনতে পারবেন?

ঃ এখন পারব না। পরশু দিন নিয়ে আসব। আপনার এ্যাড্রেসটা বলেন।

কামাল এ্যাড্রেস লিখে নিল। এই পার্টিকে শেষপর্যন্ত ধরা হবে কিনা এটা পরে  
ভেবেচিন্তে ঠিক করতে হবে। একদিন সময় আছে। তাড়া নেই। কামাল হোটেল  
দেখতে বের হল। সস্তার মধ্যে ভাল হোটেল। এতদিন বাড়িতে থেকে অভ্যাস হয়ে  
গেছে। হোটেল খুঁজতে যেতে ইচ্ছা করছে না। কিন্তু উপায় কি? মানুষের ইচ্ছার  
উপরতো আর দুনিয়া চলে না। দুনিয়া চলে তার নিজের নিয়মে।

চোখ জ্বালা করছে। এই আরেক যন্ত্রণা হল চোখ নিয়ে। ডাক্তারের কাছে  
যেতে ইচ্ছা করে না।



সন্ধ্যাবেলা সোমা চা বানাচ্ছিল। উম্মী এসে বলল, আপা একটু বাইরে যাও তো।

সোমা বলল, কেন?

ঃ কে যেন এসেছে। তোমাকে চাচ্ছে।

সোমা পাংশ মুখে উঠে দাঁড়াল। আচমকা বুকের মধ্যে ধক করে উঠল। উনি  
কি এসেছেন?

ঃ বসতে বলেছিস?

ঃ না। বারান্দায় দাঁড়িয়ে আছে।

ঃ বসতে বললি না কেন?

ঃ বসতে বলা ঠিক হবে কি না বুঝতে পারিনি। তুমি গিয়ে বল।

সোমা বাইরে এসে দেখে উনি আসেন নি। কামাল দাঁড়িয়ে। সোমা শুকনো  
গলায় বলল, কি ব্যাপার?

ঃ আধ ঘণ্টা ধরে এই এলাকায় ঘুরাঘুরি করছি। বাসা চিনতে পারছি না। অথচ  
এর আগে তিনবার এসেছি।

ঃ এখানে দরকারটা কি?

ঃ দরকার নাই কিছু তোমার টব দুটা নিয়ে আসলাম। রেখেছি ঐ কোনায়।  
লাল রঙের পাতা ছোড়ছে। আমার ধারণা ছিল এই গাছগুলি ফাল্গুন মাসে পাতা  
ছাড়বে, এখন ছাড়ল কেন বুঝলাম না।

সোমা বিরক্ত গলায় বলল, এগুলি আমার দরকার ছিল না।

ঃ বাসা ছেড়ে দিচ্ছি তো। না এনে করব কি? হোটেলে গিয়ে উঠব। একা  
মানুষ।

সোমা কিছু বলবে না বলবে না ভেবেও বলে ফেলল, তোমার জন্য হোটেলে  
ধাকাই ভাল। ঘন ঘন বদলাতে পারবে।

ঃ তা ঠিক। তোমাকে এমন রোগা লাগছে কেন? অসুখ বিসুখ নাকি?

ঃ না অসুখ বিসুখ হবে কেন?

ঃ খুব রোগা লাগছে এই জন্যে বলছি।

ঃ আমার স্বাস্থ্য নিয়ে তোমার চিন্তিত হবার দরকার আছে কি?

সোমা লক্ষ্য করল লোকটা লজ্জা পেয়ে কেমন বিব্রত ভঙ্গিতে হাসছে। এই লোক বিব্রত ভঙ্গিতে হাসতেও পারে না কি? আশ্চর্য্য তো।

কামাল পকেট থেকে রুমাল বের করে কপালের ঘাম মুছতে মুছতে বলল, বিড়ালটা বাচ্চা দিয়েছে। চারটা বাচ্চা। তিনটা খুব ফেলদী। আর রোগা যেটা এটাকে তার মা দুধ খেতে দিচ্ছে না। ব্যাপারটা কিছু বুঝলাম না। আদর যত্ন এটাকেই করা উচিত, অথচ...

সোমা চুপ করে রইল। কি বলবে সে? ভাগ্যিস কিছু বাসায় নেই। কিছু থাকলে নির্ধাত হৈ চৈ চেঁচামেচি শুরু করত।

ঃ বুঝলে সোমা, আমি ন্যাকড়ায় দুধ ভিজিয়ে এ বাচ্চাটার মুখের সামনে ধরেছিলাম, একবার শুধু চুকচুক করে খেয়েছে। এখন আর থাকে না। বিরাট পরলেম।

ঃ আমাদের এসব বলছ কেন? ফুলের টব দিতে এসেছিলে, দেয়া হয়েছে। এখন চলে যাও।

কামাল নীচু গলায় বলল, তুমি চলে আসায় খুব খারাপ লাগছে। এতটা খারাপ লাগবে বুঝতে পারিনি।

ঃ কিছুদিন খারাপ লাগবে তারপর আর লাগবে না।

ঃ তা ঠিক, নিজের বাপ মার কথাই এখন আর মনে হয় না। সোমা তাহলে যাই।

ঃ আচ্ছা যাও।

ঃ তোমাদের বাসার সামনে একটা গাছ ছিল না, বিরাট গাছ। সেটা ফেলেছ নাকি?

ঃ হ্যাঁ।

ঃ উচিত হয় নি। গাছ কাটা ঠিক না। যাই তাহলে সোমা। ইয়, শোন একদিন এসে কি বিড়ালগুলোকে দেখে যাবে?

ঃ না। কেন শুধু কথা বাড়ান্নাছ।

ঃ আচ্ছা, আচ্ছা, তা হলে যাই।

যাই বলেও সে দাঁড়িয়ে রইল। সোমা বলল, চোখের অবস্থা তো মনে হচ্ছে খুব খারাপ। ডাক্তার দেখিয়েছ?

ঃ না।

ঃ না বৈন?

ঃ যাঃ একদিন সব শালা ফকর। যেতে হচ্ছে করে না।

ঃ সুস্থই ফকর। আর তুমি হচ্ছে ভাল মানুষ?

ঃ না। তা না।

ঃ যাও চলে যাও দাঁড়িয়ে আছ কেন?

ঃ আচ্ছা তাহলে যাই।

কামাল যাচ্ছে কেমন ক্রান্ত ভঙ্গিতে। একে ভেবে বসিয়ে এক কাপ চা খাইয়ে দিলে খুব কি অন্যায় হয়? হ্যাঁ হয়। কেন শুধু শুধু চা খাওয়াবে?

সোমা ছোট্ট নিঃশ্বাস ফেলে ঘরে ঢুকে গেল।

জাহানারা কঠিন স্বরে বললেন, এ এসেছিল কেন?

ঃ ফুলের টব দিতে এসেছি।

ঃ সাহস তো কম না ছোটলোক।

সোমা শব্দ স্বরে বলল, কেন শুধু গালাগালি করছ মা। গালাগালির দরকারটা কি ভাতা বুঝি না।

ঃ হোর নাওকারখানাতো কিছু বুঝি না। এত কি কথা তোর?

ঃ আমার কোন কথা নেই মা। ওর কিছু কথা ছিল শুনেছি। ঘাড় ধাক্কা দিয়ে তো বের করে দিতে পারি না।

ঃ ওর কি কথা ছিল?

ঃ তেমন জরুরী কিছু না। বিড়াল চারটা বাচ্চা দিয়েছে এইটাই বলল।

জাহানারা অশিশুসী গলায় বললেন, বিড়াল বাচ্চা দিয়েছে এই খবর দেবার জন্য এখানে এসেছে?

ঃ হ্যাঁ।

ঃ পাগল নাকি?

ঃ হ্যাঁ মা পাগল। পাগলের সঙ্গে থেকে থেকে আমিও খানিকটা পাগল হয়ে গেছি। কারণ এঁ শয়তানটার জন্য আমার খারাপ লাগছে।

সোমার গলা কেমন যেন ভারী শোনা গেল।

সে নিজের ঘরে ঢুকে গেল। না নিজের ঘরে নয়। এই বাড়িতে তার নিজের কোন ঘর নেই। একলা হতে হচ্ছে করলেও এ বাড়িতে সে উপায় নেই। অথচ এখন তার একা থাকতে ইচ্ছা করছে। সোমা হাত বাড়িয়ে চা নিল।



ছদ্মকদ্দিন সাহেব খাটে আধ শোয়া হয়ে বস। তাঁর সামনের চেয়ারে বিজু। বিজুর চোয়াল শক্ত হয়ে আছে। হাত মুঠি করা। ঘরে আর কেউ নেই তবে তিথি মাঝে মাঝে দরজার কাছে এসে দাঁড়াচ্ছে এবং চলে যাচ্ছে। তিথির চোখে ভয়।

ছদ্মকদ্দিন সাহেব কঠিন গলায় বললেন, তুই আমাকে বাড়ি ছেড়ে চলে যেতে বললি?

বিজু কঠিন গলায় বলল, হ্যাঁ। দশ দিনের মধ্যে চলে যাবেন।

ঃ দশ দিনের মধ্যে চলে যাব?

ঃ হ্যাঁ, আমাদের অসুবিধা হচ্ছে। বড় আপার ঘুমাবার জায়গা নেই। আমি ঘুমাই ব্যারাদায়। বিশ্রাস না হলে একবার এসে দেখে যাবেন।

ঃ সোমাকে আমার এখানে পাঠিয়ে দিলেই হয়। তিথির সাথে থাকবে।

ঃ বড় চাচা, আপনি আমার কথা বুঝতে পারছেন না। বাড়িটা আপনি দশদিনের মধ্যে ছাড়বেন।

ঃ কেন?

ঃ আবার বলছেন কেন? আপনি জানেন না কেন?

ঃ না জানি না।

ঃ এই বাড়ি আমাদের।

ঃ কে বলেছে তোকে?

ঃ কি বলছেন আপনি? কে বলেছে মানে?

ঃ যা, একটা দলিল এনে আমাকে তুই দেখা যে এই বাড়ি তোর। যেদিন দেখাবি সেই দিনই ছেড়ে দেব। আর শোন বিজু, তোর মাথাটা বেশী গরম হয়ে আছে। মাথা এত গরম করিস না। এই বয়সে মাথা যদি এত গরম হয় তাহলে বাকি জীবনটা কি করবি?

ঃ আপনি দয়া করে উপদেশ দিবেন না। উপদেশের আমার দরকার নেই।

ঃ তা নাই। তোর যে জিনিসের দরকার সেটা হল জুতার বাড়ি। নেটো করে তোকে জতা দিয়ে পেটানো দরকার। আর মাথাটা কমিছে দেয়া দরকার।

বিজু খমখমে মুখে উঠে দাঁড়াল। বেরিয়ে যাবার সময় পিছনে পিছনে তিথি

আসছে। তিথি নরম গলায় বলল, বিজু ডাইয়া।

ঃ বিজু জবাব দিল না।

তিথি বলল, আমরা এই বাড়িতে থাকব না বিজু ডাইয়া। এই বাড়ি ছেড়ে দেব। সবাই আমার বাড়িতে চলে যাব। আগেরি যেতাম, শুধু বাবা যেতে চাচ্ছে না বলে যাচ্ছি না। বাবা আমাদের একেবারেই সহ্য করতে পারে না। দেখলেই কেমন পাগলের মত হয়ে যান। বিজু ডাইয়া, তুমি রাগারাগি করো না। আমরা থাকব না।

বিজু কোন জবাব দিল না। তবে তিথি যে শাস্ত্র সহজ ভঙ্গিতে এতগুলি কথা বলতে পারল তাতে সে অবাক হল। ঐ সেদিনও পুঁচকে মেয়ে ছিল, আজ কেমন গুছিয়ে কথা বলতে শিখেছে। বিজুর মনে হল বড় চাচার মেয়েগুলি বড়চাচা কিংবা বড় চাচার মত খারাপ হয়নি। ছেহারা ভাল না কিন্তু মেয়েগুলি ভাল। বিশেষ করে তিথি। এর গলায় সে কোনদিন একটা উঁচু স্বর শোনেনি। তিথির সঙ্গে সোমার কোথায় যেন মিল আছে।

সাইফুদ্দিন সাহেব আজ সকাল সকাল বাড়ি ফিরবেন ভেবেছিলেন। শরীরটা ভাল লাগছে না। কাল রাতে ঠাণ্ডা লেগে জ্বর জ্বর লাগছে। যেদিন সকাল সকাল ফিরবেন ডাকবেন সেদিনই ফেরা হয়না। ছ-সাতজন রুগী বসে আছে। তার জন্যে এতগুলি রুগী অপেক্ষা করবে এটা আশ্চর্যজনক ব্যাপার। শেষ বয়সে পস্যার বাড়িতে শুরু করল কি না কে জানে। খারাপ সময়টা বোধহয় কেটে যাচ্ছে। দিনের পর দিন গিয়েছে একটা রুগী পান নি। কম্পাউন্টারের যে কাজ — ইন্ডেকশান দিয়ে দুটাকা নেয়া সেই কাজও করতে হয়েছে। জীবনের শেষে এসে সুদিনের মুখ দেখছেন। ডাক্তার হিসাবে আগে যা ছিলেন এখনো তাই আছেন, তাহলে রুগী আসছে কেন? বয়সের কারণে কি চেহারা ডাক্তার ভাবটা বেশী এসেছে? হতে পারে। তাঁর মাথায় চুল লম্বা। সব চুল পেকে ধরধর করছে বলে চেহারা একটা ঝমি ঝমি ভার এসে গেছে।

তিনি পর্দা সরিয়ে ডাকলেন, এখন কে? আপনি? আসুন।

ছেলে কোলে নিয়ে মধ্য বয়সী এক লোক ঢুকল। ছেলের বয়স চার পাঁচ। রোগা লিকলিক করছে। চেহারা দেখেই বোঝা যায় এর একমাত্র অসুখ অসুখি।

ঃ খোকার কি হয়েছে?

ঃ পেটে ব্যথা। কাল সারারাত ঘুমাতে দেয় নাই। ছটফট করছে।

ঃ ব্যথা কি এখনো আছে?

ঃ কিছু বলছে না।

ঃ কি খোকা ব্যথা আছে?

ছেলে না সূচক মাথা নাড়ল। সাইফুদ্দিন সাহেব হাসিমুখে বললেন, ব্যথা থাকলেও অনেক সময় ছেলেরা ডাক্তারের ভয়ে বলে, না।

ঃ ঠিক বলেছেন ডাক্তার সাহেব।

ঃ দেখি খোকাকে এখানে শুইয়ে দিন তো। কি খোকা আমাকে ভয় লাগে?

খোকা হেসে ফেলল। দীর্ঘ সময় নিয়ে সাইফুদ্দিন সাহেব রুগীকে দেখলেন। তাঁর পসার বাড়ছে। তাঁকে আরো সাবধান হতে হবে। পসারের সাথে সাথে দায়িত্ব চলে আসে।

রুগী শেষ পর্যন্ত বেকরতে বেকরতে নটা বেজে গেল। এখান থেকে বাড়ি প্রায় আধ মাইলের মত। এইটুকু পথ ধরে হেঁটে হেঁটে যান। এতে শরীরটা ঠিক থাকে। রাতে সুনিদ্রা হয়।

রাস্তায় নামতেই দেখলেন বিজু দাঁড়িয়ে আছে। তিনি হাসিমুখে বললেন, কি রে বিজু তুই।

ঃ তোমার জন্যে দাঁড়িয়ে আছি। মেলা রুগী আসছে দেখি তোমার কাছে।

তিনি তৃপ্তির হাসি হাসলেন। বিজু বলল, রিকশা নেবে না ইটবে?

ঃ চল হাটি। তুই কিছু বলবি?

হাতে একটা জ্বলন্ত সিগারেট থাকলে বিজুর কথা বলতে সুবিধা হয়। তবে বাবার সঙ্গে তো আর সিগারেট হাতে কথা বলা যায় না। বিজু সিগারেট ফেলে দিল। আস্ত সিগারেট ফেলে দিতে মায়া লাগল। সাইফুদ্দিন সাহেব বললেন, সোমার ব্যাপারে কিছু বলবি?

ঃ না। আচ্ছা বাবা, দাদার মৃত্যুর পর তোমাদের সম্পত্তির ভাগটাগগুলি কিভাবে হল।

ঃ সম্পত্তি আছেই বা কি আর ভাগই বা কি হবে।

ঃ তবু যা আছে সেটার কথাই বল।

ঃ কাগজপত্রে তো কিছু নাই, মুখে মুখে ভাগ।

ঃ বল কি?

ঃ কেন কি হয়েছে?

বিজু জবাব দিল না। এক দলা ধু ধু ফেলে মুখ বিকৃত করল। তার অনেক পরিকল্পনা মাথায়। এখন মনে হচ্ছে সব পরিকল্পনায় পানি লেগে গেছে। কোনো পরিকল্পনা কাজে লাগানো যাবে না। ঢাকা শহরের এমন সুন্দর একটা জায়গায় তাদের সাড়ে পাঁচ কাঠা জমি। পুরানো বাড়িটা ভেঙ্গে ব্যাংক লোন নিয়ে ছতলা দালান তোলা যায়। নিচের তলায় হবে ডিপার্টমেন্টাল স্টোর, উপরে ফ্ল্যাট। একেক ফ্লোরে দুটো করে ফ্ল্যাট, মোট দশটা ফ্ল্যাটে চার হাজার করে ভাড়া হিসেব করলেও হয় চল্লিশ

হাজার। ডিপার্টমেন্টাল স্টোর সে নিজে চালাবে। সব পাওয়া যাবে এখানে—। একটা স্মেক কর্নার থাকবে। ভিডিও কর্নার থাকবে — আজকাল ভিডিও ব্যবসা জমজমট। লোকজন বাজার করতে এসে পছন্দসই একটা ক্যাসেট নিয়ে চলে যাবে।

বিজু একটা দীর্ঘ নিশ্বাস ফেলল।

সাইফুদ্দিন সাহেব বললেন, কি হয়েছে রে বিজু?

বিজু এক দলা ধু ধু ফেলল, জবাব দিল না। তার কথা বলতে ইচ্ছা করছে না। বড্ড গরম লাগছে। আজ আবার গরম পড়ে গেছে।



প্যাকেট করা নতুন ক্যাসেট ডেক জোগাড় করতে কামালের বেশ ঝামেলা হয়েছে। তিন ঘণ্টার জন্যে নিয়ে যাবে, প্যাকেট খোলা যাবে না – এই কথাই পরও কোনো দোকানদার রাজি হয় না। এই তিন ঘণ্টার জন্যে পাঁচশ টাকা দিতে সে রাজি, তাতেও কাজ হয় না। শেষ পর্যন্ত সাতশ টাকায় রফা হল। ঠিক হল দোকানের একজন কর্মচারীও সাথে যাবে। তাতেই সই। এত ফত্বা করে শেষ পর্যন্ত একটা পরস্না না পাওয়া গেলে মাথায় বাড়ি।

দোকানের কর্মচারী যাবার পথে বলল, তিন ঘণ্টার জন্যে জিনিসটা নিচ্ছেন কেন?

কামাল বিরক্ত হয়ে বলল, এত কথা আপনাদের দরকার কি? এই নেন পঞ্চাশটা টাকা — রাখেন। চা পানি খাবেন। আর দয়া করে মুখটা বন্ধ রাখবেন।

: ব্যাপারটা কি?

: ব্যাপারটা কি না-জিজ্ঞেস করার জন্যেই তো পঞ্চাশ টাকা। আবার বলেন ব্যাপারটা কি? বাড়ি কোথায় তাই আপনার?

কর্মচারী চুপ করে গেল।

ক্যাসেট ডেক ভদ্রলোকের পছন্দ হল। মুখে সে কিছু বলল না তবে পছন্দ যে হয়েছে তা বোঝা যাচ্ছে। চোখ চকু চকু করছে। চোখের পাতা ঘন ঘন কাঁপছে। কামাল মনে মনে বলল, হারামজাদা লোভী।

ভদ্রলোক বললেন, কত চান আপনি?

কামাল বলল, এর আসল দাম আপনি জানেন?

: আপনি কত হলে দিতে পারেন শুনি।

: পনের হাজার।

: আপনি পাগল নাকি, ব্যাক মার্কেটের জিনিস চাচ্ছেন পনেরো হাজার।

ব্যাক মার্কেটের বলেই পনেরো চাচ্ছি — আসল দাম চল্লিশ।

: আমি ছয় হাজার দিতে রাজি।

: কত বললেন?

: ছয়।

রাগে কামালের ব্রহ্মতালু জ্বলে গেল। হারামজাদা বলে কি?

: রাজি থাকলে বলেন আমি এমুনি দিয়ে দিচ্ছি ক্যাশ।

: এই দামাদামি কার কাছে শিখছেন তাইসাব?

: কি বললেন?

: না বলব আবার কি।

: ব্যাক মার্কেট করছেন এইটাই তো অপরাধ — তার ওপর আবার প্রফিট করার চেষ্টা।

: তাতো ঠিকই।

: আপনাকে তো পুলিশেও বরিয়ে দিতে পারি। পারি না?

: ছি পারেন। কেন পারবেন না।

: সাড়ে ছয় পাবেন।

কামাল মধুর ভঙ্গিতে হাসল। ভদ্রলোক বললেন, আচ্ছা ঠিক আছে যান সাত হাজার। ক্যাশ দিয়ে দিচ্ছি। রাজি থাকলে বলেন হ্যাঁ।

: রাজি আছি। বিকালে আসব টাকা জোগাড় রাখবেন।

: বিকালে আসতে হবে না এখনই দিয়ে দিচ্ছি। আপনার লোককে বলুন ফিট করে দিক।

: এটাতো দেয়া যাবে না। আরেকজনকে দেখাতে নিয়ে যাব। আমার তিনটা সেট আছে। তিনটাই বেচেতে হবে।

: একই জিনিস?

: ছি একই জিনিস। একই কোম্পানি। একই মাল।

: ওদের কাছে কততে বেচেবেন।

: যত পাওয়া যায়। তবে সাত পর্যন্ত আসলে ছেড়ে দেব। বেশী লোভ করতে নাই।

: আপনি নিজে কত দিয়ে কিনেছেন?

কামাল মধুর ভঙ্গিতে হাসল। ভদ্রলোক বললেন, এইটাই রেখে যান। অন্য সেট কার্টমারদের দেখান।

: অন্য দুই সেট আছে টহিতে। আবার টহী যাব? বিকালে আমি নিজে আসব। জিনিস দেখে ফিট করে তারপর টাকা দিবেন। আমি তাই এক কথার মানুষ। কামাল সন্ধ্যার পর ঐ বাড়িতে উপস্থিত হল। ভদ্রলোক চিন্তিত হয়ে অগেঁকা করছেন। এটাই স্বাভাবিক। কামালকে দেখেই উদ্ভিন্ন গলায় বললেন, জিনিস কোথায় সেটা শুনি।

ঃ আপনার এখান থেকে গেলাম না? ভদ্রলোক জিনিস দেখে মুগ্ধ। এক কথায় বার হাজার দিতে রাজি। আমি তিনটাই খালাস করে দিলাম পঁয়ত্রিশ হাজারে।

ঃ সে কি?

ঃ তিনটাই কিনে নিলেন?

ঃ জি। আমি ভাবলাম খবরটা আপনাকে দিয়ে যাই। বলে গিয়েছিলাম অপেক্ষা করে আছেন।

ঃ এই খবরে আমার লাভটা কি? বার হাজার তো আমিও দিতে পারতাম।

ঃ আপনি তো ভাই দিতে চান নাই। আপনি বলেছেন সাত।

ভদ্রলোক মুখ কাল করে বসে রইলেন। কামাল বলল, ভাইসাব মন খারাপ করবেন না, এই রকম চালান যদি আরো আসে আপনাকে খবর দিব। আমি আপনাকে কথা দিলাম যে নাম আপনার সাথে ঠিক হয়েছে ঐ নামেই দিব। সাত হাজার। আমি এক কথার মানুষ।

ঃ কবে আসবে এরকম চালান?

ঃ তার কি ভাই কোনো ঠিক আছে? কালও আসতে পারে, আবার ধরেন দুই মাসও লাগতে পারে। তবে আপনাকে কথা দিচ্ছি আসামাত্র আপনাকে টেলিফোন করব। আমি এক কথার মানুষ।

ভদ্রলোক মন খারাপ করে বসে রইলেন। কামাল হটটিঙে বেরিয়ে এল। হারামজাদা টোপ গিলেছে। এখন টেলিফোন করলেই পকেটে টাকা নিয়ে ছুটে আসবে। টপী আসতে বললে টপী আসবে। জয়দেবপুর যেতে বললে যাবে জয়দেবপুর। তবে টেলিফোন করতে হবে মাস খানেক পরে। দু একদিনের মধ্যে করলে সন্দেহ করতে পারে। লোভ, লোভ। শালা লোভের জন্যে মারা পড়ছি। লোভটা একটু কমা। একটু না কমালে ধনে প্রাণে যাবি।



বিজু মুরাদকে ধরে এনেছে।

কলেজে যাওয়ার পথে সে মুরাদকে প্রথম এক কলক দেখতে পায়। সে আমজাদের চায়ের দোকানে বসেছিল। বিজুকে দেখেই চট করে সরে পড়ল। বেশী দূর যেতে পারল না। বিজু ছুটে গিয়ে ধরে ফেলল, পর মুহূর্তেই গুচু এক চড় বসাল। এমন প্রচণ্ড চড় যে, মুরাদ উল্টে পড়ে মাথায় চোট খেল। এক ভদ্রলোক আঁতকে উঠে বললেন, করেন কি?

বিজু বলল, কি করছি দেখতে পাচ্ছেন না, মার দিচ্ছি। আপনার বাসা থেকে টাকা নিয়ে পালালে আপনি কি করতেন? কোলে নিয়ে চুমু খেতেন? কি চুমু খেতেন কোলে নিয়ে?

ভদ্রলোক কথা বললেন না। বিজু মুরাদের চুল ধরে টানতে টানতে বাসায় নিয়ে এল। তার মূর্তি ভয়ঙ্কর। ফৌস ফৌস করে নিঃশ্বাস ফেলছে। মাঝে মাঝে হিঙ্গ্রে গলায় বলাছে, তোর বাপের নাম ভুলিয়ে দেব। এত বড় সাহস। বাজারের টাকা নিয়ে উষাও। মাঘদোষাক্তি?

সোমা ব্যাপার দেখে স্তম্ভিত। একজন মানুষ অন্য একজনকে এমনভাবে মারতে পারে? সোমা বলল, এই সব কি হচ্ছে?

বিজু বলল, আদর হচ্ছে। হারামজাদাকে আদর করছি।

সোমা কড়া গলায় বলল, ছাড় ওর চুল ছাড়।

ঃ তুমি এখান থেকে যাওতো আপা।

ঃ তুই ওর চুল ছাড়।

ঃ বললাম তো তুমি এখান থেকে যাও।

ঃ ওকে ছেড়ে দে বিজু।

ঃ তুমি বড় যত্নশীল করছ আপা।

ঃ তুই ওকে না ছাড়লে আমি এই মুহূর্তে বাড়ি ছেড়ে চলে যাব।

বিজু চুল ছেড়ে দিল। সোমা বলল, তুই এসব কি শুরু করেছিস?

ঃ চোরকে ধরে কয়েকটা চড় দিয়েছি, এর বেশী কি করলাম?

- ঃ বড় চাচাকে তুই কি বলেছিস?
- ঃ বড় চাচার কথা এখানে আসছে কেন?
- ঃ তুই কি বলেছিস বড় চাচাকে?
- ঃ কি বলব, কিছুই বলিনি।
- ঃ কিছুই বলিসনি তাহলে উনি এ রকম করছেন কেন?
- ঃ কি রকম করছেন?
- ঃ তাও জানিস না?

তুমি বড় চোঁচামেচি করছ আপা। এত চোঁচামেচি করার তো কিছু হয়নি, তুমি অনেক কিছু করছ যা আমার পছন্দ না। কিন্তু কই আমিতো চোঁচামেচি করছি না। আমিতো চুপ করে আছি।

সোমা চাপা স্বরে বলল, আমি কি করেছি?

ঃ এই হারামজাদা প্রফেসরের বাসায় তুমি যাওনি? এত কিছুর পরও তো গিয়েছ। হোসে হোসে গল্প গুজব করেছ। করনি?

জাহানারা বের হয়ে এলেন। কঠিন স্বরে বললেন, যথেষ্ট হয়েছে। বিজু ঘরে যা।

বিজু ঘরে ঢুকে গেল। হাত মুখ ধুয়ে সহজ স্বাভাবিক গলায় বলল, চা দেতো উম্মী। আজ ক্লাসটা মিস হয়ে গেল। ইম্পটেন্ট ক্লাস ছিল। তুই কলেজে যাসনি কেন রে?

ঃ কলেজ বন্ধ।

ঃ আজ আবার কিসের বন্ধ? যন্ত্রণা হল দেখি। দুদিন পর পর বন্ধ? তোদের কলেজের অবস্থাতো দেখি আমাদেরটার চেয়েও খারাপ।

বিজু সহজ ভঙ্গিতে কথা বলছে। একটু আগের ঘটনার কোনো ছাপ তার মধ্যে নেই। আবার কলেজের দিকে রঙনা হবার আগে ছে. সোমাকে বলল, আপা তোমার টবের এই গাছ দুটা চমৎকার। বোগনভিলিয়ার এত সুন্দর শালায় হয় জানাই ছিল না। একসেলেট!

সোমা জবাব দিল না।

বিজু নীচু গলায় বলল, মাঝে মাঝে হঠাৎ জেইনে কি বলে ফেলি কিছু মনে রেখ না আপা। তার ঐ শিক্ষকে পাঁচটা টাকা দিয়ে দিয়েছি। দেখ গিয়ে ও দৌত বের করে লসছে। মারধরে ওদের কিছু হয় না। মারধোর ওদের ভাল-ভাত।

দুপুরে সোমা বড় চাচাকে দেখতে গেল। তিথি কাঁদো কাঁদো গলায় বলল, বব্বির কোমর মাখাই গুজাপ হয়ে গেছে আপা। ঐদিন বিজু ভাই কি সব বলে

গেছেন। তারপর থেকে.....

সোমা বলল, চাচী নেই?

ঃ মা সাতদিন আগে রাগারাগি করে ঐ যে বড় মামার বাসায় গেছেন আর আসছেন না। কি করি বলতো আপা?

ঃ বড় চাচার অবস্থার কথা চাচী জানেন?

ঃ জানেন। আমি নিজে গিয়ে বলেছি।

ঃ চাচী কি বললেন?

ঃ কিছুই বলেন না।

সোমা বড় চাচার ঘরে ঢুকল। তিনি এক দৃষ্টিতে 'খানিকক্ষণ' তাকিয়ে থেকে বলল, কে সোমা না?

ঃ ছি।

ঃ ভাল আছিস মা?

ঃ ছি ভালই আছি।

ঃ শরীরটা ভালো তো?

ঃ ছি ভাল।

ঃ শরীরটা ঠিক রাখবি। শরীর ঠিক রাখটা খুবই দরকার। শরীরটা নষ্ট হয়ে গেছে - তাই আমার এই অবস্থা। শরীর ঠিক থাকলে তিথির তিন মামাকে কি করতাম দেখতে পেতি। ধরে ধরে আছাড় দিতাম। তিনটাই বদ। মহাবদ। দুটো কাঁচা পয়সার মুখ দেখে মনে করছে দুনিয়া কিনে ফেলেছে। দুনিয়া কেনা এত সস্তা না। ফেরউন বাদশা কিনতে পারেনি। তার তো টাকার অভাব ছিল না। ব্যাটা তোদের কটা টাকা হয়েছে বল দেখি? দুটো ব্যাঙের আঙুলি পেয়ে মনে করেছিস কি? তোদের মুখে আমি পেছাব করে দেই - ইয়েস পেছাব। টেট পেছাব করে দেব। তখন বুঝবি কত ধানে কত চাল? তোরা ভেবেছিস কি? দুই মন ধানে দুই মন চাল? উহু, এত সহজ না। দুই মন ধানে এক মন চাল। খুব বেশী হলে দেড় মন.....

বড় চাচা অনবরত কথা বলে যাচ্ছেন। এক মুহূর্তের জন্যও থামছেন না। তিথি ও মিথি দরজা ধরে দাঁড়িয়ে আছে। ভয়ে তাদের মুখ শুকিয়ে এতটুকু হয়ে গেছে।

মিথি হাত ইশারা করে সোমাকে ডাকছে।

সোমা উঠে গেল। বড় চাচার কথা বলা বন্ধ হল না। তিনি কথা বলেই যাচ্ছেন। মিথি বলল, কি করব আপা?

ঃ বড় চাচীকে নিয়ে আয়। কিংবা তোর কোন মামাদের আন। ভয় নেই আমি এখানে আছি।

ঃ বাবা কি পাগল হয়ে গেছেন ?

ঃ আরে না মানুষ এত সহজে পাগল হয় না। মাথাটা গরম হয়েছে। অসুস্থপত্র খেলে ঠিক হয়ে যাবে। যা তোরা দুজনে মিলে চলে যা।

মিথিরা চলে যাবার কিছুক্ষণের মধ্যেই বড় চাচা বিছানার শূন্য ঘূমিতে পড়লেন। বেশ আরামের ঘুম। তাঁর নাক ডাকতে লাগল।

সোমা পাশেই বসে রইল। তার কিছুই করার নেই। একটা বই হাতের কাছে থাকলে বসে বসে পড়া যেত। অনেকদিন বই পড়া হয় না। বই পড়তে কেমন লাগবে এখন কে জানে। বিকেলের দিকে একবার কি যাবে বই আনতে ? না থাকে। যন্ত্রণা বাড়িয়ে লাভ নেই। এমনিভেই অনেক যন্ত্রণা।

সোমার বড় চাচী তাঁর ছোট ভাইকে নিয়ে সন্ধ্যার আগে আসে কিরলেন। বড় চাচা তখনো ঘুমে। সোমা নিজের ঘরে চলে এল। ঘুমন্ত মানুষের পাশে থেকে থেকে তারও ঘুম পাচ্ছে। সারাদিন সে কিছুই করেনি। তবু খুব ক্লান্ত লাগছে। সে বানিকেশ্বর ঘুমবে। উম্মীকে বলে দেবে তাকে যেন ডাকা না হয়। রাতের খাবার সময়ও যদি দেখা যায় তার ঘুম ভাঙেনি তবু যেন ডাকা না হয়। একরাত না খেলে কিছু হয় না।

সোমা কতক্ষণ ঘুমিয়েছিল সে বলতে পারবে না, তার কাছে মনে হল শুধু তার চোখ একটু লেগেছে শুষ্ক যেন উম্মী এসে তার গা ঝাঁকিয়ে — আপা ওঠতো। প্রীত ওঠ।

সোমা বিরক্ত গলায় বলল, তোকে কি বলেছিলাম ?

ঃ আপা ওঠ, দরকার আছে। প্রীত।

সোমা উঠে বসল। ঘর অনুকার। বারান্দায় বাতিও জ্বালানো হয়নি। দরজা-জানালা লাগানো।

ঃ তুমি অনেকক্ষণ ধরে ঘুমাচ্ছ আপা। এখন সাড়ে নটা বাজে।

ঃ সত্যি ?

ঃ হ্যাঁ সত্যি। তবে তোমাকে ঘুম থেকে তুলেছি অন্য কারণে। প্রফেসর সাহেব এসেছেন।

ঃ কে এসেছেন ?

ঃ প্রফেসর সাহেব। ঐ যে দোতারা বাড়ির। সন্ধ্যার পর পর এসেছেন। আর যেতে চাচ্ছেন না। আমি এতক্ষণ গল্প করলাম। গল্প আমার পেটে যা ছিল সব শেষ। তিনিও চুপচাপ বসে। আমিও চুপচাপ। আপা হাত-মুখে একটু পানি দিয়ে চলে এসে।

সোমা কখনো ভাবেনি যে, সে বসার ঘরে ঢুকতেই তিনি চেয়ার ছেড়ে উঠে দাঁড়াবেন। যেন সোমা একজন খুব সম্মানিত মহিলা। সোমার ভীষণ লজ্জা লাগল।

সে নীচু গলায় বলল, আপনি বসুন।

ঃ উম্মী বলছিল, তোমার শরীর ভাল না। সন্ধ্যা থেকে ঘুমাচ্ছ। ঘুমবার সময় বলে গেছ তোমাকে যেন ডাকা না হয়। আমি তাই অপেক্ষা করছিলাম।

সোমা কি বলবে ভেবে পেল না। বসার ঘরের অবস্থা কি হয়ে আছে! উনি আসবেন জানলে সে ঘর পুছিয়ে রাখত।

প্রফেসর সাহেব নরম গলায় বললেন, তোমার ছোটবোনের সঙ্গে কথা বলতে বলতে খুব হাসছিলাম। ও যে এতো মজার মজার গল্প জানে আশ্চর্য। মেহেরা সাধারণত রসিকতা করতে পারে না। কিন্তু ও দেখলাম সুন্দর রসিকতা করে।

ঃ আপনাকে কি ও চা নিয়েছে ?

ঃ হ্যাঁ তিনবার নিয়েছে। আর চা খাব না তোমার সঙ্গে কয়েকটা কথা বলে চলে যাব।

ঃ বলুন।

ঃ তুমি এত দূরে বসেছ কথা বলতে হলে তো টেচিয়ে বলতে হবে। কাছে আস।

ঃ সোমা এগিয়ে এল।

ঃ নিজেদের বাড়িতে তুমি এত লজ্জা পাচ্ছ কেন বল তো ?

ঃ লজ্জা পাচ্ছি না।

ঃ আমি যে জন্যে এসেছি সেটা বলে চলে যাই। তুমি খুবই অবস্থি বোধ করছ। তোমাকে অবস্থিতে ফেলা আমার উদ্দেশ্য নয়। আচ্ছা শোন ঐদিন যে তুমি আমার বাসায় গিয়েছিলে তা নিয়ে কি কোন সমস্যা হয়েছে ?

ঃ না। সমস্যা হবে কেন ?

ঃ গতকাল সন্ধ্যায় তোমার বাবা আমার বাসায় এসেছিলেন। কালই মনে হল হয় তো কোন সমস্যার সৃষ্টি হয়েছে। আমার মনটা খুব খারাপ হয়েছে। তোমার বাবাকে সেটা বুঝিয়ে বললাম।

ঃ বাবা আপনার কাছে গিয়েছিলেন ?

ঃ তুমি জান না ?

ঃ না।

ঃ হ্যাঁ গিয়েছিলেন। তিনি তোমাকে নিয়ে খুবই চিন্তিত। তোমার আগের হাস্যব্যংগ নাকি খুব বিরক্ত করছে তোমাকে ?

ঃ না তো।

ঃ তোমার বাবা তো তাই বললেন। রাত দশটা-এগারোটার দিকে বাসার সামনে

দিয়ে হাটা-হাটি করে। ক্রিমিন্যাল নেচারের মানুষ, তাই তোমার বাবা ভয় পাচ্ছেন।  
যদি কোনো ক্ষতিটি করার চেষ্টা করে।

ঃ ও কোনো ক্ষতি করার চেষ্টা করবে না।

ঃ না করলে তো ভালই। তোমার বাবাকে সেই কথা বললাম। এবং আরো  
একটা কথা বললাম। সেই কথাটা তোমাকেও বলা দরকার। কথা ঠিক না, এক  
ধরনের আবেদন বলতে পার। আমি তোমার বাবাকে বলেছি যে, আপনার বড়  
কন্যাকে আমি খুবই পছন্দ করি। তার জীবনের ভয়াবহ দুর্ভাগ্যের জন্যে আমি  
পরোক্ষভাবে হলেও দায়ী, কাজেই....

সোমা এক দৃষ্টিতে তাকিয়ে রইল।

ভদ্রলোক চোখ থেকে চশমা খুলে কাচ মুছতে মুছতে বললেন, আমার মনে হল  
তোমার বাবা আমার কথা শুনে খুশী হয়েছেন। উনার খুশী হওয়াটা তেমন জরুরী  
নয়, তুমি খুশী কি না বা তুমি কি ভাবছ সেটা হচ্ছে জরুরী। জীবন নতুন করে শুরু  
করা অনায়াস কিছু না। পেছন দিকে তাকিয়ে বড় বড় দীর্ঘ নিঃশ্বাস ফেলার কোনো  
মানে হয় না। আজ উঠি। ভালো কথা, তোমার জন্যে দুটা বই এনেছি।

সোমা তাঁকে বাড়ির গেট পর্যন্ত এগিয়ে দিতে গেল। ভদ্রলোক চলে যাবার পরও  
সে অনেকক্ষণ গেটের কাছে দাঁড়িয়ে রইল। বড় চাচার কথা শোনা যাচ্ছে — এক  
নাগাড়ে তিনি কথা বলে যাচ্ছেন। এখন কথা বলছেন আগের চেয়েও অনেক উঁচু  
গলায়।

ঃ সমস্যা আবার কি? কিসের সমস্যা? কার বাপের সমস্যা? কাকে আমি  
ভরাই? কোন ব্যাটিকে ভরাই? তারা আমাকে কি ভাবে? এখনো হাতে এমন জোর  
আছে যে, একটা চড় দিলে দ্বিতীয় চড় দেয়া যাবে না। এক চড়েই পাউরুটি বিছুট  
হয়ে যাবে.....।

বড় চাচা কথা বলছেন। আরেকজন কে যেন কাঁদছে। কে কাঁদছে বোঝা যাচ্ছে  
না — মিতি, তিথি না বড় চাচা? সব পুরুষদের কান্নার শব্দ যেমন এক রকম, সব  
মেয়েদের কান্নার শব্দও এক। কে জানে যখন মানুষ কাঁদে তখন বোধ হয় সবাই  
সমান হয়ে যায়।

সোমা দেখল বাবা আসছেন। হেঁটে হেঁটে আসছেন। আজকাল প্রায় রাতেই  
উনি দেরী করে ফিরছেন। পসার বোধ হয় বাড়ছে। আগের বিমর্ষভাবে এখন আর  
তার মধ্যে নেই।

ঃ কে সোমা?

ঃ জি বাবা।

ঃ অনুকারে দাঁড়িয়ে আছিস কেনরে মা?

ঃ তোমার জন্যে অপেক্ষা করছি। এত দেরী কেন?

ঃ একটা কলে গিয়েছিলাম। ওরা আবার চা-টা বাইয়ে দিল।

ঃ নামী ডাক্তার হয়ে যাচ্ছ মনে হয় বাবা।

বাবা হাসলেন। সোমা অবাধ হয়ে লক্ষ্য করল এই যে বড় চাচা চোঁচামেটি  
করছেন বাবার কানে তা যাচ্ছে না। তিনি হাসতে হাসতে কথা বলছেন।

ঃ এখানে তো বেশ বাতাস সোমা।

ঃ জি।

ঃ দাঁড়াই খানিকটা গায়ের ঘাম মরুক কি বলিস?

ঃ দাঁড়াও।

তিনি ইতস্তত করে বললেন — তোকে একটা কথা বলা হয়নি। প্রফেসর  
সাহেবের বাসায় গিয়েছিলাম। মানে এম্মি হঠাৎ ভাবলাম.... হাক্সার হলেও  
প্রতিবেশী। তাই না?

ঃ তা তো ঠিকই।

ঃ ভদ্রলোককে যেরকম ভেবেছিলাম সেরকম না। খুবই ভদ্রলোক। বলাতে  
গেলে আমি তার ব্যবহারে মুগ্ধ। তোর মাকে বলেছি সে কথা। খুবই ভাল মানুষ।  
পাড়াতেও খুবই সুনাম।

ঃ ভাল মানুষ, সুনাম কেন হবে না বল?

ঃ নিরহংকারী লোক। একদিন পানি ছিল না উনি নিজেই রাস্তার  
মিউনিসিপ্যালিটির কল থেকে বালতি করে পানি নিয়ে গেলেন। সবাই পারে না।  
সংকোচ বোধ করে। তাই না?

ঃ তা ঠিক।

ঃ সন্মান যার আছে সে সন্মান যাওয়ার ভয় করে না। যার সন্মান নেই তার  
যত ভয়।

ঃ তোমার গায়ের ঘাম বোধহয় মরেছে, চল ভেতরে যাই।

ঃ দাঁড়া আরেকটু। বাতাসটা ভালই লাগছে। সোমা, প্রফেসর সাহেব একটা  
প্রস্তাব দিয়েছেন মানে — ইয়ে — তোর মা কি কিছু বলেছে তোকে?

ঃ না।

ঃ আচ্ছা তোর মার কাছ থেকে শুনিস। প্রস্তাবটা আমার পছন্দ হয়েছে। একটা  
ফ্রেশ স্টার্ট হলে ভাল হয়। বেশ ভাল হয়। চোঁচামেটি কে করছে রে?

ঃ বড় চাচা।

ঃ যত্নশীল হল দেখি।

সাইফুদ্দিন সাহেব বিরক্তিতে মুখ কঁচকে ফেললেন।

রাত বারোটা দশ। বিজু এখনো ফেরেনি। মাঝে মাঝে সে খুব রাত করে। তার নাকি পাটি মিটিং থাকে। আজও বোধহয় পাটি মিটিং ছিল। জাহানারা ভাত বেড়ে ক্লাজ হয়ে অপেক্ষা করছিলেন।

সোমা বলল, তুমি ঘুমিয়ে পড় মা। আমি জেগে আছি। আমি সন্ধ্যাবেলায় ঘুমিয়েছি। এখন আর ঘুম আসছে না।

জাহানারা সঙ্গে সঙ্গে ঘুমতে গেলেন। বাড়ি নিঝুম হয়ে গেল। বড় চাচার কথাও শোনা যাচ্ছে না। সম্ভবতঃ তিনিও ঘুমুচ্ছেন। মাঝে মাঝে একটা ঘুমন্ত বাড়িতে একা একা জেগে থাকতে ভাল লাগে। অদ্ভুত অদ্ভুত সব চিন্তা আসে। আজ অবশ্যি তেমন কোনো অদ্ভুত চিন্তা সোমার মাথায় আসছে না। সে প্রফেসর সাহেবের রেখে যাওয়া বইটি কোলে নিয়ে বসে আছে।

এই ভদ্রলোককে সে কখনো কোনো নামে ডাকেনি। প্রথম পরিচয়ের দিন একবার শুধু 'স্যার' বলেছিল। উনি বলেছিলেন, 'সবার মুখে দিনরাত স্যার স্যার শুনি। তুমি স্যার না বললে কেমন হয়?'

সোমা বলেছিল, 'কি ডাকব?'

ঃ তোমার যা ইচ্ছা তাই ডাকতে পার।

সোমা কিছু ডাকেনি।

দরজার কড়া নড়ছে। সোমা দরজা খুলে দিল। লজ্জিত ভঙ্গিতে ঘরে ঢুকল বিজু।

ঃ দেরী করলাম আপা। সরি। পাটি মিটিং ছিল।

ঃ তরকারি গরম করব, না যেমন আছে তেমনি খাবি?

ঃ কিছু খাব না আপা। বিরিয়ানী খেয়ে এসেছি।

ঃ চা খাবি? চা করে দেব?

ঃ দাও। বেশী করে বানিও। ফ্রাঙ্ক ভরে রাখব।

সোমা রান্নাঘরে চা বানাচ্ছে। বিজু কাপড় ছেড়ে সিগারেট হাতে এসে বসল বোনের পাশে।

সোমা চায়ে চিনি মেশাতে মেশাতে বলল, বিজু ও নাকি রাতের বেলা বাসার সামনে দিয়ে হাঁটাইটি করে?

ঃ কে বলেছে তোমাকে?

ঃ করে কি না বল।

ঃ আর করবে না। হেভী হাতানী দিয়ে দিয়েছি।

ঃ মার ধোর করেছিস?

ঃ আরে না। তুমি কি ভাবো আমি রাতদিন মারামারি করে বেড়াই? আমি লোকটাকে কঠিন করে বলে দিয়েছি — আপনাকে তিন রাত এখানে হাঁটাইটি করতে দেখেছি। আর যেন না দেখি। মামদোবাজি আমি সহ্য করব না।

সোমা শীতল গলায় বলল, একজন লোক যদি বাড়ির সামনে দিয়ে হেঁটে যায়, তাহলে তোর অসুবিধা কি?

বিজু খুব অবাক হল।

সোমা বলল, এমন তো না যে সে কারোর কোনো ক্ষতি করছে।

ঃ ও একটা ক্রিমিন্যাল লোক আপা। বল, ক্রিমিন্যাল না?

সোমা চুপ করে রইল।

বিজু বলল, একটা কথা সত্যি করে বলতো আপা, তুমি ওর কাছে ফিরে যেতে চাও?

ঃ না।

ঃ কখনো কি তোমার মনে হয়েছে যে, চলে এসে তুমি ভুল করেছো?

ঃ না।

ঃ শুনে ভাল লাগল আপা। তোমার কাগজখানায় মাঝে মাঝে কনকিউজড হয়ে যাই।

সোমা বলল, ওর মতন ঐসব কথা ওকে বললি, তখন ও কি বলল?

ঃ তুমি এখনো ওসব নিয়ে ভাবছ?

ঃ কি বলব ও?

ঃ কিছু বলেনি।

ঃ ওর আসতে কেন, ডিজেন্স করেছিলি?

ঃ না। কথা বলার অবস্থা ছিল না।

ঃ কেন?

ঃ মাথায় ব্যাণ্ডেজ ক্যাণ্ডেল দেখলাম। কেউ বোধ হয় হেভী পিটিন দিয়েছে।

সোমার হাত থেকে চা ছলকে পড়ল।

বিজু বলল, ঠাট্টা করছিলাম আপা। তোমার রিএ্যাকশন দেখছিলাম। লোকটা বহাল তবিয়তেই আছে। তবে মার একদিন সে খাবে। পাবলিক তাকে পিটিয়ে লম্বা বানাবে। তোমার শুনতে খারাপ লাগলেও কথাটা সত্যি।

সোমা উঠে দাঁড়াল।

বিজুও উঠল। সোমার পেছনে পেছনে আসতে আসতে বলল, তুমি খুব শক্ত মেয়ে, তবে তোমার আরো শক্ত হওয়া দরকার।

ঃ তোকে উপদেশ দিতে হবে না।

ঃ উপদেশ দিচ্ছি না আপা — আর শুধু একটা কথা বলব। তোমার ঐ প্রফেসর ভদ্রলোক — খারাপ না। ভাল। তুমি যদি উনার বাসায় যাও আমি রাগ করব না। বরং খুশীই হবে। শুধু আমি একা না, এ বাড়ির সবাই খুশী হবে।



বড় চাচাকে নিয়ে যেতে মিথির দুই মামা এসেছেন।

বাড়ির সামনে একটা পিকআপ এবং একটা ডাইহাটসু গাড়ি দাঁড়িয়ে। পিকআপে জিনিসপত্র তোলা হচ্ছে। ব্যাপারটা উম্মী বারন্দায় দাঁড়িয়ে দেখল। তার খুব খারাপ লাগল। সে ভেতরে এসে বিজুকে বলল, ওরা সব কিছু নিয়ে চলে যাচ্ছে।

বিজু বলল, যাক না। তোর এতো মাথা ব্যথা কিসের?

ঃ মিথি-তিথিরা খুব কান্নাকাটি করছে।

ঃ বারন্দায় দাঁড়িয়ে দেখার কোনো দরকার নেই। বড় আপা কোথায়?

ঃ ঐ বাড়িতে।

ঃ যা, আপাকে ডেকে নিয়ে আয়।

উম্মী বলল, আমি পারব না। এই রকম কান্নাকাটির মধ্যে আমি যাব নাকি?

বড় চাচা ভীষণ হৈ চৈ করছেন। তিনি কিছুতেই যাবেন না। ক্রমাগত বলছেন — ওরা আমাদের নিয়ে মেরে ফেলবে। খুনীর দল আমাদের নিয়ে মেরে ফেলবে। আমাদের নিয়ে খুন করবে। খুন করতে নিয়ে যাচ্ছে।

মিথির দুই মামা খুবই বিরক্ত হচ্ছেন। ভুরু কঁচকে তাকিয়ে আছেন। গাড়ির দুই ডাইভার তাঁর হাত ধরে তাকে তুলে নিয়ে যাবার চেষ্টা করছে। তিনি গলা ফাটিয়ে চৈচাচ্ছেন। তাঁকে ঘর থেকে বের করতে ডাইভার দুজনকে খুব বেগ পেতে হল।

মিথির বড় মামা বিরক্ত গলায় বললেন, এই সামান্য কাজে তোমরা সারাদিন লাগিয়ে দিচ্ছ। হাত দুটা শক্ত করে ধর না কেন?

বাড়ি থেকে বের করে আনার পর বড় চাচা কিছুক্ষণের জন্যে চিৎকার করলেন। তারপর শিশুদের মতো শব্দ করে কাঁদতে লাগলেন। বিজুকে ডাকতে শুরু করলেন,

ঃ ও বিজু, বিজু ওরা আমাদের ধরে নিয়ে যাচ্ছে। ও বিজু, বিজু....। আমাদের ধরে নিয়ে যাচ্ছে। বিজু... ওরা আমাদের ধরে নিয়ে যাচ্ছে।

মিথির ছোট মামা বললেন, একজন কেউ মুখটা চেপে ধর। চিৎকার সহ্য করা যাচ্ছে না। আহ কি যে যন্ত্রণা।

বড় চাচাকে পিকআপে উঠানোর চেষ্টা করা হচ্ছে। ড্রাইভার দুজন পেরে উঠছে না। সাহায্যের জন্যে মিথির বড় মামা এগিয়ে গেলেন। বড় চাচা কুণ্ডলি ডাকতে লাগলেন, ও বিজু, বিজু.....।

বিজু বেরিয়ে এল। কয়েক মুহূর্ত তাকিয়ে রইল বড় চাচার দিকে। তারপর গর্জন করে উঠল — একটা মানুষ যেতে চাচ্ছে না, তারপরও আপনারা তাঁকে জোর করে নিয়ে যাবেন? পেয়েছেন কি আপনারা? মগের মলুক নাকি?

বড় চাচা কান্না ধামিয়ে উঠু গলায় বললেন — ঘুঁষি মেরে ওদের নাক ফাঁটিয়ে দে বিজু। কথায় কাজ হবে না। কথার মানুষ এরা না।

বিজু বলল, যান রেখে আসুন।

মিথির বড় মামা বললেন, কি বলছ তুমি? চিকিৎসা করাতে হবে না? এখানে চিকিৎসাটা কে করাবে?

ঃ আমরা করাবো। আমরা কি পানিতে ভেসে গেছি নাকি? একটা লোক ভয় পাচ্ছে, যেতে চাচ্ছে না তবু তাকে নিয়ে যাবেন। পেয়েছেনটা কি?

বড় চাচা বললেন — খামাখা কথা বলে সময় নষ্ট করছিস বিজু। ঘুঁষি দিয়ে নাক ফাঁটিয়ে দে। এরা কথার মানুষ না।

বিজু বলল, যান রেখে আসুন। নইলে অসুবিধা হবে। পাড়ার লোক ডেকে ধোলাই দিয়ে দিব।

বড় চাচা আনন্দে হেসে ফেললেন। হাসতে হাসতে বললেন, দেবী করিস না, ধোলাই দিয়ে দে। রাম ধোলাই দিয়ে দে।

বড় চাচাকে আবার বাড়িতে নিয়ে যাওয়া হচ্ছে। মিথির পাড়িতে উঠে বসেছিল, তারা নেমে আসছে। মালপত্র নামানো হচ্ছে। উষী ব্যরান্দায় আছে।

বিজু একদিন ইলেকট্রিশিয়ানের সামনে তার গায়ে চড় মেরেছিল — এই অপরাধের জন্যে কোনোদিন সে বিজুকে ক্ষমা করবে না বলে জেলে বসেছিল। আজ ক্ষমা করলো। সে এগিয়ে গেল জিনিসপত্র নামানোর কাজে। বিজুকে সাহায্য করার জন্যে। বড় চাচা এখন বেশ স্বাভাবিক। তিনি ব্যরান্দায় দাঁড়িয়ে আছেন। সেখান থেকে টেঁচিয়ে বলছেন, কাচের জিনিস আছে। আস্তে নামা। এরা কোনো একটা কাজ যদি ঠিকমত করতে পারে। বিজু উষীটাকে একটা ধমক দেতো — কি রকম টানটানি করছে। ঠাণ্ডে না?



সোমা নতুন বই নিতে এসেছে। তিনি বই বেছে দিচ্ছেন। ইনামা দেখল একটা কুচকুচে কালো বিড়াল তাঁর পায়ে গা ঘঁষছে।

সোমা বলল, এই বিড়ালটা কি আপনার?

ঃ না। বেড়াল আমার পছন্দের প্রাণী না। তবে আমার স্ত্রী পছন্দ করত। বেড়ালকে খেতে টেঁচে দিত। এই কালো বেড়ালটা হচ্ছে আমার স্ত্রীর পোষা বেড়ালগুলোর কোনো একটার বংশধর।

ঃ আপনি কি একে খেতে টেঁচে দেন?

ঃ হ্যাঁ দেই। আমার স্ত্রীর প্রতি মমতা থেকে দেই। এগ্নিতে কিংবদন্তি কুকুর বেড়াল কোনোটিই আমি পছন্দ করি না।

ঃ আমিও করি না।

জিনি হাসতে হাসতে বললেন, লোকে বলে যারা পাখি পছন্দ করে তারা পশু পছন্দ করে না। তুমি কি পাখি পছন্দ কর সোমা?

ঃ জানি না, করি বোধহয়।

ঃ আজ এই বইটা নিয়ে যাও, প্রথম একশ পাতা কষ্ট করে পড়তে হবে তারপর দেখবে — হাত থেকে বই নামাতে পারছ না।

সোমা জবাব দিল না। সে কালো বিড়ালটার দিকে এক দৃষ্টিতে কি যেন দেখছে।

সোমা চাপা গলায় বলল, ও বিড়াল খুব পছন্দ করে। বলেই সে অসম্ভব লজ্জা পেয়ে গেল।

তিনি আবার হয়ে দৃশ্যটি দেখলেন। নরম স্বরে বললেন, উনি বেড়াল পছন্দ করতেন।

ঃ হুঁ। একবার রাস্তা থেকে একটা বিড়াল ধরে নিয়ে এসেছিল। পিঠে ঘা হয়েছিল, তাই রোজ ডেটল দিয়ে ঘা ধুয়ে দিত। পুঁজ পরিষ্কার করত। আমার গা দিন দিন করত। তাত খেতে পারতাম না। বিড়ালটা অবশ্য ঝাচেনি। সাত দিনের দিন মরে গেল।

ঃ উনি খুব কষ্ট পেয়েছিলেন মনে হয়।

ঃ হ্যা, হাউমাই করে কিছুক্ষণ কাঁদল। তার পরপরই অবশ্যি খুব স্বাভাবিক।  
ওর কষ্ট বেশীক্ষণ থাকে না।

ঃ সোম্য?

ঃ হি।

ঃ তুমি কিন্তু এখনো এই ভদ্রলোককে খুব পছন্দ কর।

সোম্য হুপ করে রইল।

তিনি নরম স্বরে বললেন, এসো আমরা বাইরে খানিকক্ষণ বসি।

তারার হারাম্‌মাহ এসে বসল। তিনি একটা সিগারেট ধরিয়ে সহজ গলায় বললেন,  
সোম্য, আমার মনে হয় তোমার এই ভদ্রলোকের কাছে ফিরে যাওয়া উচিত। তাঁকে  
আরেকটা সুযোগ দেয়া উচিত।

ঃ সে কেমন মানুষ আপনি কিছুই জানেন না বলে এটা বলতে পারলেন।

ঃ ধরে নিলাম খুবই খারাপ মানুষ। কিন্তু তুমি তাকে বদলাবার কোনো চেষ্টা কি  
করেছ? আমার কেন জানি মনে হচ্ছে তুমি করনি। করে দেখ না।

সোম্য তাকিয়ে আছে। কোনো কথা বলছে না।

তিনি বললেন, চা খাবে?

সোম্য বলল, না।

তিনি ভারী গলায় বললেন, তোমাকে উনার কাছে ফিরে যেতে বলছি কেন জান,  
এ মানুষটার জন্যে তোমার তীব্র ভালবাসা আছে, কিন্তু তুমি সেটা বুঝতে পারছ না।

ঃ আমি যা বুঝতে পারিনি — আপনি কি করে তা বুঝে ফেললেন?

ঃ বেড়াল তুমি পছন্দ কর না, কিন্তু গভীর মমতায় তুমি কালো বেড়ালটার দিকে  
তাকিয়ে রইলে। কারণ, তোমার খুবই প্রিয় একজন বেড়াল পছন্দ করে।

সোম্যর চোখে পানি এসে গেল।

তিনি বললেন, বড্ড চায়ের তৃষ্ণা হচ্ছে। তুমি কি আমাকে এক কাপ চা বানিয়ে  
খাওয়াবে? রান্নাঘরে সবই হাতের কাছে আছে।

সোম্য চা বানানোর জন্যে উঠে দাঁড়াল।



সন্ধ্যা পার হয়ে গেছে।

কামাল এখনো বিছানায়। দুপুরে ঘুমিয়েছিল, বিকেলে ঘুম ভেঙেছে, কিন্তু বিছানা  
ছেড়ে উঠতে ইচ্ছা করছে না। এই সময়টা তার খুব খারাপ সময়। গলা ফাটিয়ে  
কাঁদতে ইচ্ছা করে। আজও কাঁদতে ইচ্ছা করছে।

বিড়ালের বাচ্চাগুলোর চোখ ফুটেছে। সব কটা এখন বিছানায়। বালিশ নিয়ে  
কামড়া কামড়ি করছে। কি সুন্দর দৃশ্য। কাউকে দেখাতে ইচ্ছা করে। দেখানোর  
কেউ নেই।

কামালের বুক হ হ করে।

ঘর অন্ধকার আলো জ্বালতে ইচ্ছা করছে না। মাঝে মাঝে কিছুই করতে মন  
চায় না।

আকাশ মেঘে মেঘে ঢাকা। গুড় গুড় শব্দ হচ্ছে। মনে হয় ঢালা বর্ষণ হবে।  
একটু একটু বৃষ্টি বোঝায় হচ্ছেও। ফির ফির শব্দ কানে আসছে। একটা বিড়াল  
কামালের বুড়ো আঙুল কামড়াবার চেষ্টা করছে। কামাল বলল, তোরা কিন্তু বড্ড  
বেশী বিরক্ত করছিস। লাখি খাবি।

ঠিক তখনই দরজায় টোকা পড়ল।

কামাল বলল, কে?

কেউ জবাব দিল না। আবার মৃদু টোকা পড়ল।

কামাল দরজা খুলে তাকিয়ে রইল। সোম্য দাঁড়িয়ে।

সোম্য বলল, বাইরে বৃষ্টি হচ্ছে। ভিজ্জে কি হয়েছি, দেখো না।

কামাল বলল, তুমি কেমন আছ সোম্য?

বলতে বলতে তার চোখ ভিজ্জে উঠল। সন্ধ্যাবেলার এই সময়টা ভাল না। এই  
সময় মানুষ বড় একাকী বোধ করে। তাদের বুক হ হ করে। অকারণেই তাদের চোখ  
ভিজ্জে ওঠে। সন্ধ্যাবেলার এই অদ্ভুত সময়টাতে প্রিয়জনদের কাছে যেতে নেই। তবু  
সব মানুষই প্রিয়জনদের কাছে যাবার জন্যে এই সময়টাই বেছে নেয়। কেন বেছে  
নেয় কে জানে?